


**UNIVERSITY OF EDUCATION, WINNEBA**

**AKANFO} AB{BUO A {FA MM}FRA NTETE{ HO MP{NS{MP{NS{MU**

**RACHEL AMPONSAH**



**MASTER OF PHILOSOPHY**

**2021**

**UNIVERSITY OF EDUCATION, WINNEBA**

**AKANFO} AB{BUO A {FA MM}FRA NTETE{ HO MP{NS{MP{NS{MU**

**RACHEL AMPONSAH**

**(200009965)**



**Mpensempensemu dwumadie a efiri Suapon ne fa a ehwe Akan-Nzema kasa ho  
adesua so de koma "School of Graduate Studies"**

**Yei ne ahiadee baako a ebema Suapon no ama me  
Master of Philosophy  
(Ghanaian Languages-Twi)  
ewo University of Education, Winneba.**

**OBUBUO, 2021**

## PAEMUKA

### OSUANI NO PAEMUKA

Me, Rachel Amponsah, mepae mu ka se, saa nhwehwemu yi mu nsem nyinaa, se meyi mmoa a menya firii nnipa a mabobo won din wo nhwehwemu yi mu to nkyen a, dee aka no nyinaa ye m'ankasa me nsa ano adwuma. Mmoa a menyae no nyinaa nso mada no adi ada ho ase wo nhwehwemu yi mu.

Nsaano agyinahyedee : .....

Da : .....

### ƆHWƐFOƆ NO PAEMUKA

Mepae mu ka se, me na mehwee nhwehwemu dwumadie yi so tenetenee no, sedee Simpa Suapon nhwehwemu dwumadie akwankyere ne nhyehyee tee. Dee ehia se oye ma dwumadie yi di mu biara mahwe no ama no aye.

Ɔ hwefo no din : Dr. Kwasi Adomako

Nsaano agyinahyedee : .....

Da : .....

## **DINTOO**

Meto nwoma yi din ma me kunu Edmund Arnold Ankrah ne mma Samuel Kwaku Ankrah, Arnorld Werekoh Ankrah, Samuella Konadu Ankrah ne Raphael Nkonim Opoku Ankrah.



## ASEDA

Meda Onyankopon ase wo ne nhweso pa ne bammɔ a ɔde maa me ne me kunu ne me mma berɛ mehyɛɛ adesua yi ase. Afei nso mede aseda sononko ma Dr. Kwasi Adomako a ɔhwɛɛ me dwumadie yi so tenetenee me, Doc. Awurade nhyira wo pa ara. Mesan nso de aseda ma Owura Bright Ammoah a ɔwo Akan Nzema Department wo University of Education, Winneba. Afei me were ntumi mfi Prof. Evershed Amuzu a ɔwo University of Ghana Legon, Prof. Mawu na yira wo.

Me sukuu panin Rev. Fr. Isaac Osei-Mensah nso meda no ase pii wo akwanya a ɔde maa me baa sukuu. Nana Awurade nhyira wo nye sukuu mpanimfoɔ nyinaa na wɔma wɔn akyerekyerefoɔ saa akwanya yi. Bio, me nnamfonom Collins Kwadwo Sarpong, Monica Owusu, Edward Addai, Elizabeth Nketia Boatemaa, Emmanuel Ohene Gyan ne Augustina Sylvia Myers- Cann wo wɔn nkuranhyɛ ne nhyɛ a na wɔde too me so ma mede di me dwuma yi.

Meda me maame Afua Nyameama ase wo n'abadaɛɛ a ɔde hwɛɛ me mma maa metumi betoaa m'adesua so. Obiara ɔboaa me akwannuasa so no Awurade nhyira no

## EMU NSEM

|  |           |
|--|-----------|
| Paemuka  | iii       |
| Dintoɔ   | iv        |
| Aseda  | v         |
| Emu Nsem   | vi        |
| Nhyɛnmu  | x         |
| <b>ƆFA A ƐDI KAN: DWUMADIE YI NNIANIMU</b>             | <b>1</b>  |
| 1.0 Nnianimu   | 1         |
| 1.1 Dwumadie no nnyinasoɔ                              | 3         |
| 1.2 Ɔhaw no Adi Da                                     | 4         |
| 1.3 Nhwehwɛmu yi Botaɛɛ                                | 7         |
| 1.4 Nhwehwɛmu yi Ho Nsemmissa                          | 7         |
| 1.5 Dwumadie yi ho mfasoɔ                              | 7         |
| 1.6 Beɛɛ a dwumadie yi kɔpɛm                           | 8         |
| 1.7 Dwumadie no ho akwansidee                          | 8         |
| 1.8 Dwumadie no nhyehyɛɛɛ                              | 8         |
| 1.9 Ɔfa yi mmuabo                                      | 10        |
| <b>ƆFA A ƐTƆ SO MMIENU: ANIMDEFOƆ BINOM ADWENKYERE</b> | <b>11</b> |
| 2.0 Nnanimu  | 11        |
| 2.3 Ɛbe asekyere                                       | 11        |
| 2.4 Ɛbe su   | 13        |
| 2.4.1 Bɔbea  | 14        |
| 2.4.2 Nnyetomu   | 15        |



|  |           |
|--|-----------|
| 2.4.3 Ebe nni wura   | 16        |
| 2.5 Ebe Mu Kasasu  | 17        |
| 2.5.1 Ebe ye kasakoa (Figurative)                            | 17        |
| 2.5.2 Nsengoro   | 18        |
| 2.5.3 Anihanehane  | 19        |
| 2.6 Akanfoɔ Mmɛ Ahodoɔ                                       | 19        |
| 2.6.1 Ebe Turodoo  | 19        |
| 2.6.2 Asem- Sɛ-Bɛ  | 20        |
| 2.6.3 Nnyeso-Bɛ  | 20        |
| 2.6.4 Abɛbudee   | 21        |
| 2.7.0 Ebe dwumadie   | 22        |
| 2.9 Abaatanye ne mmɔfra ntetee                               | 27        |
| 2.12.0 Nwehwemu Yi Mu Adwenemusem                            | 34        |
| 2.12.3 Sedee Mede Tiori yi dii Dwuma                         | 41        |
| <b>ƆFA ETƆ SO MMIƆNSA: ƆKWAN A MEFAA SO YEE NHWEHWEMU YI</b> | <b>45</b> |
| 3.0 Nnianimu   | 45        |
| 3.1 Nhwehwemu No Su  | 45        |
| 3.2 Beaeɛ a Nhwehwemu no kɔɔ so                              | 47        |
| 3.3. Nnipa Dodoɔ a Mede Wɔn Dii Dwuma                        | 47        |
| 3.4 Asuafoɔ  | 49        |
| 3.5 Ɔkwan a Mefaa so Nyaa Nsem a Mede Dii Dwuma no           | 50        |
| 3.5.1 Nkɔmmɔtwetwe   | 50        |
| 3.5.2 Nwoma  | 51        |

|   |           |
|---|-----------|
| 3.6 Ekwan a mefaa so yɛɛ mpɛnsɛmpɛnsɛm no                             | 51        |
| 3.4 Ɔfa yi muabɔ  | 52        |
| <b>ƆFA A ETƆ SO NAN: DWUMADIE YI MPɛNSɛMPɛNSɛMU</b>                   | <b>53</b> |
| 4.0 Nnianimu  | 53        |
| 4.1. Mpɛnsɛmpɛnsɛmu a ɛfa Akanfoɔ adwene a ɛfa mmɔfra ho wɔ abɛbuo mu | 54        |
| 4.1.1 Mmɔfra Yɛ Mpaninsɛm   | 54        |
| 4.1.2 Mmɔfra Nimdeɛ Sua   | 58        |
| 4.1.3 Mmɔfra Aso Yɛ Den   | 60        |
| 4.1.4 Mmɔfra ne ɔsom  | 62        |
| 4.1.5 Mmɔfra Yɛ Asuasua   | 65        |
| 4.1.6 Mmɔfra fa wɔn awofɔɔ su   | 68        |
| 4.1.7 Mmɔfra Adwenemu Nna Mpan  | 71        |
| 4.1.8 Mmɔfra Hia Atenetene  | 74        |
| 4.1.9 Mmɔfra pɛ akorɔkoro   | 79        |
| Abɔfra yɛ bɔne a yetwe n'aso  | 81        |
| 4.2.0 Mmɛ ahodoɔ a Akanfoɔ de ma wɔn mmɔfra ntetɛ pa                  | 83        |
| 4.2.1 Akanfoɔ ne ahɔhoyɛ  | 85        |
| 4.2.2 Ahɔhoyɛ ho ahweyie  | 88        |
| 4.2.3.0 Obuo  | 90        |
| 4.2.3.1 Obuo a wɔde ma Nyankopɔn ne ahonhom                           | 90        |
| 4.2.3.2 Obuo a wɔde ma wɔn a wɔdi tumi                                | 91        |
| 4.2.7.3 Anibere   | 120       |
| 4.3 Ɔfa yi Muabɔ  | 129       |





|  |            |
|--|------------|
| <b>ƆFA A ETƆ SO NUM: MUABƆ, ADWENKYERE NE AWIEEE</b> | <b>130</b> |
| 5.0 Nnianimu   | 130        |
| 5.1 Nhwewemu no nyinaa muabo                         | 130        |
| 5.2 Adwenkyere                                       | 134        |
| 5.3 Awieeɛ   | 135        |
| NWOMA AHODOƆ A MENYAA MU MMOA                        | 136        |
| NKEKAHO  | 140        |



## NHYENMU

Dwumadie yi hwe sɛdɛɛ Akanfoɔ ada mmɔfra adi wɔ wɔ abɛbuo mu ne subampa a ɛsom bo ma wɔn a wɔnam abɛbuo so de tete wɔn. Dwumadie yi ho abɛhia ɛsiane sɛ, nhwehwɛmu a ɛfa mmɔfra ntetɛ ho no animdefoɔ nhyɛɛda mfaa wɔn adwene nkɔɔ so ne titire ne berɛ a yɛwɔ mu yi a akuokuo ahodoɔ kasa tia kwan a Abibiman fa so tea mmɔfra no. Dwumadie yi pensɛmpensɛm Akanfoɔ mme aduɔwɔtwe-nsia (86) mu na dii dwuma yi. Menyaa mme no bi wɔ nnwoma mu, sini mu na ɛbi nso firii amamfoɔ mede wɔn dii dwuma no nkyɛn. Nnipa dodoɔ a mede wɔn dii dwuma no yɛ edu-nsia (16). Ade titire pa ara ɛpue wɔ nhwehwɛmu yi mu ne sɛ, ɛsiane adwene a Akanfoɔ wɔ fa mmɔfra ho no nti, wɔtea wɔn wɔ suban ahodoɔ a wɔda no adi a wɔnnye ntom ho. Mpen pii no, yɛka ɛbe ho asem a, adwene a ɛbe nnipa tirim ne anoteɛ ne amammerɛ. Meretwe nhwehwɛmufoɔ adwene asi sɛ, wɔbetumi aye ɛbe ho nhwehwɛmu wɔ pragematɛse, semantɛse ne sentase kwanso. Yɛi bɛboa ama kasa no ho adesua nkɔgyina faako.




## ƆFA A ƐDI KAN

### DWUMADIE YI NNIANIMU

#### 1.0 Nnianimu

Saa nhwehwemu yi reda adwene a Akanfoɔ wɔ fa mmɔfra ho a wɔnam abɛbuo so de tete wɔn. Saa adwene yi ne adeɛ a wɔgyina so de ntetee ma wɔn mmɔfra. Nhwehwemu yi botaeɛ ne sɛ yɛbɛhunu adwene a wɔwɔ fa mmɔfra ho ne deɛ wɔhwehwe firi wɔn ho. Adeɛ biara a onipa, nipakuo, kasakuo anaa ɔman bi yɛ wɔ asase so no, adwene a wɔwɔ fa saa adeɛ no ho no nya nsunsuansoɔ kesee wɔ wɔn dwumadie so. Adwene a onipa wɔ fa adeɛ a ɔreyɛ no ho no ma afoforɔ hunu sɛ adekodeɛ no som bo ma no anaase ɔbu no animtia. Yɛba Abibiman mu a, Abibiman wɔ amammerɛ ne amannee ahodoɔ pii a ɛma wɔda sononko koraa firi amanaman nkaeɛ no ho. Ebi yɛ fɛ, ebi yɛ nwanwa, ebi nso yɛ hu yie. Ne nyinaa na wɔkabom ma Abibiman da nso ɛfiri aman foforo ho.



Kasadwini yɛ kwan baako a nnipakuo bi fa so da wɔn nneyeeɛ ne wɔn su ahodoɔ bi adi. Nwachuku-Agbada (1994) se sɛ wope sɛ wote nnipakuo bi amammerɛ ase a, gye sɛ wote wɔn ano kasadwini ase yie. Na akwan ahodoɔ a wɔfa so da wɔn amammerɛ no adi bi yɛ abɛbuo mu, anansesem, nnwom ahodoɔ, adwinnie ne nea ekeka ho. Abɛbuo yɛ kwan baako a nnipakuo bi fa so da wɔn gyidie ne adwene a wɔwɔ fa biribi ho. Wɔnam abɛbuo so da abakoɛm, mmaninsem ne amammerɛ ahodoɔ a ekɔ so anaa akɔ so wɔ nnipakuo bi mu. Aderemi (1994) se abɛbuo ma yɛhunu nipakuo bi adwene ne abakoɛm a ɛfa wɔn ho. Ɛwom sɛ ebe yɛ tiawa deɛ, nanso emu yɛ duru sɛ, sɛ wodwene ho kɔ akyire yie a, ɛma wo nya nhunumu pii.

Ɖkyeame Adakaber Frempong Manso na kaa n'asem se abebuo ma nyansafoɔ hunu nyansa yie, na ema tetekwaa nya nimdee, na ema animdefoɔ nimdee doɔso. Ɖko so ka se ebe ye adee a, ema okwan a nipa fa so dwene no mu do. Adjandeh (2014), erekame aye se adwene a Abibifoɔ wo fa biribi ara ho no wada no adi wo abebuo mu: adwene a efa atentenenee, pɛpɛpɛye, akokoɔduro, nokore, obuo ne anidie, ayamuye, tumidie ne dee ekeka ho. Yei kyere se abebuo ye anokasadwini titire baako a etumi boa ma yehunu adwenemu a etae nnipakuo bi nneyee akyi.

Saa dwumadie yi rebɛhwe sedee Akanfoɔ mme ahodoɔ bi boa ma yehunu adwene a Akanfoɔ wo fa mmɔfra ho ne sedee wonam abebuo so tete mmɔfra. Herskovits (1958) kyere se abebuo ye kasammara a efa nneema a esombo ho. Wei kyere se, yenam abebuo so tumi hunu dee oman bi pe ne dee wompe. Na ekyere se, yebetumi agyina Akanfoɔ mme ahodoɔ binom so ahunu nneema a esombo ma Akanfoɔ ne nneema a wɔbu no animtia a wonsoso so koraa.

Ɖfa a edi kan yi bema yeahunu nhwehwemu yi ani so. Eɛkyere dwumadie no nnyinasoɔ, dwumadie no botaeɛ, ena dwumadie no ho nsemmisa. Bio, saa ɔfa yi bema yeahunu nea dwumadie no kopem, eso mfasoɔ, ohaw ena dwumadie no nhyehyeeɛ. Ɖfa a eto so mmienu no nso bekyere yen nnipakuo a woka bom ye Akanfoɔ, dwumadie ahodoɔ a animdefoɔ ahodoɔ binom aye a ene dwumadie yi wo twaka. Afei ɔfa a eto so mmiensa nso beda nhwehwemu akwan a mefaa so dii dwuma yi. Beaeɛ ne nnipa dodoɔ a mede won dii dwuma no. Ebesan ahwe okwan a mefaa so paa nnipa dodoɔ a mede won dii

dwuma. Afei ɔfa a eto so nan no na eye dwumadie no ankasa a ebekyere adwuma no yie. Na ɔfa a eto so num no nso aye ɔtwerefoɔ no adwenkyere a mede beto dwa.

### 1.1 Dwumadie no nnyinasoɔ

Adee biara a onipa bi ye anaase ɔda no adi de kyere no gyina adwene a ɔwo fa saa adee no ho. Anidie a obi de bema wo, anaase animtia a obi bebɔ wo no, mpen pii no, gyina adwene a ɔwo fa wo ho. Mpanin se “kokoram amfere se ɔbetɔ wo hwene so a, wo nso womfere se wode asaawa betare so”. Se eye adwen a edi mu a, enneɛ ɔde obuɔ ne anidie bema wo nanso ekoye animtiabuo dee a, ɔmfa obuɔ mma wo. Na ekkyere se, suban ne nneyee biara a obi da no adi wo eberɛ bi mu no, gyina adwene a ɔwo fa biribi ho, na saa adwene no nya nsunsuansoɔ papa ne bɔne wo ne nneyee so. Akanfoɔ ye nnipakuo bi a wonni won mmɔfra ntetee ho agoro koraa. Mpanin se: “Eka wo nantini a, na aka wo to”. Wɔse: “Abɔfra te se borodedwo, woankusa no yie a ehye” na ekkyere se, woamma wo mma ntetee pa a, wɔsee. Saa adwene ahodoɔ a, Akanfoɔ wɔfa mmɔfra ho yi na wɔgyina so de ntetee ma won. Yehwe ebe a, Akanfoɔ dwumadie ne won amammere ahodoɔ nyinaa mu eɔda adi wo mu. Ewom se ebe nye kasa a emu da ho dee, nanso wonkasa a womfa nni dwuma. Mpanin se “asem mmaee a, yemmu be” saa ara nso na yennaee a, yenso daee.

Amansankuo baatan ne fa a wɔhwɛ apɔmuden so kyere se abɔfra ye onipa biara a wadi mfee edu-nkron (19) gye se ɔman a ɔfiri mu no mmara ka asem foforo fa mfee a yede ka se obi ye abɔfra ho. Pufall ne Unsworth (2004) se yeka abɔfra a, esesa firi sedee ɔman biara hunu no. Yeba Ghanaman mu ha, Ministry of Gender, Children and Social

Protection (2014) kyere se abofra ye onipa biara a wadi mfee edu-nwotwe anaase osua kyen saa.

Finnegan (2012) kyere se ekuo ahodoɔ bi wo Abibirem Atɔee a wode ebe kasa kyere mmofra san de tete won. Na ekyere se ebe ye kakasu a Abibiman tumi de tete mmofra ma eye yie. Na mmom Finnegan toa so ka se, atwerɛfoɔ ahodoɔ no ara nkyerɛ se dee wosi de saa mme yi kasa kyere mmofra yi na wosan nso de tete won. Na ekyere se saa dwumadie yi ye dwuma a eho hia se yehwe. Ne saa nti, no, ebehia se yehunu adwene a wɔwɔ fa mmofra ho a nti wɔgyina abebuo so de ntetee ahodoɔ ma won mmofra no.

## 1.2 Ohaw no Adi Da

Oman biara daakye papa ne ne nnyinasoɔ papa gyina ntetee pa a wode ma won mmofra so. Kane tete no, na Akanfoɔ wo akwan ahodoɔ a wofa so de ntetee papa ma won mma. Yeinom gyina adwene a na wɔwɔ fa mmofra ho ne ntetee papa a na wɔpe se wode ma won. Wotumi gyinaa anansesem, abisaa, aborɔmme, nnwom ne agoro ahodoɔ so de nimdee ne ntetee pa maa won mma (Agyekum, 2011). Okaroafor ne Njoku (2012) se abaatanye ye asetena mu nneyeee a ede asodie, akwan ne dwumadie kɛsee a ebeboa ama nnipakuo bi anya asomdwoee, koroye ne nkɔsoɔ. Ne saa nti se mmofra anaa abofra bi benya ntetee pa a na egyina awofoɔ, ahwefoɔ ne mpanimfoɔ papa a wɔbetu won ho asi ho se wɔbefa saa asodie yi ato won ho so. Bio, wɔaye nhyehyeee papa de akadee a ebehia wo abofra biara nyini mu agugu akwan mu ama abofra no nyini awie peye. Na yei kyere se adwene a yewɔ fa mmofra ho ne ntetee a yɛpe se yede ma won no hia pa ara yie na eye asodie kɛsee de ma won a wodi saa dwuma no. Yei nti Gyekye (1995), ma yehunu se


Akanman ye kwasafɔ dea ne saa nti mmɔfra ntetee nnyina awɔfoɔ a wɔwɔo mmɔfra nko ara so. Mpanin se “enye ɔbaakofoɔ na tete abɔfra”

Finnegan (2012), se adee baako a ehye ebe papa biara nso ne gye a ɔmanfoɔ agye atom se eye nokore. Rakhimova ne nkaee (2019) se ebe da nokwasem ewɔ ɔman biara ho na etwa mfonin a efa ɔman bi ho kyere. Nsem a animdefoɔ yi reka de foa Finnegan asem yi so yi kyere se asem biara a enye nokore na entwa mfonin papa mfa ɔman bi ho anaase adwene a wɔwɔ fa biribi ho no, ɔmanfoɔ no nnye ntom mma no mmedane ebe.

Dwumadie ahodoɔ pii ako so wɔ Akanfoɔ abebuo mu. Ebi ye ebe a efa mmoa ho, mmaa, gyidie ne ade. Amissa (1986), dii dwuma faa Akanfoɔ abebuo a efa owuo ho. Na wɔkyeree sedee Akanfoɔ da owuo adi wɔ won abebuo mu. Agyekum (2012), Dzokoto (2018) nso adi dwuma afa ebe a eda Akanfoɔ nimdee a efa awaree ho, ena Agyekum (2017), asan adi dwuma afa ekwan a Kwabena Konadu de ne nnwom Ohia, daa Akanfoɔ adwene a wɔwɔ fa ohia ho too dwa wɔ won abebuo mu. Diabah ne Amfo (2015), nso adi dwuma afa sedee Akanfoɔ mme bi da mmaa adi, eha na wɔkyeree adwene a Akanfoɔ wɔ fa mmaa ho, ne asedee ahodoɔ a wɔhwehwe firi won ho. Diaba ne Amfo (2018), san maa yehunuu sedee Akanfoɔ asi ada mmарima adi wɔ abebuo mu, yei mu na wɔdaa adwene a Akanfoɔ wɔ fa mmарima ho, dee wɔhwehwe firi won nkyen, esu ahodoɔ a ese se wɔda no adi ma yegyeyen won to mu se mmарima.

Dwumadie ahodoɔ yi nyinaa mu no, manhunu adwuma biara a ɛfa adwene a Akanfoɔ wɔ fa mmɔfra ho ne sɛdɛe wɔnam mmɛ so de ntetɛ papa ma mmɔfra. Diabah ne Amfo (2018) se yɛreka Akanfoɔ mmɛ ho asem a, ɛkyere abrabɔ mu nokwasem bi a, wɔde wɔn ani ato fam yie ahunu. Agyekum (2011) kyere ɛbe ase se ɛye kasafrenkyemm a yede kyere asem bi a yɛpɛ se yɛka ase anaa yede si asem so dua ma nnipa te aseɛ pefee. Agyekum (2011) kɔ so ka se, yede ɛbe tete nkwaɔaa kyere wɔn ɔbra pa ne ɔbra bɔne ho nimdeɛ.

Saa nsem ne dwumadie ahodoɔ a akɔ so, ne nneyɛɛ ahodoɔ a ɛreko so wɔ mmɔfra ho yi so, na megyina a, meredi dwuma yi. Dwumadie yi begyina saa adwene yi so na ahwe se deɛ wɔde ntetɛ papa wura mmɔfra mu.



Gyekye (1995) ka se Akanman ye kwasafodeɛ, na se Appiah- Sekyere (2018) ka se ɛda adi pefee wɔ Akanman mu se, abɔfra ntetɛɛ nye awofɔɔ a wɔwoo ba no nko ara asodie na mmom abusua tenten no asodie, na se Agyekum (2011) nso ka se wɔde ɛbe tete mmɔfra deɛ a, na ɛbe nso nni wura deɛ a, ɛkyere se, ɛye amansan nyinaa asodie se wɔbetumi afa ɛbe so de ntetɛ papa ama mmɔfra.



### 1.3 Nhwɛhwɛmu yi Botaɛɛ

Nhwɛhwɛmu yi botaɛɛ pa ara ne sɛ ɛbɛkyɛrɛ:

1. Mmɛ ahodoɔ bi a Akanfoɔ de da adwene a wɔwɔ fa mmɔfra ho.
2. Subampa a Akanfoɔ nam mmɛ so de tete wɔn mmɔfra.

### 1.4 Nhwɛhwɛmu yi Ho Nsɛmmisa

Nhwɛhwɛmu yi bɛbua nsɛmmisa a ɛdidi soɔ yi:

1. Sɛn na Akanfoɔ ada mmɔfra adi wɔ abɛbuo mu?
2. Subampa bɛn na Akanfoɔ nam abɛbuo so de tete mmɔfra?

### 1.5 Dwumadie yi ho mfasoɔ

Akwan ahodoɔ a nhwɛhwɛmu yi refa apɛnsɛmpɛnsɛm Akanfoɔ mmɛ bi ɛfa mmɔfra ntetɛ ho no bɛtwɛ atwɛ akenkanfoɔ adwene asi sɛnti a mmɔfra ntetɛ pa ho hia Akanfoɔ. Nnansa yi amanɔnefoɔ amammɛrɛ rewura ɔman yi mu nkakrankakra a, ɛso nsunsuansoɔ a sɛ yɛanhwɛ yie a ɛde bɛba no nyɛ papa. Akuakuo ahodoɔ na asɔrɛ a wɔn adwene ne sɛ wɔrɛko ma mmɔfra yiedie. Akwan a wɔnam so a wotea wo ba mpo a, wɔsɛ woretiatia ne fawohodie so no, yɛanhwɛ yie a da bi yede yɛn nsa bɛgu yɛn ti.


Saa dwumadie yi bɛboa ama akenkanfoɔ ne Akan kasa ho adesuafoɔ ahunu, adwene a Akanfoɔ wɔ fa mmɔfra ho na wate wɔn ase wɔ mmɔfra ntetɛ mu. Yei bɛboa de nimdɛɛ aka nimdɛɛ a yɛnim fa Akanfoɔ ho dada no ho.

Ne korakora no, wɔn a wɔye nhwehwemu betumi agyina so se akwankyere aye nhwehwemu afa baabi a me dwumadie yi antumi annuru no so, na wode adi wɔn dwuma.

### **1.6 Beae a dwumadie yi kɔpem**

Me dwumadie yi nnyanaso pa ara ne se, erehwe adwene a Akanfoɔ wɔ fa mmɔfra ho ne sedee wode mme yi tete wɔn mmɔfra. Dwumadie yi renhwe ebe fa bi te se: ebe ahodoɔ, ebe dwumadie, kasasu ahodoɔ a eda adi wɔ ebe mu, ebe a eda kasakuo bi adeyee ne wɔn gyidie ho ne kasa nkorabata ahodoɔ ho.

Ɛwom se dwumadie yi fa Akanfoɔ ho dee, nanso ne titire pa ara befa Asantefoɔ a wɔn nso ye Akan kasakuo no mu baako ho. Na kasa a mede bedi dwuma no nso ye Asante Twi kasa.



### **1.7 Dwumadie no ho akwansidee**

Yeahunu botae ne mfaso a saa dwumadie yi de bebere wɔn a wobekenkan na wode adi wɔn nnwuma ahodoɔ. Ɛwom se mpanin se bonwono bata berebo ho, na adepa biara nso ohaw kakra tumi ba ho dee, nanso me dwumadie yi mu no, manhya akwansidee biara saa. Wɔn a wogyee me ba se wone me bekasa na yeadi dwuma no, obiara yii ne yam yee n'afa mu dee de boaa me.


### **1.8 Dwumadie no nhyehyee**

Dwumadie yi wɔ afaafa num. Ofa a edi kan no da dwumadie no nyinaa adi. Ofa yi mu no, mada dwumadie yi ho nsemmissa, botae ne eso mfaso adi. Bio, ofa a edi kan yi maa yehunuu dwumadie no nnyinaso, dee adwuma no kɔpem, ne adwuma no sinto. Ofa a eto

so mmienu nso, behwe nnwuma ahodoɔ a animdefoɔ binom adi a ene me dwumadie no wo twaka a, mekenkan a eboaa me wo adwuma yi mu. Na mekyere dee ema me dwumadie yi da nso anaa ye soronko firi animdefoɔ a wadi kan ayeye no ho ama me dwumadie yi adi mu.

Ofa a eto so mmiensa no, mekyere akwan ahodoɔ ne nneema a ahodoɔ a mede totoo akwan mu maa metumi dii dwuma yi. Meda beaee a nhwehwemu yi koo so, nnipa dodoɔ a mede dii dwuma, botaee nti a meye ee nhwehwemu yi wo saa beaee yi ne senti a mede nnipa dodoɔ yi dii dwuma. Mesan akyere kwan a mefaa so paa nnipa dodoɔ a mede won dii dwuma no, nkyekyemu a ewo mu: maa dodoɔ, mmarima ne mmofra.

Ofa a eto so nan no na me dwumadie yi gyina so pa ara. Ne saa nti, eha na medan Akanfoɔ mme ahodoɔ ne sedee ada mmofra adi. Na afei mada ekwan a wode ebe tete won mmofra nso adi.



Ofa a etwa too ne ofa a eto so num. Yei ne dwumadie no awiee. Saa ofa yi mu na mebo adwuma no tofa. Na mede m'adwenkyere ato dwa. Afei megyina me dwumadie yi so, na makyere akenkanfoɔ dwumadie ahodoɔ a me dwumadie yi anhwe a eno nti obi betumi ahwe na aboa kasa no sua.

### 1.9 Ofa yi mmuabo

Saa ofa a edi kan yi abue dwumadie yi nyinaa ani so ama yeahunu nnee ebeko so wo ofa biara mu. Yeahunu se, ofa a edi kan yi mede ada dwumadie yi botae, nnyinaso, eho nsemmissa ne dee dwumadie no ano kopem. Afei asan nso ada dee ebeko so wo ofa biara mu adi.



## ƆFA A ETƆ SO MMIENU ANIMDEFƆƆ BINOM ADWENKYERƆ

### 2.0 Nnanimu

Saa Ɔfa yi bema yeahunu nnipakuo ahodoƆ a wƆka wƆn ho bƆ mu ma wƆye AsantefoƆ ne wƆn kasa a wƆka. Bio, Ɔfa yi behwe dwuma titire a animdefoƆ binom adi a ene me dwumadie yi wƆ twaka. Yeiinom bi ne ebe asekyere, bƆbea, dwumadie ne nsem ahodoƆ a efa ebe ho. Afei Ɔfa yi besan ahwe mmƆfra nteteƆ ho nimdee ahodoƆ a animdefoƆ binom de ato dwa. AnimdefoƆ pii adi dwuma afa AkanfoƆ nneyee pii ho, ne titire ne AkanfoƆ mme. Dwumadie a efa ebe ho wƆ kasa ahodoƆ ne amammere ahodoƆ mu. Ɔfa a edi kan wƆ Ɔfa yi mu no bedi dwuma afa nwwuma ahodoƆ a animdefoƆ binom aye afa ebe ho. Ɔfa a eto so mmienu no nso behwe dee animdefoƆ binom a aye afa mmƆfra ne wƆn nteteƆ ho.

### 2.3 Ebe asekyere

Meider (2004) kyere se ebe asekyere ateteƆ animdefoƆ ne nwomasuafoƆ pii mfee bebree nie. WƆkyere se efiri Aristotel bere so de besi nne, animdefoƆ abƆ mmƆden se wode ebe nkyereasee beba. Na dee animdefoƆ yi reka ne se ebe nni nkyereasee pƆtee wƆ ho. Esiane se, dodoƆ no ara hwe wƆn suahunu ne adwene ahodoƆ a wƆwƆ fa abrabƆ ne asetena ho na wode akyerƆ ebe ase. Ewom se ebe nkyereasee eye den dee, nanso, animdefoƆ binom atumi akyerƆ ase akwan ahodoƆ pii so. Mehwe nkyeremu a wode aba yi so a, na egyptina wƆn botae ne baabi a wƆgyina ne sedee wƆhunu asem a woreka no.

Meider (2004) adesua pii a ewo adwene a efa ebe ho no de ebe nkyereasee na edi kan. Yei kyere se, worentumi nka ebe ho asem a womma yenhunu ebe asekyere. Nanso Meider ko

so ka se, nkyereasee ahodoɔ a animdefoɔ de ato dwa afa ebe ho yi nyinaa akyi no, wontumi nnyaa nkyereasee pɔtee mmaa ebe. Okyere mu se ne nyinaa gyina abakosem a ebata ebe bi ho ne ebe kuntan a eduru baabi a eye nti a. Finnengan (2012) nso ka de foa de Meider reka yi so se, eye den se yebetumi akyere ebe ase pɔtee. Na ekyere se, se yeregye atom se ebe asekyere nie pa ara de, ebeye den.

Honneck (1997) se nye nwanwa se mmodemmo pii ako so se wobere ebe nkyereasee no akɔfa akwan ahodoɔ pii aba, ebi ye de efiri osom mu ne de efa nipa no adwene ho. Yehunu no yie se de animdefoɔ yi reka akɔsi ara ne se, yenni nkyereasee titire baako ma ebe na mpo won a wɔatumi ape nkyereasee no fa akwan bi te se osom, adwene a yewo fa biribi ho ne abraɔ mu suahunu so na wɔde akyere ase.

Meider (2004), akyere ebe ase se “eye asem tiawa, omanfoɔ gye tom a nyansa wo mu, eye nokore, ntetepe wo mu ne omanfoɔ no adwene a wɔde gyina ho ma biribi, ensesa na wɔde nweguwotirim na ede dane ma awo ntoatoaso. Meider ma yete ase se ebe biara firi suahunu mu nti ebe ye suahunu mma. Na ekyere se mme dodoɔ no ara gyina omanfoɔ abraɔ mu suahunu so na eba, etumi ye nnipakuo bi suahunu anaase ankorankore bi suahunu so. Mollanzar (2001), akyere ebe ase se eye nteasee a ewo asem bi mu wo bere bi mu a nipa a orekasa ne nipa a oretie no nyinaa nya nteasee baako.

Agyekum (2011) nso akyere ebe ase se, eye nsem a eye tiawa a etwe adwene si asem pɔtee bi so. Ebe ye nsemfua a eye tia na ewo nokwasem, nhyehyeee ne kwan a nnipakuo bi ye won adee (Agyekum, 2017). Dickson ne Mboso (2014) nso se ebe ye nsem ntiantia

a obiara nim a eyɛ nokware, nyansa wɔ mu, papa ne bɔne ho nimdee wɔ mu, nnipakuo bi abrabɔ ne wɔn agyapadeɛ a wɔde gya nkyirimma. Saa asem yi ma yɛhunu sɛ ɛbɛ da nnipakuo bi amammerɛ ne wɔn asetena adi. Na ɛkyerɛ sɛ suahunu a saa nnipakuo no wɔ no na wɔdane ma nkyirimma ne awoɔntoatoasoɔ. Yɛhwɛ deɛ animdefoɔ yi de ato dwa yi nyinaa a, mehununu no sɛ ɛbɛ asekyerɛ gyina botaeɛ a nipa no de rekasa ne beaeɛ a ɔfiri reba so. Na mɛka sɛ, ɛbɛ yɛ nyansasem tiawa a ɛgyina abrabɔ mu suahunu ne abakoɔsem so a, wɔdane ma nkyirimma.

#### 2.4 Ɛbɛ su

Yɛka sɛ esu a, na yerekyerɛ nneɛma anaa ahyɛnsodeɛ a ɛwɔ biribi ho a ɛma no da sononko firi afoforo ho, na ɛda biribi adi ma wohunu adekodesɛ pɔtee a eyɛ. Ɛba ɛbɛ ho adesua a, esu ahodoɔ pii na animdefoɔ ahodoɔ de ato dwa. Ne saa nti sɛ yɛka sɛ ɛbɛ su a na yerekyerɛ nneɛma a ɛda ɛbɛ adi ma ne da nso firi kasasu ahodoɔ anaa nsɛm ahodoɔ bi ho. Wɔn a wɔdi ɛbɛ ho dwuma anaa wɔn a wɔn dwumadie dodoɔ no ara fa ɛbɛ ho adesua ho no de esu ahodoɔ bi ato dwa. Animdefoɔ bi te sɛ Finnegan (2012), Meider (2004), Norrick (1985), ne wɔn a wɔkeka ho de esu ahodoɔ atoto dwa a sɛ yɛhwɛ nkyerɛaseɛ ahodoɔ a animdefoɔ ne atwerɛfoɔ binom de atoto dwa a, saa esu ahodoɔ yi da adi wɔm.

Finnegan (1970,2012), Norrick (1985) ne Okpewho (1992), kɔɔ bɛnkorɔ mu kyereɛ esu ahodoɔ bi a ɛda adi wɔ ɛbɛ ho. Wɔkyerɛ sɛ ɛbɛ yɛ tiawa, nyansa wɔ mu, ɛwɔ asem pɔtee a ɛkasa fa ho nso. Saa esu yi tumi da ne ho adi wɔ mme a ɛdidi soɔ yi mu;

*Deɛ ɔdi ekuro nna na ɔmia ɛyam.*

*Woankasa wo tiri ho a, wɔyi wo ayibɔne.*

*Ɔpanin ntena fie mma asefua mfo.*

*Biribi ankɔka papa a, nka erenyeye krede*

Saa mme ahodoɔ yi ye mme a ekasa fa nhwehaa ho, abahye bone ne asempɛ ho. Mme yi nyinaa nhyehyeee no nye kuntann mmom tiawa, na ewo deɛ erekasa pɔtee fa ho. Ekyere se saa mme yi foa nsem a Finnegan (1970, 2012), Norrick (1985) ne Okpewo (1992) reka fa ho no so. Bio, ensesa, enhia nkyeremu biara, yetumi de kyere adeɛ na ewo anwonsem su. Na ekyere se kasa dodoɔ nto pɔnkɔ na asempa nso eye tiawa. Ebe nhia kasa tenten biara wo ne nhyehyeee mu.

Kaplan (2002) ka se, sedee ebe mu duro tee nti, ema nkyereasee foforo ba bere ne berem na bere biara no, deɛ ebɛsi no na ede nkyereasee foforo ba. Deɛ Kaplan rekyere ne se, esiane se ebe ye kuntann nti ema animdefoɔ dodoɔ no ara pe se wobekyere ebe su, kyen se wobekyere aseɛ. Deɛ Kaplan (2002) rema yeate aseɛ ne se, asem nsiieɛ a, wontumi nte ebe bi ase pɔtee na mmom, asem a ebɛsi no na ede ne nkyereasee beba. Ebe baako asekyere betumi asesa esiane adeɛ a asi a nti wɔgyinaa so buu saa ebe no. Na ekyere se, mpanin se: yennaɛ a yenso daɛ. Asem nsiieɛ a, yemmu be, esiane se, asem a ebɛsi no na ede eho be ne nteasee beba.

#### **2.4.1 Bɔbea**


Norrick (1985), Meider (2004)Agyekum (2011) ne Finnegan (2012) kyere se ebe wo bɔbea, na saa bɔbea yi bi ne se, eye tiawa, mfa nsem nwadawada na nsemfua no nso nni kwan se eye nsemfua a entumi nsesa. Esiane se ebe ye tiawa nti eye tete adwenemusem a



atumi atena ho na ekyere se adwene patee a ewo ebe no mu no, se nsemfua no sesa mpo a, nteasee no dee ntumi nsesa. Ebe tiawa a eye no ye esu titire pa ara ehia yie. Yei na Okpewho (1992) da no adi wo ne dwumadie mu se ebe tiawa a eye no kyere se, etwitwa nsemfua so na ede adwene si botae patee bi so. Yei kyere se, ebe baako a ewo okasamu bi mu no ye suahunu bi ada adi akwannuasa so, na waka no tiawa de atwa kasa tenten biara so.

#### 2.4.2 Nnyetomu

Adee baako a ehye ebe papa biara nso ne gye a omanfo agye atom se eye nokore Finnegan (2012). Finnegan gyina yei so rekyere yen se, ansa na wobeka se nsem bi ye ebe no, gye se omanfo a wode kasa no di dwuma no agye atom se eye ebe. Na ekyere se, se omanfo a kasa no ye won dea no annye asem no antom a, yentumi nka se eye ebe.



Barajas ne Mouton (2010), kasakoa biara, nsem a nnipakuo bi taa ka, ayensingoro, abisaa, nkyea ne adee biara a wotumi booboo ho no wo amammere fapem bi tae akyire a eboa ma nteasee na nnipakuo bi nso de di dwuma. Wotoa so ka se ebe ye nyansa, suahunu ne nimdee a omanfo bi wo na saa ebe yi nso ye kwan baako a omanfo nam so de ntetee ne nkyerekyere ma won awo ntoatoaso. Yei kyere se ebe da nokwasem ewo oman biara ho na etwa mfonin a efa oman yi ho kyere. Nti se yeregyina won nsem yi so dee a, asem biara a enye nokware na entwa mfonin papa mfa oman no ho no, omanfo no nnye ntom mma no mmedane ebe. Na Barajas ne Mouton (2010), se asem bi te se, “nnomaa a won ntakra se na wotu bo mu” begye nhini wo omanfo no kasa mu na yeate ase se won atom na wapagya saa asem yi ama no aduru ebe gyinabea. Na ekyere se yehwe ne tra mu mpo a,

bere biara a nnomaa betu abom yuu no, na wɔyɛ nnomaa a wɔn su ne wɔn ban yɛ baako a anomaa foforo biara ntu mmefra mu. Saa ara nso na nnipa biara a wɔnante bom di dwuma korɔ; papa oo, bone oo wɔn nyinaa nya suban baako. Yei nti, mpanin se: kyere me wo yonko, na menkyere wo wo suban.

Bio, Nwanko (2015) kyere se, ebe ma yen nhunumu fa oman bi amammere ne nnipakuo nhyehyeee ne wɔn gyidie ho. Na ekyere se, yede yen ani to fam hwehwe oman anaa nnipakuo bi mme ahodoɔ awode di dwuma a, yetumi hunu esu ne ban a efa wɔn ho. Yei nti, asem biara a wɔgye tom se eye ebe no, wɔhwe hunu se nye nsem a ebegu wɔn ho fi, na mmom, eye nsem a ede wɔn gyina yie wo afororo anim.

### 2.4.3 Ebe nni wura

Mpen pii no, anokasadwini ahodoɔ no ara nni wura, a ebe nna nsono mfiri saa anokasadwini yi ho. Yei nti, Herrnstein (1978) fre ebe se asem a enni okasafoɔ pɔtee, eye asem wɔmfa mmata obiara ho se ono na okaee. Ne saa nti, se yerebu ebe bi a, dee yeka ne se; “mpanin se...”, Kɔkɔsakyi se.... ewom se onimdefoɔ yi aka saa dee, nanso eto da a se okasafoɔ no otaa te saa ebe yi firi nnipa baako bi ano, anaase nnipakuo bi ano a, wotumi ka se; “Asomasi anaa obenten besee...., anaa nso se otumi ka se Akanfoɔ besee... Nzembezi (1954) ka to so se, ewom se yenni nnipa pɔtee bi a wɔhyehye ebe gu ho dee, nanso nnipa bi na wɔhye ase bu ebe bi ansa na akyire yi nnipakuo no abefa de adi dwuma. Oyekan (2005), se ewom se ebe nni wura dee, nanso ebe no bi ma yehunu bere a saa ebe no siie ma yetumi ti mu di akyire kohunu nipa korɔ a okaa saa asem, na ebetumi aba se, nipa no buu ebe no ansa na orewu anaase ne wuo akyi na yebu hyee n’ano. Na

ɛkyerɛ sɛ ɛbɛ no dodoo no ara yɛ asem-sɛ-bɛ a ɛwɔ abakɔsem taa akyire. Ne saa nti yetumi gyina saa abakɔsem no so nya berɛ no ho mpopoɛɛ.

## 2.5 Ɛbɛ Mu Kasasu

Agyekum (2011) maa yehunuu kasasu ahodoɔ bi a ɛtumi puepue wɔ ɛbɛ- Senipa, atetesem ne abakɔsem, nsengoro, nyinahoma, anihanehane ne deɛ ekeka ho.

### 2.5.1 Ɛbɛ yɛ kasakoa (Figurative)

Esu ahodoɔ a Finnegan (1970, 2012) de too dwa no baako ne sɛ ɛbɛ yɛ kasakoa. Ɔkyerɛ sɛ mpen pii no ɛbɛ yɛ kasakoa wɔ akwan hodoɔ bi so na ɛwɔ nnyinahoma su na asesɛsem bi nso wɔ won ho a ɛtae si. Yei da no adi pefee sɛ ɛbɛ nye nsemfua bi a yɛakeka abobo mu keke, na mmom, nsemfua bi a wonam akwanhodoɔ bi so akasa de nsem pɔtee no asie ne saa nti ɛhia ma adwene. Mpanin sɛ: woanye aboa amma aboa a, wonya aboa nkye no. Yehunu no yie sɛ adeɛ baako a ɛwɔ ɛbɛ ho a ɛma no yɛ kasakoa ne da a emu nna ho ne kwan a wofa so de nsemfua a nye tee di dwuma fa. Ne saa nti mpen pii no yenya kasasu anaa kasakoa ahodoɔ firi mu. Deɛ ɛma woye saa ne sɛ ɛto da a, na wɔpɛ sɛ wode nteaseɛ a ɛwɔ asem no mu no sie afoforo na mmom won a wone won rekasa no deɛ wote deɛ oreka no ase.

Kasasu adesua mu no, Okpewho (1992) ne Agyekum (2013), kyere sɛdeɛ yede kasa di dwuma twe nnipa anaa atiefoɔ adwene si dwuma a yeredi no so ma won ani tumi gye ho. Sɛ yehwe sɛdeɛ nnipa a wonim de wɔ abɛbuo anaa ɛbɛ kasa ho si de mme di dwuma wɔ

wɔn kasa mu a, ɛma atiefɔɔ ani gye wɔn dwumadie ho ma wɔbenya a na wɔntwa asem a wɔreka no so.

Ntotoho, nnyinahɔma ne sɛ-nipa ahyɛ mu ma (Finnegan 2012). Mpanin sɛ: ɔbra te sɛ apaawa, wɔbɔ anim na anyɛ wo dɛ a, wodane akyire. Saa ara na aboa kontromfi nso sɛ ne suman ne n'ani. Yeiinom foa nsem a Finnegan aka afa ɛbɛ ho no so. Akanfoɔ nam saa ɛbɛ yi so de nsem hyɛ mmoa ano na wɔdɛ abrabɔ nso atoto apaawa ho, sɛ wɔbɔ ɔbra na wonhu so a, dane wo ho na sesa dɛɛ wɔrebɔ no na ebia ɛbɛyɛ yie.

Okumba (1994) ma yɛhunu sɛ, yɛtumi tete ɛbɛ so ma yɛnya ɛbɛ su a ɛyɛ tiawa wɔ ne nhyehyɛɛ mu. Na ɛkwan baako a wɔfa so nya ne sɛ, nipa a ɔrekasa no hyɛ asɛɛ ka a, na dɛɛ ɔretie no atoa so awie. Ɖbetumi aka ma no apue afiri n'ano anaa nso sɛ ɔbɛka wɔ ne tirim. Sɛ ebia, nyɛ obi na okum Antwi... na otiefɔɔ no nso atoa so sɛ Boasiako na ɔdɛ ne tiri agye akyerɛma. Yei ma dɛɛ ɔrekasa no hunu sɛ dɛɛ ɔretie no ate ne nsem no ase nti nhia nkyerekyerɛmu tenten biara.

Nzembisi (1954) nso akasa afa nyifirim a ɛwɔ ɛbɛ mu. Ɖsɛ yenam nyifirim so nya nsemfua so ɛ. ɔkyerɛ sɛ nyɛ nsemfua nko ara na ɛtɔ da bi a, yɛyi firi mu na mmom ɛtɔ da a, ɛnne nnyegyɛɛ ahodoɔ bi wɔ a, ɛtumi yera wɔ abɛbuo mu anaase ɛbɛ kasa mu.


### **2.5.2 Nsɛngoro**

Marfo ne nkaɛɛ (2016) nso akyerɛ nnyegyɛɛ ahodoɔ bi a ɛbɛ da no adi ma ɛyɛ fɛ wɔ ne ka mu. Saa kasasu ahodoɔ yi bi ne nnyegyɛɛ sɛ adwene, konsonante ntimu ne mmaworo

ntimu. Dingemanse (2012) kyere nnyegyeee se adwene ase se eye nnyegyeee bi a, etwa adwene mfonin. Na Marfo ne nkae (2016) nso de too so se eda adi wo anokasa mu sene atwere mu. Yetumi nya mme bi te se; wonhunu nanka, nkita nanka, nnyae nanka na onka se: mehunuui anka,

### 2.5.3 Anihanehane

Kasasu baako pa ara edi akotene wo anwonsem mu ne Anihanehane. Finnegan (1970) nso ma yehunu sedge anihanehane di dwuma wo Fulanifo abebuom se: worenhunu se onono nam obi ti so, gye se ntummoa nko ara. Wei ebe a wode rekyere se dee won a wo so, wo won biribi di, won a wo wo tumi ne dibere nha adwene na wo wo won nneema mu nanso won a wonni bi mmom kyere won ho na wo ha adwen.



### 2.6 Akanfo Mmeh Ahodo

Prempeh (2006), Boahen (2001) ne Agyekum (2011) ko benkoru mu se, Akanfo mme ahodo gu titire nan. Yeinom ne Ebe turodoo, asem-se-be, nnyeso-be ne abebudee.

#### 2.6.1 Ebe Turodoo

Agyekum (2011) kyere ebe turodoo ase se ye ebe a eye sennaho a eyi abrabu mu nokore bi adi. Prempeh (2002) nso se yetumi fre no ebe kann. Ne suban ne se ne nteasee da ho pefee na ne nteasee nso nye den. Yetumi nya ebe bi te se;

*I. Borofre a eye de na abaa da asee*

*II. Okoto nwo anomaa*

- III. *Ɔɔ sa a na ato adapaa*
- IV. *Wopusu nunum a na wote ne Kankan*
- V. *Akokɔ a ɔben oni na ɔdi abeɛ sɛ, ne ade*

Yehwe mme yi a yehunu no yie se akyinnyegyee biara nni ho se saa ara na etee. Yei nti Agyekum (2011) se ebe turodoo da abodee ne asetena mu nokwasem ahodoɔ adi.

### **2.6.2 Asem- Sɛ-Bɛ**

Boahen (2001) se eye abakosem bi a wobɔ no tɔfa wɔ ɔkasamu baako mu. Agyekum (2011) se eye ebe a anansesem anaa abakosem bi tare akyire. Ɔkyere se won suban se ebe nti na yefre no se asem-se-ɛbe no. Boahen (2001) nso se ne suban rekowiewie se ebe na n'abosee firi ayesem anaa abakosem bi mu. Won nyinaa adwene kɔ benkorɔ mu se eɔa nokwasem bi asi pen adi.

- I. *Enye obi na ɔkumm Antwi, Boasiako na ɔde ne tiri gyee akyerema*
- II. *Birebire amma, Amanee nso mma*
- III. *Ntim Gyakari asoa ne man akɔbɔ no wɔ Feyiase*
- IV. *Ɔtwe nhunuu adukuro no na ɔda.*
- V. *Obi amanee sane obi*

### **2.6.3 Nnyeso-Bɛ**

Eye ebe a ewɔ afaafa mmienun obi bu ɔfa a eɔi kan no a, na obi nso agye so (Agyekum 2011). Yei kyere se saa ebe suo yi wɔ ɔfre ne nnyesoɔ. Saa ebe yi nnipa binom a wobɔ

tipen tumi de di fene. Ɔfa a eyɛ ɔfrɛ no taa dane obi din. Obi pae ɔfa a edi kan no a, na ɔfoforɔ nso de ɔfa a aka no agye so. Yei nti, Agyekum (2011) se ebinom tumi frɛ no abebudin efiri se etaa ye din a obi tumi gye so. Yetumi nya mme bi te se;

- i. Okukuseku : Onipa ho ye hu.
- ii. Oyirikayiri : Ɔbarima rebewu a na ne yere suro no.
- iii. Onipa behwe yie : Na efiri deɛ wahunu.
- iv. Kramo daakena : Ɔse aba sa.
- v. Sakate kuntu: Wonni sika a na ɔkwasea tu wo fo.
- vi. Wo kaa tim a : Na mmaa kyere wo kaa twi

Saa mme yi nyinaa ne afoforɔ a eka ho n aka bom ma no ye ebe baako.



#### 2.6.4 Abɛbudeɛ

Abɛbudeɛ ye nsenkyerɛnɛɛ bi a ne nkyerɛaseɛ ye abɛbuo. Agyekum (2011) ka de foa Boahen (2001) so se, emu pii wo ho a eyɛ adwininɛɛ, anaa a absodeɛ a wode si bankyinɛɛ, afena ne akyeampoma so, anaa yɛhunu no wo asɛsɛdwa so. Boahen (2001) ko so ka se abɛbudeɛ yi binom tumi deda mpetea, ahenema ne ahemfo abotire so. Yei na Boahen (2001) se ebinom tumi frɛ no nsenkyerɛnɛɛ a ekasa.

Akyeamɛpoma so no yetumi nya nsenkyerɛnɛɛ bi te se:

- i. Kotokɔ a wabutu. – Se kotokɔ se ɔrenko a , hwe n'amiadeɛ. Ne nkyerɛaseɛ ne se, ahodasoɔ ne ɔbarima.

- ii. Akyekyedee, nwa ne etuo. - Ekaa akyekyedee ne nwa nko a, anka etuo nto wo okwae mu da. Yei kyere asomdwoee.
- iii. Etire mmienue a ebo ho. – Ti koro nko agyina. Yei kyere nkabom.
- iv. Dee esono si soo. - Esono akyi nni aboa. Yei kyere ohene bi kese ye

### 2.7.0 Ebe dwumadie

Ewiasie afanan nyinaa ebe di dwuma sononko wo kasa mu, ne titire ne Abibiman mu. Ebe so ba mfasoo a na egyina dwumadie ahodoo a edi wo kasa mu (Finnegan 1970). Na oko so kyere mu se, se eduru baabi na se mme no bi kasa tia won ho a, na ne nnyinasoo ne se yewo akwan bebree a yebetumi afa so aka asem. Nye nwanwa se Finnegan (2012), se erekame aye se yehunu abebuo wo baabi ara wo Abibiman mu. Animdefoo pii na akasa afa dwumadie a ebe di wo nnipakuo bi asetena mu.

Achebe (1958) se ebe di dwuma se ngo a wode di bayere. Ngo ye adee a Alatafoo nko nnya ho wo won adidie mu. Ebere biara a Alatani bedi bayere no, na ngo ka ho, eto da mpo a wode bayere no bo ngo no mu saa ara mako mpo nka ho. Yei nti se Achebe ka se ebe ye ngo a yede di nsemfua a, na ope se okyere se, yerentumi nkasa mmere a ebe mma yen kasa mu, eba saa yerente asem no de mpo. Dee ema yehunu se ebe ho hia pa ara wo kasa mu ne se, dwumadie biara yedi no yede ebe di dwuma wo mu, mpo yen daa daa nkommodie mu; anansesem mu, nnwom mu, mpo ayan mu no, ebe da ne ho adi wo ho.

Nketia (1963) kyere se dee akyerema a wowo ahemfie de won ntumpan da ebe adi. Ose saa dwumadie yi ma won akwannya ma wode nya won botae a wope, esiane se eboa di




dwuma mmiensa a ene se ode rehye atiefoo, woreyi atiefoo no aye na wasan nso abo w'akyi. Adjendeh (2014), ewom se ebe wo nnyinahoma su, nso eno nko ara ne akodee kesee a yetumi de kasa ma no to nnipa adwene mu. Na ekyere se ebe mu nsemfua no mu nna ho dee, nanso, se dee okasafoo no behyehye ebe no na ode adi ne dwuma no tumi wia atiefoo adwene na eboa twe won adwene si ne dwumadie ne ne nsem a oreka no so.

Nnipa biara a onim de wo kasamu no, adee baako a ema ne nimdee a oda no adi wo kasa no mu ye fe na eye anika ye okwan a ofa so de ebe kasa na ode ebe ho nimdee yi danedane kasa no ani. Ekoba no saa a, na ama kasa no aso egya na ekoyi ne nsempo patee a ope se oka ho asem ba.

Dickson ne Mboso (2014), nso se ebe ye kasa a yede di nnipakuo bi so. Okyere mu se, wode ebe kasa di nnipa so a womfa ohye anaa adee a ehye aniwuo na mmom dee yede hoahoa nipa. Agyekum (2011) asem ne se, yetumi de ebe defedefe nipa ma n'adwene tumi dane. Yei nti yewo ebe no bi wo ho a, yede pae anaase yede hoahoa. Okpewho (1992), kyere se, saa ebe a yede hoahoa yi, wode di dwuma esiane se eye a na ene nsentitire a ewo dwumadie no mu no wo twaka. Ebe ma nipa nya nhunumu wo nnipakuo nhyehyeee mu ne mpo won gyidie mu. Yei da no adi se yetumi gyina ebe so yehunu nnipakuo bi kwan a wofa so hyehye won tumidie wo oman mu. Mpanin se'niwaa mma nsae a, wofase nni adee". Saa ebe yi ma yehunu se Akanfoo wo nhyehyeee fa adedie ne tumidie ho.

Finnegan (1970), hunu ebe se eye kasa no bobea a eye amamasem a etrete wo Igbo kasa ne Abibiman kasakuo ahodo mu. Enye ye a eye omanfo asom de nko ara nti na wode ebe kasa di dwuma wo daa daa asetena mu. Birnbaum (1987), nso reka se, afiefie mu ne mpotamu asetena mu no, amammera a eye fe, nnipakuo no amammera ne kasakyeri a eda suban pa wohwehwe a firi nkyirimma ho no, wonam ebe so na de dane ma won. Soares (1997), ne Birnbaum ye adwene wo saa asem yi ho. Wode foa so se ebe adi dwuma sono pa ara wo anum atetesem abo amammera, nnooma a wogyi tom ne adwene a efa amanyosem ho. Mpanin se, baabi a tumi wo no, akynnyee mma ho, na saa ara nso na ahwene te wo mpanin anim a, ebi nnyera. Yeahunu ne se, tetefo no ne mpanin nam abebuo so abo amammera ahodo ne nneema ahodo a, omanfo gye tom a wompe se ebeyera ho ban. Wonam ebe ahodo so nso abo anom atetesem ahodo nso ho ban a, wonam ebe so ma nkyirimma hunu sedee esi tee na wama won ahunu sedee tumidie ne amanyesem ahodo si ko so wo Akanfo daa daa asentena mu.



Onyejekwe (2001) gye di se ebe ye adee a eboa ma yetumi kora amammera ne amanee ne nneema a wogyi tom no nso wonam fawdie so tenetene onipa a ofom. Ewom se ebe bo amammera ne nneema omanfo no gye tom ho ban dee, nanso enye bere biara na wode ka won anim anaa wode kasa anieden so kyere won, na mmom eto da bi a, wode goro won a woda suban a oman no nnye ntom no ho. Yei ma won ani wu ma wosesa firi ho. Mpanin wo kasabebuo bi se: “wonko wodidi a, wonko wone”. Hwimhwim adee ko soro, se wo hwim a ebhwim. Yei nom nyinaa ye mme ahodo a wode goro nnipa ho ma wodane firi nneyee bone bi a, woreda no adi ho. Na ekwere se nye bere biara na yeka onipa anim anaase yekorokoro no wo ne suban bone bi a woda no adi ho.


Agyekum (2011) kyere se, Akanfoɔ nam wɔn amammere so ma yehunu wɔn som ne wɔn gyidie a ewɔ Onyankopɔn ne sunsum nkae no mu. Akanfoɔ amammere baako ne wɔn gyidie a wɔda no adi wɔ wɔn asetena mu. Na ekwan baako a wɔfa so ne se ɔda saa gyidie yi wɔ wɔn abebuo mu. Lakovleva ne Nikolaeva (2016), ebe di dwuma se akwanya kɛsee a ye fa so nya nhunumu fa amammere ne nneema yegyedom a eye amammere nnyinasoɔ. Yehwe ebe pa ara, yehunu amammere ahodoɔ pii se ebi a; Ntifo nni ho a, Apagyafɔ wɔ ho, a ekyerɛ Akanfoɔ adedie a se obi a ese se ɔdi dwuma bi nni ho a, wɔnnyae mma no nna ho mpan mma no nsee na mmom obi gyina n'anan mu di saa dwuma no ma no.

Emeka-Nwobia ne Ndimele (2019) ebe di dwuma sono, se eba se yerebo subampa ne amammere ne nimdee a nipakuo bi pe se wɔnam ano kasa so de ma afoforo mu. Na wɔkyere se emfa ho ne se dee yedane de ma awɔ ntoatoasoɔ ahodoɔ no adwempɔ ne bobea ne bere a wɔde di dwuma no dee ensesa. Nwachukuk-Agbada (2002) nso ka se, mme ahodoɔ a yede di dwuma no, enye anoteɛ nko ara na mmom se wɔde bekyere adee. Ne saa nti Emeka-Nwobia ne Ndimele (2019) se yetumi nam ebe so ma mmɔfra ne mmabunu sua nneema a ɔmanfoɔ gye tom, nneema a wɔbuo, kurommafoɔ nimdee a ewɔ biribi ho ne nnipakuo no amammere. Mpanin se: adeɛ yekyi na yekyi. Na saa ara nso na se yekyiri kooko a yenni ne mma. Wɔnam ebe so ma yetumi bo subanpa ne amammere a ye wɔ ho ban.

ɔbaa tɔn nyaadewa ɔntɔn atoduro. Na saa ara nso na se ɔbaa to etuo a etwere ɔbarima dan mu. Saa ebe yi da Akanfoɔ amammere a ekyerɛ se ɔbarima na eye abusua ti a ne saa nti ese se ɔbaa bere ne ho ase ma no. Bekoe din fata no a, na efata no wɔ akono na nye

nkwankwaa nua ase. Na se etuo nso to a, esi obarima bo. Na saa mme yi ma yehunu se, ewom se amammere ma barima kwan se oye abusua ti dee nanso owo asedee ne asodie a ese se oye na ama no afa n'akannie dibere no adi so.

Ebe ma ye nhunumu fa oman bi amammere ne nnipakuo nhyehyeee ne won gyedie ho (Nwanko 2015). Dee oreka ne se yetumi hunu nnipakuo bi adeye ne won amammere nhyehyeee wo se dee wosi bu won mme so. Awaree nye nsa fufuo na yaka ahwe. Saa nso na awaree kwan ware nti woreko awaree a bisa. Saa mme ahodo yi da Akanfoo amammere ne won adwene a efa awaree ho se ansa na wobeko awaree no ese se wonya adwene se nye agodie nti dwene ho ansa na woako. Mpanin se: awaree gu nkuro. Yehwe saa mme yia ema yehunu adwene a Akanfoo wo fa awaree ho. Dee adee da no, woamfa anto a efiri to. Nti dee adee wo no na odie na nye dee ekom de no.



Yeinom nyinaa mu no, Agyekum (2011) kyere se asem ba a, na abebuo aba. Dee ekyere ara ne se, ntasuo nko nnante, nti bere biara a asem bi besi no, oman no de ho abebuo ba de bo asem no tofa ma no twa tiawa. Na saa ebe yi da sedee oman no ye won adee adi. Na wotumi nam saa okwan yi so dane won amammere ne ntete a wope de ma won mma. Obi nto nsa mfa nhyira ne busuefoo. Ese hunu ne serefoo na na esere kyere no. Yei kyere se dee wobo won bra. Wodo won a wodo won na na won a wo tan won na wope won bone no nso wadome won.

Esiane se ebe ye tiawa na yetae de di dwuma wo kasa mu nti, tumi a ewom se yebetumi de akyerɛ adeɛ no, yetae bu yen ani gu so (Dabaghi ne nkaɛɛ 2010). Yɛadi kan ahunu se yehunu ebe wo amammere ahodoɔ ne yen daa daa asetena mu. Ne saa nti ebe abeye asem a yete no daa nti emma yenhunu se eye kasa a ebetumi aboa wo mmɔfra ntetee mu. Mpanin se: asempa ye tia. Ne saa nti asem biara a wope se woka kyere abofra no esiane se eye tiawa nti ebo epɔ bi to ne tirim. Samovar ne nkaɛɛ (2009) amammere biara mu, wode ebe di nkitaho wo ofe so, kasa a eye tiawa a emu da ho yie boa ma gyidie ne ahyjnsodeɛ a ema won amammere ne won ntetee da nso no wode ma omanfoɔ. Na ekyerɛ se ebe kasa boa ma yede gyidie ne nneema a yepɛ se omanfoɔ no nya hye won mu. Saa ebe yi tumi tena ho mmere pii ma nkyirimma ne awoɔ ntoatoasoɔ sua nea wope se wonya. Nsemfua a wode di dwuma wo mme ahodoɔ bi mu betumi asesa deɛ, nanso asempɔ potee a epɛ se ede to dwa no deɛ enyera. Eberɛ mu ne mmere nsakraɛɛ mu no, fonologyi nhyehyeeɛ ahodoɔ a saa mme yi fa mu no tumi ma nsemfua no tumi sesa ma nnane mu ba. Samovar ne nkaɛɛ ko so ka se ebe ho hia ma adesua nhyehyeeɛ.

## **2.9 Abaatanye ne mmɔfra ntetee**

Abaatanye ye adeɛ a eho hia pa ara yie a enye maame anaa papa nko ara asodie na mmom omanmu no nyinaa. Yehwe Cambridge dictionary ekyerɛ se, abaatanye ne se woretete mmɔfra ne eho asodie ne dwumadie a ekeka ho. Sarpong (1974), kyere se ntetee a yede ma mmɔfra no hye aseɛ wo yafunum. Okyerɛ se, obaa bi fa afuro a, abusua ne oman nyinaa boa hwe won. mpo se enna no to wo awoɔ so a wode nnuro ahodoɔ dware abofra no de bo ne ho ban. Abaatanye nsi wo ahum mu na mmom ewo nsunsuansoɔ potee bi wo mmɔfra nneyeeɛ so ne ekwan a wobefa so ahunu nea obetumi aye. Okaroafor ne Njoku

(2012), abaatanye ye asetena mu nneyeee, asodie, ekwan a yefa so ne dwumadie a ehia ma oman koroye, asomdwoee ne nkanko. Se woye owofoo a na ekwere se wowo asodie kesse se wode ntete pa bema wo ba na woama no ntete pa a ede oman ho do, koroye ne asomdwoee ho adwene bewura ne mu.

Yereka abaatanye ho asem yi, Rould ne Ward (2015), hu abaatanye se ayonkofa papa a eda eda awofoo ne won mma ntam. Na enye dee owo abofra no nko ara na oye obaatan na mmom obiara a otumi ne abofra nya nkutahodie papa ne ayonkofa wo ne ntete mu ne ne nyini mu. Ngozi ne Ndimele (2019), ka de foa so se adwene a efa abaatanye ho no hia wo Abibiman mu pa ara. Saa adwene yi ho hia esiane se dee abibifoo si tete won mma na woye won adee fa. Se wowo abofra bi to ho a, obeye oman no dea. Yei nti mpanin se: se abofra no hye wo yam a na oye wo dea, onya beto asase so a onye wo nko ara wo dea bio. Yeka abaatanye a na yerekyere okwan a yefa so de odo, tema, ateneneatene ne ayamhyehyee de ntete papa ma mmofra na aboa won wo won nyinimu akwannuasa nyinaa mu. Ekwere se dee yede akadee biara a abofra hia na ebeboa no wo ne nyini mu te se; aduane, ntadee ne beaee a ode ne ti beto bema no na aboa no wo ne nyini mu ne n'asetena mu.

Gyekye (1995) ma yehu se Akanman ye oman a eye kwasafu dea na mmom nye ankorankore dea. Yeka obaatan a wokyere se: oye obi a odo na oma afoforo nkwa, a owo dee ehia biara se onam ne nipadua so de nipa foforo ba nkwa mu. Asem a Ngozi ne Ndileme (2019) nso reka ne se, eye se oye obi a owo abadaee ne tema na oboa abofra tete no wo adwene mu ne ne nipadua mu nyinaa ma ne hunu dee obetumi aye nyinaa na omme

ye adesoaa mma ne manfoɔ. Yeinom nka mfua no, Sarpong (1974), nso de to so se, abaatanye hia se obaatan no bema; ahoboaboa mu, obema ne mma adidi amee, baabi a wode won tiri beto na mpo obetumi a obema won a wonye ne mma a woye ahohoo mpo wobetumi aboa won wo saa kwan no so. Yei nso foa asem a yeadi kan aka se mmofra ntetee nye awofoo a wowoo ba no nko ara asodie no so. Na yeinom nyinaa no ehia abadaee ne abaatanye sunsum.

Appiah- Sekyere (2018), se eɗa adi pefee wo Akanman mu se, abofra ntetee nye awofoo a wowoo ba no ara asodie na mmom abusua tenten no nso. Sarpong (1974) ma yehunu se obaa bi ko awadee na se awoo ho ye den a, eha won a woben no no ma wope nnuro ne akwan hodoo a wobefa so de aboa no kopem se obefa afuro. Saa asem yi na Appiah- Sekyere (2018) nso ka bi to so se, anye hwee koraa no, se obaa no nya fa afuro a, oman mu no mu nnipa nyinaa bo won ho mmoden se wobeboa opemfoo no wo akwannuasa nyinaa mu. Esiane se wonim se mmofra ntetee nye baakofoo asodie nti, adee biara won ahooɗen betumi no woye de boa opemfoo yi. Etumi mpo ba se, pemfoo no awofoo ankasa afirim nanso, woboa no ma no nnuro ahooɗo a wobehia no wo ne nyinsen mu na aboa abadoma no ne ne na kosi se obewoo. Mpo awoa no akyi no wonnyae won asaworam woko so boa.

Sarpong (1974), abaatanye hia se obaa bi bema akwannuasa mu; adidie ne nna mu ama ne mma ne afoforo mma ena mpo se eho behia a, ahohoo mma. Saa asem yi a Sarpong aka yi da no adi pefee se mmofra ntetee nye yafunu a ewoo oba nko ara asodie na mmom obiaraowo oman no mu.

*Maame no a ɔma ena ne ɔba*

*Nanabaa, dadesen a egyegye ahɔhoɔ ani*

*Odupɔn keseɛ a ne mman adenden a aso mma pii*

Yei ye nsuie Sarpong suu aberewatia a na ne yam ye a wafirim. Na ɛkyere se ɛse se abaatanye da abadae adi kyere afororo, emfa ho ne nipa koro ɔreye ama no. Deɛ Sarpong reka yi nkyere se maa nko ara na eye won asodie se wotete mmofra na mmom ode daa suban ahodoɔ a ɛse se won a wotete mmofra nya.


Gyekye (2003), Abibimanmu no, awaree botae pa ara ne awoɔ. Saa asem yi na Owu-Ewie (2019) nso ka de foa so se awaree biara fapem ne awoɔ. Ne saa nti awaree bi tumi gu se ekoba se awoɔ mma a. Wokyerɛ mu se, yere mmofra a wobetoa abusua no din so na abusua no ase akyene. Saa adwene yi nti, Gyekye (1996), Sarpong (1974) ko benkorɔ mu se, obi anwo a, eye ohaw keseɛ na won a woko saa tebea no mu no, mpen pii no wofa adwoodwo mu. Ne saa nti Sarpong se obaa bi fa afuro a, woye ne ho nnuro ahodoɔ a ebebo one abodoma no ho ban. Awoɔ ho ye den ma obaa bi a, wotete nhahama de ye nnuro ahodoɔ ma no na aboa no ama watumi anyinsen. Yei nyinaa kyere se deɛ mmofra ho hia wo Akanman mu.

Sarpong (1974) ne Gyekye (1996), nyinaa kyere se Akanman ye nnipakuo a wodi enadee, Osei (2006) nso se Akanfoɔ bo abusua ko ena afam na ɛkyere se mmofra no ye obaa no abusua agyapadee deɛ nanso Owu-Ewie (2019) kyere se obarima bi wu a, eye ne mma na wosie no nti se obarima bi anwo a, n'abusua na wosoa ho asodie nyinaa na okwan a wofa so sie no no da sononko firi won a wowo mma deɛ ho. Yei kyere sɛdeɛ Akanfoɔ ani ku



mmofra ho ne won ntetee ho esiane se obiara nni ho a wobere se obebre na onni ba a obetoa n'abusua no so.

Yeadi kan ahunu se, amansanku baatan a wohwe apomuden so, kyere se abofra ye onipa biara a wadi mfee edu-nkron gye se oman a ofiri mu no ka asem foforo fa mfee a yede ka se obi ye abofra ho. Pufall ne Unsworth (2004) kyere se yeka se abofra a esesa firi sedee oman biara hu ne dee. Yei kyere se, mmofra ntetee mu no, ewom se abofra de abofra dee, nanso wonye pe. Ne saa nti ese se awofoo ne won a wotete mmofra hunu kwan pa a wobefa so ede ntetee a efata ama abofra biara sedee ne su ne n'ahoden tee. Ekyere se, etwa se won a woma mmofra ntetee hunu se nsononee da abofra baako ne abofra foforo ntam nti nni kwan se wode won fa ntetee koro mu na wode won adwene a wode sua adee toto ho.



Obiara wo okwan a wofa so ka n'asem ene sedee okyere ase fa. Mmofra berem ye bere soronko bi a yebɔ mmofra ho ban firi abrabo mu ohaw ahodoɔ ho, eye mmere a enni kwan se yema wodwene biribi ara ho (Guold ne Ward 2015). Ekyere se mmofra ntetee mu no, nni kwan se yeteete wɔn na yema wɔn ani ye wɔn ya wo ewiase. Etwa se awofoo ne wɔn a wotete mmofra, abusua ne oman nyinaa pe okwan pa a wobefa so abɔ mmofra ho ban afiri ewiase mu ohaw ahodoɔ nyinaa mu.

Jenkins (1998), nso hunu se mmofrabrem gyina abakosem mu nsesaee ne amammere a edanedane onipa suahunu so, na nye adee a eda sononko firi mpanimfoɔ do ne wɔn haw ho. Dee oreka ne se, mmofrabrem ne mpanin mu no nsonsonoe nhyeda nnim. Saa mmere

mmienu yi nyinaa ye osuahunu ne abakosem a etete nipa. Na sedee mpanimfoɔ wɔ se dee wɔsi dɔ, na wɔwɔ ɔhaw no, saa ara nso na mmɔfra nso wɔ wɔn dee. Saa asem yi nteasee erekame aye se eye naa kakra esiane se nnipa pii hunu se mmɔfra berem dee nka eye de esiane se, mmɔfra nni ɔhaw biara, wɔdidi na wada. Wɔn awofɔɔ na wɔtɔ ma wɔn die. Nanso Jenkins rema yeate ase se, ente saa, na mmom ɔhaw a mpanimfoɔ wɔ no, mmɔfra nso wɔ wɔn dee.

Pufall ne Unsworth (2004) abɔ mmɔden biara se wɔnhye da mfa mmɔfra berem nkyereasee potee nto dwa te se dee Jenkins ne aforɔɔ aye no. Wɔn dee wɔhunu mmɔfra se wɔye nnipakuo ne amanyɔkuo nkorabata nti wɔhunu no se mmɔfra di wɔn ho so na wɔye wɔn adee sedee wɔpe kyen se dee yen adwene ye yen no.

Se saa na wɔreka dee a, na ekwere se ɔhaw ahodoɔ a mpanimfoɔ fa mu bere a wɔredi wɔn dwuma no, mmɔfra nso nya saa akwansidee no bi wɔ bere a wɔrenyini na wɔregye ntete ahodoɔ wɔ wɔn abrabo mu. Nsonsonoe a ewɔ mu ne se esiane se nnipa nyinaa nye pe na wɔda nsono nti, akwan ahodoɔ a wɔfa so si anaa sɔ wɔn haw ano na esesa. Sedee mpanimfoɔ nya adwene fa abrabo ne esu a wɔpe se wɔfa no, saa ara na mmɔfra nso wɔ tumi wɔ nnipa ko a wɔpe se wɔye so, ne esu ahodoɔ a wɔpe se wɔnya, nanso sedee mpanimfoɔ hyia akwansidee wɔ ɔman no mu no saa ara nso na wɔn nso nya bi. Okwere se ɔkwan baako a mmɔfra fa so di wɔn akwansidee so ne se wɔhwe se dee mmɔfra foforo ye wɔn nneema fa, dee mpanimfoɔ hwewhwe firi wɔn ho ne sedee mpɔtam a wɔtete no mmara ebo suban a wɔpe se wɔda no adi no tee na wɔde ahyehye wɔn abrabo. Na ekwere se, suban a mmɔfra da no adi no, nye ɔhye a mpanimfoɔ hye wɔn se wɔnye biribi, na

wogyae nea woye no nti na wafa saa suban no. Eto da a, wankasa na wohwe sedee oman no adeye ne mmofra nkaee a wone won di agoro no ye won adee fa, ne mmara a wosusu se ebo omanfo no ho ban no na wohwe so fa suban bi sedee ebeye a wobetumi aye won adee sedee omanfo no hwehwe.

Sarpong (1974) nso ma yehunu se, nnee yehwehwe firi mmofra ho ne se, wobebu adee, na se woben mpanimfo nso a, wobenwenwene na won ho aye anika. Bio nso, wobeye somakoro na wontwentwen won nan ase abere a mpanimfo asoma won. Na ekyere se ese se mmofra ye krado se wbesom, waye somakoro na wabu won mpanimfo. Ese se wosom wo akoma pa mu, na nye se nnaadaa ne akorokoro ansa na waye dee ese se woye.

Nnipakuo biara betu mpon na won amammere ne won asetena adi mu wo kasakuo foforo mu a, na ne fa bi gyina nneema a esom bo ma won a wogye to mu ho. Nnipakuo biara ani ku suban pa, nneyeee, sedee yehu won, ne asoee a yede saa nneema yi ahye won nsa ho, won ani gye ho na wode hoahoa won ho hwe se wobeye bi aka ho (Gyekye 1997). Na ekyere se nnipakuo biara benya suban pa ne nneyeee papa bi firi won nananom nkyen a eboa won ma woda soronko firi afoforo ho, na eduru mmere bi mpo a, emma won nna soronko na mmom eboa won ma wotumi ne nnipakuo foforo gyina a wonto sini wo won nneyeee mu.

Sarpong (1974) kyere se oman Ghana mu, yewo nneema bi a mfaso wo so a amammere ma ho kwan se onipa da no adi. Gyekye (1996) ka de foa so se adee baako a Abibiman ani ku ho pa ara wonni ho agoro ne won abrabo pa gyinapen. Yeinom kyere se kasakuo

ahodoɔ nyinaa bo mmɔden se wonto sini wo won dwumadie mu, na saa supa yi nso ye esu ne ntete pa a wonya firii won nananom nkyen, ne saa nti no wontoto no ase koraa na mpen pii nso no wode hoahoa won ho. Sarpong (1974) se nneema a wogyetom no bi ne papaye, obuo, anidie, ahohoye, aniso ne oman ho do, abaatanye ne ade. Yei na Gyekye (1996) ka de foa so se, nneema a nniakuo gye tom no ne dee eda adi na ekyere ayankofa a ese se eda nniakuo no ntam se ebia, koroye, yeredan yen ho yen ho, ye ne afororo rekye biribi a ye wo ne dee ekeka ho. Yeba Akanman mu a, adee baako a eboa ma woda sononko ne ayankofa a eda ye ne afororo ntam. Saa nneema no nso ye dee omanfoɔ gye tom te se; nkyea, aseda anaa se yerekyere aniso wo biribi a obi aye ama wo ho.

#### **2.12.0 Nwehwemu Yi Mu Adwenemusem**

Kasasua mu no, yewo adwenemusem ahodoɔ pii a yetumi de di dwuma a ebi ne Critical discourse analysis, Conceptual metaphor theory, relevance theory, speaking theory, Language ideology ne dee ekeka ho. Tiori a mede redi dwuma yi ye Conceptual Metaphor Theory.

Adwene a nipa wo fa biribi ho ne nsunsuansoɔ a enya wo ne dwumadie ne n'abrabo so no de tiori a yefre no se Conceptual Metaphor Theory na eba adwene mu. Gentner ne Bowdle (2006) kyere se nnyinahoma ye asenka a ekyere adee baako a ekyina ho ma foforo a saa nneema mmienu yi nni twaka biara. Na ekyere se adwene a yewo fa biribi ho no, yetumi de ne fa baabi anaase adwene mu no nyinaa gyina ho ma biribi foforo.

Nnyinahoma ye kasasu ahodoɔ no mu baako na yehunu no yie se abebuo ahodoɔ, kasakoa ne kasasu ahodoɔ pii a yede di dwuma wo yen daa daa asetena mu no, se eye dee yeatwere anaa dee yede yen ano ka, ne nyinaa gyina adwene a yewo fa biribi ho na eno na eboa ma yete asenka bi ase yie. Yei kyere se kasa mu ne amammere bi nteasee no gyina adwene a wowo fa adefoforo bi ho. Kovecses (2002) se CMT ye okwan a yefa so te adwene anaa suahunu bi ase bere a yede biribi potee bi a yehunu regyina ho ama saa adee no. Adwene a etaa saa tiori yi akyi ne se, ekwan a yefa so dwene no nnyinaso nyinaa ye nnyinahoma na se yede biribi regyina ho ama biribi no ye fapem ma yen se yede bete biribi ara ase wo ewiase. Nordquist (2019), ye kasakoa a adwene baako nteasee gyina adwene foforo bi so. Saa asem yi ne asem a Nordquist ka de foaa Kovecses ne afoforo nsem a waka afa CMT ho.



Lakoff ne Johnson na wode tiori a wofree no Conceptual Metaphor Theory yi bae wo afe apem ahankron aduwotwe (1980) mu. Saa tiori yi kyere se ansa na wobete biribi ase no, na egyina adwene a saa nipa no wo fa adefoforo bi ho. Kovecses (2002) kyere C.M.T dwumadie ase se, worete osuahunu bi ase nye adee a yede yen ani hunu na egyina adefoforo bi nteasee ase. Dee Kovecses rekyere ne se, adwene a efa biribi ho no, yede toto foforo ho, nsem a egyina ma biribi foforo ho. Okyere se adwene a yewo a yede gyina so te biribi ase no yefre no “source domain”, ena adwene a yefa so de te ase no ye “target domain”.

Lakoff ne Johnson (1980) ko so kyere mu se nnyinahoma gu ahodoɔ mmi ensa; Structural, orientational ne ontological.” Wose Orientational metaphor no gyina nneema a

atwa yen ho ahyia asetena mu a yetumi de yen ani hunu ne nea yeanya suahunu wo mu, yetumi gyina saa nneema yi so nya biribi ho nteasee wo yen adwene mu.

Afei, 'Ontological metaphor' no nso wose etae gyina nneema a yeso mu a enye yie so te se, atanka a obi nya wo ne nipadua mu ne nneyee bi a eko so yen amammera mu ne yen mpotam ma yetumi dwene ho na yetwe adwene si so.

Dee etwa too ne 'Structural metaphor' Eno nso wokyerere mu se eno ne adwene a yewo fa biribi ho no yede agyina ho ama ade foforo. Se ebi a, akyinnegyee ye oko. Wose oko ye adee a esi wo aniso anaa se amammera mu nnyetomsem. Ena akyinnyigyee nso ye adwenemu nimdee a yede di dwuma a etwa se wode di asem bi so nkonim. Adwene a yewo fa oko ho no na yede gyina ho ma akyinnyedie. 'Structural domain' no tae gyina se wode adwene bi a wowo fa biribi ho regyina ho nya adwene foforo ama biribi.

Dee tiori yi reka akosi ara ne se, adwene a efa sedee yedwene ho no nye nimdee nko ara na mmom yen daa daa asetena mu nneyee. Saa adwene yi nya nsunsuanso wo yen dwumadie ahodo mu.

Ewom se saa tiori yi agye din wo ne dwumadie ahodo mu dee, nanso Kovecses (2002) kyere se CMT wo sinto bebree. Okyere se nhwehwemufoo pii aka nsem a ekyere sinto a ewo saa tiori yi ho. Sinto ahodo a woka ho asem no bi ye nhwehwemu akwan a wofa so de ye nhwehwemu. Pragglejaz Group (2007), kyere se mpen pii no CMT fapem ye

adwene anaase nimdee a nipa no wɔ fa asem no ho, ena enni nhyehyeee biara so. Wɔhunuu se eye sinto keseɛ a ewɔ adwenemusem yi ho. Yei kyere se nipa biara ɔpe se ɔde saa tiɔri yi di dwuma no, gyina adwene ne nimdee a wɔnya fa saa adeɛ no so na ɔde adi dwuma. Yei nti deɛ Pragglez Group reka ne se ese se yɛnya nhyehyeee nhwehwemu akwan a yede behu nsem a eye kasakoa.

Adeɛ baako a wɔn a wɔkasa tia saa tiɔri yi te se (Stefanowitch 2007), hwe ne faako a nkyerekyeremu no hwe. Wɔn haw pa ara ne se kasakoa no nkyereaseɛ no mfiri soro mmra fam anaa se mfiri fam nkɔ soro.



Sinto ahodoɔ a nhwehwemufoɔ ahodoɔ ne animdefoɔ binom de ato dwa nyinaa akyi no, mfasoɔ bi wɔ ho a eboa ma yetumi de saa tiɔri yi di dwuma wɔ yen daadaa asetena mu a eboa ma yete biribi ase yie. Saa nteaseɛ yi boa ma yehunu deɛ nti a nnipa bi ye biribi anaa da esu bi adi wɔ wɔn nneyeee mu. Adwene a nnipa wɔ fa kasakoa bi ho no, ka kasa ne kwan a nipakuo bi fa so da wɔn amammerɛ adi no ho (Nordquist 2019). Ne saa nti Lakoff ne Johnson (1980) akyere nneema mmiensa ekeka sisi anim wɔ CMT mu. Baako ye deɛ efa ayɔnkofa a eɔa beaɛ bi ntam; esoro ne fam, anim ne akyire ne deɛ ekeka ho. Deɛ eto so mmieniu ye deɛ yede biribi a yehunu gyina ho ma deɛ yenhu, na deɛ etwa toɔ koraa ye kasakoa a adwene a yewɔ fa baako ho no kyere foforo mu.

Lakoff (1992) kyereɛ mu tiawa se deɛ CMT dwumadie tee; deɛ obiara gye tom se etee ne deɛ eye adeɛ potee a erekyere.

Dwuma biara onipa di no, mpen pii no ne nimdee a ewo n'amammere ho no nya nsunsuansoo wo ne nneyeee so. Yei kyere se amammere ho nimdee ye nkutahodie nyinaa akoma. Esiane se, nkutahodie dodo no ara gyina; gyidie, nneema a esombo ma nnipakuo bi. Na bere biara obi beka asem no obo mmoden hunu se, ne nsem a ode redi dwuma no nye dee omanfo bu no animtia na mmom eye dee omanfo gye tom.

Adwene a yewo fa kasa ho no tumi twe adwene gyina amammere ne nnooma a omanfo gye tom so, ne titire ne won a woresua saa kasakuo no amammere. Ne saa nti se obi pe se okwadare wo kasa bi mu a, na etwa se ohunu se dee wode kasakoa di dwuma ne sedee obekyere saa nsem yi ase na aboa won wo kasa no ho nimdee mu ne won daadaa asetena mu nneyeee mu.



Grady (1997) kyerekyere CMT mu se, tiori a ede ema kwan ma obi de adee bi gyina ho ma biribi foforo. Wokyerere adwene mu po titire a ewo saa tiori yi ho se wode adwene a wowo fa biribi ho regyina ho ama biribi foforo. Grady koo so kyere sinto ahodo bi a ewo saa tiori yi ho. Oko so kyere mu se, adee a bere biara wode foa Johnson ne Lakoff (1980) tiori yi so ne se, ewo kwan a eye nnidiso a ede adee bi firi adwene bi mu ko adwene foforo ma yenya nteasee; eno na Johnson ne Lakoff (1980) frere no 'source and target domain.' Sedee kasamu nnyinahoma tee biara no, wonnyina ho se ankorankore na mmom woka adwenemu bi ho. Ose ne saa nti se yeka ahoohye a, yetumi toatoa hunu ayonkofa bi a ededa nsemfua bi ntam- se ebi a, hyeehye, nwunwunu, ahokeka, muna ne ade. Saa ara nso na yefa adehunu a, yetumi nya adwene bi te se; adehwe, anifra, aniwa,




kanea, esum ne deɛ ɛkeka ho. Yei mu no, nyɛ nteaseɛ nko ara ne nsemfua ɛdi dwuma wɔ ha na mmom ayɔnkofa a ɛda anifra ne nteaseɛ mu. Nhweesoɔ ne sɛ, obi ani afira a, ɛkyerɛ sɛ, nsem bi wɔ ho a ɔnte aseɛ, aniwa a wobɔ no prepre no kyere sɛ biribi wɔ ho a esi adehunu bi kwan a ɛmma wontumi nte nsem bi ase.

Grady (1997) san nso hwɛɛ faako a asem a yereka no ne deɛ wode retoto ho no ani hwe. Ɔkyerɛ sɛ adeɛ baako a ɛho hia wɔ sɛ yede biribi regyina ho ama foforo ho pa ara ne twaka a ɛda saa adwene mmienu no ntam a ɛnye sɛ yerekyere ayɔnkofa a ɛda won ntam keke. Sɛ ebi a, yereka adeɛ a ɛyɛ hye anaa ɛyɛ nwunu ho asem a, yetaa de gyina ho ma suban nanso sɛ wodane no a, suban nkyerɛ adeɛ a ɛyɛ nwunu anaa sɛ ɛyɛ hye. Sɛ ebi a, *Atemufoɔ no mfa asem no ho*, ɛna fam sɛ wode asem a ɛmfa atemufoɔ no betoto adeɛ a ɛyɛ nwunu ho. Ne saa nti Grady (1997) ma yɛhunu sintɔ bi a ɛwɔ saa tiori yi ho a wɔkyerɛ sɛ yɛntumi nnyina nneema bi a ɛsese wɔ A ne B ho keke so, ɛnte saa anka ɛse sɛ yetumi dane nsemfua no nteaseɛ ma no yɛ yie.

Bio, ɔsan ma yɛhunu sɛ ɛwom sɛ nnyinahɔma yɛ kasasu a yɛhyɛda di dwuma soronko fa ho deɛ, te sɛ deɛ ɛyɛ mfomsoɔ bi anaa sɛ adwenemu mfonin bi a yɛn anya a ɛso ani nanso adwuma ahodoɔ a akoko so no kyere sɛ ɛyɛ bun a abuo, na ɛyɛ kasa no nkorabata a yede di dwuma dodoɔ. Sɛ ebi a, mpen pii no yede yetae de dodoɔ gyina ho ma te sɛ ɛmpagya-*kɔmputa tɔn adɔɔso*. Ayɔnkofa mu nhyesoɔ nso yɛfa no te sɛ deɛ ɛyɛ anisodeɛ- *ɔpiaa me too mu* ne deɛ ɛkeka ho. Ɔse ɛsɛ sɛ yeyɛ adwene sɛ saa nnyinahɔma yi yɛ nteaseɛ foforo a yede ma saa nsemfua no.

Grady (1997) nso gyinaa Johnson ne Lakkof tiori yi kyekyee adwene a ewo nnyinahoma ho no so kyee mu mmienu a eye 'source domain' ne 'target domain.' Ofree 'source domain' no 'Primary source concept' na 'target domain' no nso ode 'Primary target domain' gyinaa ho maa no.

'Primary source concept' no okyeree asee se adwenem nteasee a obi wo wo nneema bi a asee tee nye den ho, kyere se nye den se obi besusu saa adee no ho na watwa adwenemu mfonin bi afa ho na wate asee. Afei, 'primary target source' no nso okyeree mu se eye adwenem nteasee a obi nya wo adee bi a asetee ye den ho. Ose mpen dodoo a obi de adwen no besusu adee a nasetee nye den ho wo ne tirim no, eboa no ma otumi gyina nteasee a wadi kan anya no so de susu dee asetee ye den no ho ma no ye yie. Oka de si so dua se, saa nneema a asetee nye den yin a eboa ma ye nya 'conceptual metaphor' na eso na saa tiori yi gyina esiane se eda adi wo CMT mu.



Agyekum (2013) nso de saa tiori CMT yi dii dwuma. Okyeree nkyereasee ahodoo a animdefoo bi a wode saa tiori yi adi dwuma pen de maa CMT. Omaa yehunuu se won a wode 'Conceptual Metaphor' di dwuma no hunu se eye adwene mu nsem a yede biribi gyina ho ma adwene bi.

Agyekum nso twee adwene sii nneema mmienu so te se dee Grady (1997) yeee no. Ose se yede tiori yi redi dwuma a, ese se yenya 'source domain' ne 'target domain' a baako gyina ho ma foforo. Na okyere mu se yenntumi mfa adwenen a ye wo fa biribi ho no nko

ara nnyina so mma ade foforo na mmom ese se yehwe okwan foforo a yetumi de asem no di dwuma.

‘Target domain’ no mu no, okyerere mu se dee ekoo so wo ho no taa ye nneema asetee nye den anaase nwonworan, na ‘source domain’ no dee emu da ho fann, nneema no nteasee nye den koraa. Dee ereka akoo ara ne se, esiane se ‘target domain’ no eye den se yebete asee no nti, na bere biara adwene ne nimdee a yewo wo ‘source domain’ no mu no na yegyina so de kyere ‘target domain’ no ase.

### **2.12.3 Sadee Mede Tiori yi dii Dwuma**

Madi kan aka se tiori a mede redi saa dwuma yi ne Conceptual Metaphor Theory (CMT). Makyere mu se Johnson ne Lakoff na wodii kan de saa tiori yi baee wo afe apem ahankron aduwotwe (1980) mu. Wode ba wiecee no, animdefoo pii de adi dwuma ama ebinom akyerekyerere sinto a ewowo ho ne dee anka ese se wo ka no. Ebinom nso foaa won so de bi mpo kekaa ho, ne nyinaa ye dee ebeboa ama kasasua ne nkitahodie akoo so.

Ewom se animdefoo ahodoo bi te se Graddy (1997), Kovecses (2002), ne won a aka no akyerekyerere won adwene afa ho dee, nanso mehunu no yie se won nyinaa ano ko benkoro mu se, adee biara a onipa ye no gyina osuahunu ne adwene a owo fa biribi ho na ode saa adee no gyina ho ma no wo n’adwene mu na aboa no ama no ate asee yie. Eno na wonyinaa ama yehunu se ese se yenya ‘source domain’ a eye adwene no a wode regina ho

ama aboa ama biribi nteasee. Afei wɔkaa ‘target domain’ nso a, eye asem a wode biribi begyina ho ama no sɛdeɛ ɛbeboa ama nteasee aba mu.

Dwumadie yi mu no, mekyere mme ahodoɔ a ɛda Akanfoɔ adwene a wɔ wɔ fa mmɔfra ho no adi. Mekyerkyere nsemfua bi mu na yɛahwe sɛdeɛ adwene a ɛwowɔ saa nsemfua yi mu no da adi wɔ mmɔfra ntetee mu.


Bio, sɛdeɛ ɛbeyɛ na nsem no nye nwonworan wɔ yen ani so nti, mede saa adwene yi agugu akuoakuo na aboa ama ne nteasee no ayɛ mmere ama yen. Makyere mme ahodoɔ no mu traɛ ama akenkanfoɔ ate ase na ekyere se me ‘source domain’ ene no, na mewiee no, magyinaa so de kyere twaka a ɛwɔ ‘source domain’ no ne se deɛ saa asem no da ne ho adi wɔ asetena mu a ɛreboa ama yɛate ‘target domain’ no ase. Yei kyere se mme no dodoɔ no ara gyina adwene ne osuahunu a Akanfoɔ wɔ fa biribi ho na ɛma wobubu saa mme no, ne saa nti no eno beyee me ‘source domain’ na nkyereasee a wɔgyina so de kyere mme no ase a ene mme no mu nse no nni twaka biara no nso abeyee me ‘target domain’.

### **2.13 Ɔfa yi mmuabo**

Saa ɔfa yi ama yahunu dwumadie ahodoɔ a animdefoɔ pii adi afa ɛbe ne mmɔfra ntetee ho. Ɔfa yi ama yate ɛbe ase ne ekwan a Akanfoɔ fa so tete won mma esiane nkyerekyerem ahodoɔ a animdefoɔ binom adi kan de atoto dwa no nti. Saa nkyeremu

ahodoɔ yi maa yehunu se eba mmɔfra ntetee wɔ Akanman mu a, enye awofoo a wɔwoo mma no nko ara na won anya asem, na mmom eye omanmu no nyinaa asodie se wohwe de ntetee pa ma mmɔfra.

Bio, ofa yi ara asan ama yeate ebe ase ne esu ahodoɔ a eba adi ma yeka se, asenka bi ye ebe anaa se enye bia. Nkyereasee yi ama yeate ase se ebe ye tiawa, eye asem a omanfoo gye tom esiane se eka oman bi ho asem nti ema yehunu sedee saa nipakuo no ye won nneyee fa. Eno nti se asem no nye nokore anaa se enka asem papa mfa saa nipakuo no ho a, omanfoo no nnye ntom mfa asem no nni dwuma mma no mmeye ebe. Afei yenim se ebe nni wura, nanso ofa a eto so mmienyi ama yahunu se ebe nni wura dee, eye obi na odi kan ka de di dwuma de ye n'asenka na omanfoo no nso abeka se asomasi se... na ekyere se abeye omanfoo dea dee nanso ehyee ase firii nipa baako so na ebeye kwasafodee.



Ofa yi san ma yehunu se yenam nnwomtoɔ ne anansesem ahodoɔ bi so de ebe da adwene ne gyidie a nnipakuo bi wɔ fa biribi ho to dwa, a se yegyina saa anokasadwini yi so a, yebetumi ahunu dee efa saa nnipakuo no ho.

Anso ho ara, tiɔri anaase adwenemusem a mede redi dwuma yi no, saa ofa yi mu na mada no adi. Saa tiɔri yi ne Conceptual Metaphor Theory (CMT). Saa tiɔri yi na ama yehunu se, adwene ne osuahunu a yewɔ fa biribi no, na yede gyina ho ma biribi foforo a ene no nni twaka biara ma no boa ma yete saa adee no ase. Na yenyaa 'source domain' ne 'target

domain' a mekyeree twaka a eda saa nsemfua yi ntam. Ekwan a mefa so de tiori yi adi dwuma nso mada no adi wo ofa yi mu.




## ƆFA ETƆ SO MMIƆNSA

### ƆKWAN A MEFAA SO YƐƐ NHWEHWƐMU YI

#### 3.0 Nnianimu

Ɔfa a yɛaduru so yi yɛ Ɔfa a ɛrekyere akwan ahodoɔ a mefaa so yɛɛ saa nhwehwɛmu yi. Mede nyiyimu a ɛgyina botaeɛ so na dii dwuma yi na nhwehwe mu akwan a mefaa so no nso yɛ deɛ ɛde nsemfua kyerekyere biribi mu (qualitative research) no bi. Saa nhwehwɛmu yi rehwe sɛ ɛbɛkyere sɛ deɛ Akanfoɔ da mmɔfra adi wɔ won abɛbuo mu ɛne akwan ahodoɔ wɔfa so de abɛbuo ma saa mmɔfra yi ntetee pa.

Saa Ɔfa yi bɛkyere beaeɛ a nhwehwɛmu yi koo so, nnipa a mede won dii dwuma no. Ɔkwan a mefaa so paa nnipa a mede won dii dwuma no ne akwan ahodoɔ a mefaa so nyaa nsem de dii dwuma no nso meda no adi wɔ saa Ɔfa yi mu.




#### 3.1 Nhwehwɛmu No Su

Megyinaa nhwehwɛmu kwan a ɛyɛ nkyerekyerɛmu (qualitative research) so na ɛdii dwuma ahodoɔ no nyinaa, nsem no mmoano ne ne mpensempensemu. Mfitiaseɛ nsemmoano no menyaa bi firii asuafoɔ a wɔresua Twi kasa wɔ ntoasoɔ sukuu wɔ Asante Mampɔn St. Joseph Seminary S.H.S, asuafoɔ a wɔgyina gyinapɛn mmiensa. Menyaa bi nso firii nnipa a mebisabisaa won nsem pɛɛ mme no bi ho nkyereaseɛ no nkyɛn. Mankasa me nimdeɛ a ɛwɔ kasa no mu nso mede dii dwuma. Mmataho nsemmoano (secondary data) no nso menyaa firii nwoma “Ashanti Proverbs; The Primitive Ethics Of A Savage People” a, R.S. Rattray twereɛ wɔ afe apem ahankron ne du nsia (1916) mu na afei Akan sini ahodoɔ bi nso a mehwɛɛ mu.

Nhwehwemu akwan a egyptina nkyerekyeremu so ye akwan a ekyere su a ema nnipakuo bi hunu asem pɔtee bi. Saa nhwehwemu kwan yi ye nhwehwemu fa adee a ema nnipakuo bi ye dee wɔ ye ne nkyereasee a wode ma saa adee no. Nnipakuo biara wɔ sedee woye won adee fa. Na adee biara a woye no wɔ botae bi tae akyire, ne saa nti, nhwehwemu akwan a egyptina nkyerekyeremu so boa ma yetumi do asuko wɔ saa nneyee yi mu, ma yɛnya nteasee wɔ senti a nnipakuo no da saa esu ne nneyee yi adi.

Owu-Ewie (2017), se nhwehwemu kwan a egyptina nkyerekyeremu so ho mfaso baako ne se, ema nteasee a emu do wɔ asem bi mu. Oko so kyere mu se, saa nhwehwemu kwan yi ma wode woadwenkyere ne adee a woaye bi, na wode woani ato fam ahunu, de kyerekyerere asem bi mu, sedee esiie, ema wonya adwene fa asem a asie no nyinaa mu yie. Ne saa nti, se mehwe mu pa ara mehu no yie se, saa nhwehwemu kwan yi na ebeboa me dwumadie yi. Esiane saa okwan yi ye kwan a ema nea oreye nhwehwemu no nya nteasee pa ara wɔ nea eko so wɔ bere bi mu.

The logo of the University of Education, Winneba, is a circular emblem. It features a central sunburst design with rays emanating from a central point. Below the sunburst, there are three stylized human figures or symbols. The entire emblem is encircled by a banner that reads "EDUCATION FOR SERVICE".

Esiane se me nhwehwemu yi nye dee efa nkontabuo ne dodoo ho nti, na eho behia se mefa saa nhwehwemu kwan yi so, na aboa ama matumi ahunu na mate adwene a Akanfo wɔ fa mmofra ho ne sedee wonam abebuo so de nneema a esom bo ma won tete won mmofra no ase yie, na aboa ama akenkanfo ne won a wode me dwumadie yi bedi dwuma ahodoo nso anya nteasee yie.



### 3.2 Beaeɛ a Nhwɛhwɛmu no kɔɔ so

Akan kasa no yɛ kasakuo a ɛso wɔ ɔman Ghana mu. Ɛnne yi ɛrekame ayɛ sɛ baabi ara wobɛka Akan kasa no, ne titire ne Asante Twi kasa wɔ Ghana aƆanan nyinaa mu no, obi wɔ ho a ɔte deɛ woreka no ase. Me nhwɛhwɛmu yi kɔɔ so wɔ Asante Mantam mu wɔ Ghanaman yi mu. Akanman yɛ kasakuo a ɛso nti mede Asantefoɔ na dii dwuma. Efiri sɛ Asante Twi ne Akan kasa a meka na mete aseɛ yie. Nanso esiane sɛ Asantefoɔ nso doɔso na wɔn kuro no so nti, medii dwuma yi wɔ Asante Mampon. Medii dwuma no wɔ Asante Mampon kuro a yɛfrɛ no Kyiremfaso. Deɛ nti a meyeɛ m'adwene sɛ mede saa kuro yi beɛdi dwuma ne sɛ, mekoɔ saa kuro yi so, koɔdii dwuma, mehunuɔ sɛ wɔn Twi kasa no mu yɛ duru kyen wɔn a wɔtete kurom no. Mehunuɔ sɛ nwomasua nni soro wɔ ho nti na wɔn Twi kasa no ho te na emu nso yɛ duru nti meyeɛ adwene sɛ mede saa kuro no na beɛdi dwuma.



### 3.3. Nnipa Dodoɔ a Mede Wɔn Dii Dwuma

Yɛwɔ akwan bebreɛ a yɛfa so pa nipa de wɔn yɛ nhwɛhwɛmu. Owu- Ewie (2016), se yɛka nnipa dodoɔ a na yerekyere nnipakuo bi a wɔn su yɛ baako a ema wɔda sononko firi afoforɔ ho. Esiane saa nti, mepɛɛ tikyani a ɔte kuro no mu na ɔboaa me maa menyaa nnipa dodoɔ a mebisabisa wɔn nsem no. Mepaa nnipa dunsia (16) na mebisabisaa wɔn nsem pɛɛ nkyerekyeremu wɔ nsem bi ho; nnipa yi mu baasia (6) yɛ mmaa ɛna wɔn mu du (10) yɛ mmarima. Na wɔn nyinaa yɛ Asantefoɔ a na wɔwɔ nimdeɛ sononko a ɛboaa me wɔ me dwumadie yi mu yie.


Nnipa yi mu baako (1) ne Kontihene a ɔwɔ Kyerimfaso kuro no mu, ɛna nkaɛɛ no nso ye mmaa ne mmarima mpanimfoɔ a menyaa wɔn bisabisaa wɔn nsem bi ho nkyerekyeremu.

Nyiyimu ye kwan a yɛfa so paa nnipa dodoo a yede wɔn ye nhwehwemu. Owu-Ewie (2016), ka sɛ, nyiyimu ye nnipa kakra bi a, yapaw wɔn afiri nnipakuo bi mu sɛ yɛbehwe wɔn na yede ayɛ mpensempensemu. Na ɛkyere sɛ wɔn a yapaw wɔn sɛ yede beyɛ nhwehwemu no, yetumi san paw nnipa bi firi wɔn mu de wɔn gyina ho ma nnipakuo no nyinaa esiane ebia mmere, sikasem, ne ade nti.

Mede nyiyimu a ɛgyina botaaɛ so na boaboa me nsem no ano. Mede saa nyiyimu kwan yi na ɛdii dwuma efiri sɛ Owu-Ewie (2016) ma yete aseɛ sɛ ɛye ɔkwan a yɛfa so yiyi nsemmoano mu a yeregyina botaaɛ so. Na ɛkyere sɛ nsemmoano biara a wode bedi dwuma no ye deɛ ɛbeboaa wo botaaɛ a wode reyɛ nhwehwemu no. Owu- Ewie (2016) kyere sɛ mfasoo baako a ɛwɔ saa kwan yi so ne sɛ yebetumi ahunu sɛ asem biara a ɛfa nyiyimu no ho biara ye deɛ ɛbeboaa deɛ ɔreyɛ nhwehwemu no efiri sɛ biribi a ɛfa ho no ye deɛ ɛfa adeɛ a yeresua no ho. Yɛgyina saa asem yi so a, nyiyimu no fa mme a ɛda Akanfoɔ adwene a ɛfa mmɔfra ho ne mme a wode ma mmɔfra ntetee ho. Ne saa nti, ebe biara anaa asem biara a yede bedi dwuma no, ɛsɛ sɛ ɛye ebe a ɛfaa saa nsem yi ho na atumi aboa ama mayiyi me nsemmisa ano ama manya me botaaɛ nti a, mede yeɛ nhwehwemu yi.

Bio, ewom sɛ mme no dodoɔ no ara fa mmɔfra ho deɛ nanso ebi wɔ ho a na enka birirbi ara mfa mmɔfra ho nanso Akanfoɔ tumi gyina saa mme no so de ntetee papa ne subampa a esom bo ma wɔn tete mmɔfra. Saa mme a ete saa yi na eboaa me maa metumi yii m'asemmisa a eto so mmienu no ano.

Menam akwan nan so na meboaboa me nsem no ano. Nea edi kan no megyee mme ahodoɔ a efa mmɔfra ho firii asuafoɔ bi nkyen, bio, memaa wɔn nsentitire ahodoɔ bi a wɔbubuu mme faa ho, deɛ eto so mmienu nso mede nkɔmɔtwetwee (interview), deɛ eto so mmiensa nso ye Akan nwoma ahodoɔ bi. Mede nhwee ne nsemisa na boaboa mfitiasee nsemmoano ena mede Akan nwoma ahodoɔ mmataho nsemmoano. M'akyinkyinakyinkyin de me kopuee nwoma Akan Proverbs so a eboaa me yie.



Meboaboa nsem no ano wiese no, metuu anamon koo nnipa binom nkyen kopɛɛ nkyerekyeremu wɔ mme ahodoɔ bi ho. Wɔn nkyerekyeremu no bi nso yiyii mme afoforo pueei. Memaa nnipa yi tee wɔn ho ase sɛ mekye wɔn anodisem no agu afidie so, na mede adi dwuma. Mekyerɛ wɔn mu sɛ eyɛ nhwehwemu a mereye no suapon mu na enye biribi foforo biara nti.

### **3.4 Asuafoɔ**

Megye nsemmoano no bi firii asuafoɔ a wɔgyina gyinapɛn mmiensa a wɔresua Twi kasa ho nimdee no bi nkyen. Akuoakuo nan na megyee mme yi firiiɛ. Asuafoɔ no dodoɔ beye oha aduasa (130). Medii kan maa wɔn mu biara twerɛ mme du a efa mmɔfra ho.

Wɔwiewee a megyegyee no, na mesaa mme no mu efiri se na ebi nye dee efa mmɔfra ho, na dodoɔ no ara nso ye mme korɔ no ara na dodoɔ no twerɛɛ. Eyi akyiri no, na wɔn a mepaw wɔn se me ne wɔn betwetwe nkɔmmɔ no hyiahyaɛɛ. Dee meyeɛɛ ne se, mefa ebe no a, na mama wɔn akyere me aseɛ wɔ ne traɛ mu, wɔwiewee a, na wɔn akyere dee ebe no pe se ekyere ankasa. Yei akyire no meba fie a, na mabɛsa mu akɔ akuokuo mu.

Dee edi ho no, subampa a esom bo ma Akanfoɔ no, eno dee memaa asuafoɔ no nsentitire ahodoɔ se wɔmma me mme ahodoɔ a efa saa nsem no ho. Saa nsentitire yi megyinaa nsemmissa a mebisaa wɔn a mede wɔn dii dwuma no nsem a wɔka faa nneɛma a esom bo ma Akanfoɔ no ho so na nya maa asuafoɔ no. Eno nso wɔtwere maa me no na mesaa mu yiyii dee ehia no maa mpanimfoɔ yi kyerkyereɛ me aseɛ ne dee wɔde to mmɔfra no tirim.



### **3.5 ɔkwan a Mefaa so Nyaa Nsem a Mede Dii Dwuma no**

#### **3.5.1 Nkɔmmɔtwetwe**

Nsemmoano a menyaa no nsemmissa mu no nso ɔkwan a mefaa so yee ne se, mede mme ahodoɔ a menya firii asuafoɔ no nkyen no guu krataa so. Nti mekan ebe no a, na nipa a me ne no retwetwe nkɔmmɔ no nso akyere dee wɔnim fa saa ebe no ho.

Ne nyinaa nso mekyere guu me foonu so, medii kan maa wɔn tee aseɛ se mekyere wɔn kasa no agu afidie no so sɛdeɛ ebɛma nkɔmmɔ no akɔ so a twitwitwitwi biara mma mu. Bio, ebeboa ama me were mfiri nsem dodoɔ a wɔn akeka no nyinaa. Yei nti, meba fie

biara a, kakra a menyaae no, na matwere agu nwoma mu se dee ebeye a, mfomsoo bi ba foonu no ho mpo a, entwe me dwumadie no nsensen.

Afei mebisaa won nneema a esom bo ma Akanfooo a wososo so a won ani gye ho se okanni biara de beka ne su ne ne ban ho. Ena mesan bisaa won dee Akanfooo bu no animtia a wokasa tia wompe se mpanin ne mmofra biara beda saa esu no adi wo won astena mu. Won mmuaee ahodoo a wode maa me no na megyinaa so de yee nsentitire de maa asuafooo no se won mfa ho mme mmra.

### **3.5.2 Nwoma**

Me mmataho nsemmoano a mede dii dwuma no menyaa bi firii nwoma 'Akan Proverbs, The Primitive ethics of a Savage People' (Rattary, 1916) mu. Ekwan a mefaa so nyaa saa nsem ne se, otwerefooo no aboaboa mme no ano akuoakuo, nti mehwe dee ebefoa me dwumadie no na meiyiie de kaa mme a madi kan anya no ho. Nti ne nyinaa na megyinaa so de bisaa nsem faa mme ahodoo no ho.

### **3.6 Ekwan a mefaa so yee mpensempensem no**

Mewie yeinom nyinaa no, meiyii mme no mu boaboa ano koo akuo akuo a megyedi se wo sese mu. Afei, nkommoo a mekye guu foonu so no, meboboo tiee yiyii dee eho hia me dwumadie no, dee nnipa bi nkyeree mu sononko no, nso mehwe nipa dodoo a wokyerere adwene koroo faa asem no ho, na mede me nimdee a mewoo fa kasa no ho nso aka ho na

masi gyinaee afa ho. Tiori a mekaa ho asem wo ofa a eto so mmienu no nso mede dii dwuma wo mpensempensemu no mu.

### 3.4 Ofa yi muabo

Saa ofa yi mu na mada nhwehwemu akwan a mede dii dwuma adi wo ha. Afei nso beaee a nhwehwemu yi koo so nso mada no adi wo ha. Nyiyimu akwan, nnipa dodoo a mede won dii dwuma ne okwan a mefaa so paa won. Bio, makyere akwan ahodoo a mefaa so nyaa nsemmoano a mede dii dwuma yi, nneema ahodoo a mede mede dii dwuma a eboa maa menyaa nsemmoano no.



## ƆFA A ETƆ SO NAN

### DWUMADIE YI MPENSEMPENSEMU


#### 4.0 Nnianimu

Ɔfa a maduru so yi eyɛ Ɔfa a me de beyɛ mpensempensemu a ɛfa Akanfoɔ abɛbuo a ɛfa mmɔfra ho. Saa fa yi gyina Akanfoɔ mme binom a maboaboa ano so apensempensen mu Akanfoɔ adwene a wɔwɔ fa mmɔfra ho a eno nti wɔgina so de ntetee pa bi wura wɔn mu. Afei ɛbesane ahwe mme ahodoɔ binom a, wɔgyina so de nneema a ɛsom bo ma wɔn wura mmɔfra yi mu. Dwumdie yi de Conceptual Metaphor Theory (CMT) a Johnson ne Lakoff (1980) de baeɛ. Dee tiɔri yi ka ne sɛ adwene a nipa bi wɔ fa biribi ho no (source domain) na wɔgyina so de te adeɛ foforo (target domain) a ene no nni twaka biara ase. Wɔkyere mu sɛ saa nnyinahɔma yi gu ahodoɔ mmiensa; Structural metaphor a eyɛ adwene a yɛwɔ fa biribi ho na yɛde agyina ho ama ade foforo. Ontological metaphor no nso yɛ nneema a ɛgyina amammerɛ so ne atenka a obi nya wɔ ne nipadua mu a yetumi dwene ho twe adwene si so. Dee etwa toɔ ne Orientational metaphor a eno nso gyina nneema a atwa yen ho ahyia asetena mu a yetumi de yen ani hunu ne nea yɛanya suahunu wɔ mu. Johnson ne Lakoff (1980) sɛ yetumi gyina saa nneema yi so nya biribi ho nteaseɛ gyina so de ye biribi foforo a ene no nni twa ka biara.

Nkyerɛkyeremu biara a ɛrekɔ so wɔ Ɔfa yi mu no, gyina nkɔmmɔtwetwee a ɛkɔɔ so wɔ nhwehweemu yi mu a wɔn a mene wɔn twetweeɛ no kaɛɛ so. ɛnyɛ me ankasa me nkyere mu nko ara na mmom afoforo nso deɛ ka ho.

#### **4.1. Mpensempensemu a efa Akanfoɔ adwene a efa mmɔfra ho wɔ abɛbuo mu**

Ɔfa a ɛto so mmienu mu no, yɛhunuu sɛ abɛbuo ma yɛhunu ɔman bi gyidie a ɛwɔ biribi ho. Finnegan (2012) nso maa yetee aseɛ sɛ ansa na kasakuo bi bɛka sɛ biribi yɛ ɛbɛ no, gye sɛ wɔgye tom sɛ asem a wɔreka no yɛ nokware esiane sɛ ɛka saa nnipakuo no ho asem. Gyekye (2003) kyere sɛ, Abibiman mu no, ade titire pa ara a ɛma nipa ware yɛ awɔɔ- mmɔfra a wɔbɛdi wɔn adeɛ na wɔn ase renhye. Esiane saa adwene yi nti, wɔwɔ adwene bi fa mmɔfra ho a wɔgyina so de ntetɛ papa ma wɔn. Appiah, Appiah ne Agyeman-Duah (1997), Asantefoɔ yɛ abɛbuo nnipakuo na obi bɛtumi ate wɔn amammere ase, na n'ani agye wɔn adwene a wɔde yɛ biribi ho bɛrɛ a wɔntɛ wɔn abɛbuo no ase. Yei nti mmɛ ahodoɔ a mede redi dwuma yi yɛ deɛ Akanfoɔ gye tom sɛ ɛyɛ ɛbɛ deɛ a, ɛnnɛ na ɛda wɔn adwene a wɔwɔ fa mmɔfra ho adi pefee. Saa mmɛ ahodoɔ yi makyekye mu akɔ afaafa ahodoɔ sɛ deɛ ɛbɛyɛ na akenkan no ayɛ mmɛrɛ na ne nteaseɛ nso nyɛ den.



Akanfoɔ abɛbuo dodoɔ no ara de mmɔfra gyina wɔn gyinabere wɔ ɔman no mu na ɛboa ma yɛhunu adwene a wɔwɔ fa wɔn ho. Abɛbuo no bi ma yɛhunu sɛ mmɔfra yɛ mpaninsem na mpen pii no wɔyɛ nneɛma a ɛboro wɔn ahooɔden so. Adwene a efa mmɔfra ho no hia yie esiane sɛ ɛboa ma wɔte mmɔfra nneyɛɛ binom ase ne akwan ahodoɔ a wɔde saa mmɔfra yi suban no bɛfa so na wɔatenetene wɔn.

##### **4.1.1 Mmɔfra Yɛ Mpaninsem**

Esu baako a ɛda mmɔfra dodoɔ adi ne mpaninsem a wɔyɛ. Esiane saa nti mpen pii no wɔda esu yi adi mmɛrɛ a wɔn ani mpo nna wɔn ho so. Yɛka sɛ abɔfra bi yɛ mpaninsem a,



na yerekyere se abɔfra bi reye adee a eboro n'ahooden so. Yeregyina CMT a Johnson ne Lakoff (1980) de baeɛ no so a yehunu se, Akanfoɔ adwenmu no, mpanimfoɔ wɔ wɔn dwuma a wɔdi. Yei nti saa dwumadie enye adee a wohwehwe firi mmɔfra hɔ se wɔbedi. Etumi ye asem a ense se anka epue firi abɔfra ano, asodie bi a nni kwan se anka ɔfa to ne ho so esiane se eye mpanimfoɔ asodie. Saa adwene yi tumi da ne adi wɔ mme ahodoɔ yi a edidi soɔ yi mu ma wɔgyina so tete mmɔfra:

### *1. Abɔfra bɔ nwa ɔmmɔ akyekyedeɛ*


Mmpanin se *“abɔfra bɔ nwa na ɔmmɔ akyekyedeɛ”*.

Yehunu no se akyekyedeɛ konkuraa no eye den ma abɔfra se ɔbetumi abɔ, na mmom nwa konkuraa deɛ eye mmere se abɔfra biara betumi abɔ a ɔnya ɔhaw biara wɔ ne dwumadie mu. Bio, enye den se abɔfra behunu nwa, esiane se mfikyire mpo yetumi hunu bi wɔ hɔ ne titire ne mmeaɛ a mmɔroba wɔ. Akyekyedeɛ nso ye aboa a ne konkuraa no ye den se wobetumi abɔ no ahogono so. Afei nso ɔye aboa a ɔye na, nna fam se wobehunu akyekyedeɛ. Mpo yewɔ mpanimfoɔ a wɔnhunu akyekyedeɛ koraa da. Ne saa nti, CMT adwenemusem no ka no, Akanfoɔ de saa mmoa yi mmieniu gyina hɔ ma mmɔfra dwumadie wobetumi adi ne deɛ mpanin nhwehwe mfiri wɔn nkyen se wɔbebo wɔn ho mpem mpo se wɔbeyɛ. Yei kyere se abɔfra betumi abɔ nwa a ne konkuraa no nye den, na enye na se wobehunu no wɔ mfikyire, mmom nye akyekyedeɛ a ne konkuraa ye den se panin mpo betumi abɔ. Yei nti Akanfoɔ ma mmɔfra te aseɛ se, woye abɔfra a, woye mmɔfradeɛ na mmom nye deɛ eboro w'ahooden so.

Wɔn a mene wɔn twetwee nkɔmmɔ no bi maa metee aseɛ sɛ, Akanfoɔ hunu mmɔfra sɛ woyɛ nnipakuo bi a etɔ da wɔdi mpaninsem, wɔma mmɔfra hunu sɛ woyɛ abɔfra a woyɛ mmɔfradeɛ na nyɛ mpaninsem. Nsem bi ne nneyɛɛ bi wɔ hɔ a, obiara tumi yɛ bi, abɔfra oo, panin oo, obiara tumi yɛ a ɔnhyia ɔhaw biara. Nanso ebinom wɔ hɔ a wɔnhwehwe sɛ abɔfra betu anamɔn sɛ woredi saa dwuma no esiane sɛ ebetumi de no agyina gyinabea bi a ɛde ɔhaw bebɛre no.

## ***2. Abɔfra twa fufuo a, ɔtwa deɛ ebekɔ n'anom.***

Saa ɛbɛ yi nso da Akanfoɔ adwene a wɔwɔ sɛ mmɔfra ho sɛ woyɛ mpaninsem no adi. Fufuo yɛ Akanfoɔ aduane titire a wɔdi no mu baako. Wɔnwesa na mmom wɔmene. Sɛ woredi fufuo na woantwa deɛ ebekɔ w'anom ama woatumi amene a, ebɛhia wo. Sɛ aduane hia wo a, wokɔ ahohiahia mu ma anhwe yie a, wotumi fe deɛ wadi nyinaa gu anaa mpo etumi hia wo ma wotua home.




Abɔfra menewa sua kyɛn ɔpanin deɛ. Kɔntomoa a ɔpanin betwa a ɔbemene no ahogono so no, abɔfra sua no na ɔtwa bi a, ebɛhia no. Saa adwene yi na Akanfoɔ gyina so de da mmɔfra mpaninsem adi. Yei gyina CMT adwenemusem a ɛse nipa tumi gyina deɛ atwa ne ho ahyia so de adwene ne suahunu a wanya no so yɛ biribi. Asem bi wɔ hɔ a ɛse ɔpanin ano, nyɛ mmɔfrasɛm. Yei nti abɔfra nka mpaninsem a ɛde no beto adwaa mu. Asem bi wɔ hɔ a na wakata so de asie a wɔmpɛ sɛ ɔdasani biara behunu ho mpopoɛɛ, sɛ abɔfra kɔhunu mpo a, ɔmmɔ so. Ne nyinaa ne sɛ abɔfra deɛ ɔnka asɛnkeseɛ. Nti sedɛɛ abɔfra twa kɔntɔmmoa a, ɛhia no no saa ara na ɔka asem kɛsee a ɛde no beto amanneɛ mu.

### 3. *Aserewa mmo tam kесе a etu no hwe*

Aserewa ye ntakraboа ne ho susua. Wօnkura sere nkura anantuo. Etam nso ye amoasee a mmaa de mo ansa na wօn afura wօn ntoma agu so. Se wօmmo saa tam yi a, ema wօn asene mu ye duru nti wօfura ntoma anaase wօhye атаадеe gu so a, na afata wօn. Se aserewa anhwе ne ho ammo ne so ne ne tam na օkօmo kесе a, etam no mu duro no tu no hwe fam.

Sedeе aserewa ho susua fa no, saa adwene mu mfonin no Akanfoօ de gyinahօ ma abօfra se օnhwe ne ho yie na օnye n'adee se abօfra. Saa ara na abօfra anhwе ne ho anye dee ese se abօfra ye, na օkօye mpaninsem a, օnya eso nsunsuansoօ a ede օhaw bebօre no.



### 4. *Abօfra sua adwinie a, enye օsebo nwoma na օde sua*

օsebo ye aboa a օte wuram a օfiri օkra anaase agyinammoа abusua mu. Woyi ne honam a aye nnedamu nnedamu to nkyen a ne biribi ara te se օkra. օsebo tumi bօ ne ho adwaa wօ nnua ho se dee ebeye a օde ne ho besie n'atefoօ. N'aduane a օdi ne nam mono. Enna fam se wobinya օsebo honam de adi adwinnie. Mpo se wobinya no aku no anya ne honam no nna fam. Yei nti se abօfra bi wօ efie na se օpe se օsua adwinie a, enye օsebo dee na օdesua see no.

Yede օsebo nwoma toto nnwan, mponkye ne anantwie nwoma nye na ho a, na nni kwan se wօye mpaninsem see օsebo dee no. *Enye mpaninsem a, abօfra nso wode օsebo*

*woman na esua adwinie di?* Na ekyere se, woda mmofra adi se woye mpaninsem a wogyae won a wobeye nneema basaa. Na w'adeba bi a wode asie no wobesee no. Bio, asem bi a eye mpaninsema a wode asie a enni kwan se wobɔ so no, wogyae abofra a na onya saa asem no to ne tirim a, obeda no adi ama asem asi a wontumi nso ano. Yei nti wose abofra dee nsem a mpanimfoɔ ma no hunu a enha adwene no eno na wotumi ka ho asem na nye mpaninsem a wode ahunta na woda no adi.

#### **4.1.2 Mmofra Nimdee Sua**

Sedee CMT dwumadie baako a ma yehunu se amammere ne atenka a nipa bi kura mu no, otumi de gyina ho ma biribi ma no nya nsunsuansoo wo dee oye mu no, saa ara na Akanfoɔ mpanimfoɔ wo adwene se mmofra nnimdee a ewo biribi ho no sua a enwie peye. Ekwan baako a Akanfoɔ taa de tete mmofra ne se, wode nsem sie mmofra a womma won nhunu nsem mu nokore, na eto da bi nso a, wode ahunahnua na kyere won adee eno nti dee wobeka biara na mmofra no agye atom. Saa kwan yi mmoa mma wommisa nsem mpe emu nokore. Eno nti no eye a na wodwene se mmofra nni nimdee pii wo nneema bi ho. Yetumi hunu saa adwenen yi wo mme a edidi soo yi mu. Ne saa nti ntete biara a wode ma mmofra no, adwene a eda won tirim ara ne se mmofra nimdee a ewo biribi ho no sua. Na eno so na wogyina ma won ntete a wope se mmofra nya.

#### **5. Abofra hunu kotɔ ani a, ose eye abaa**

Okotɔ ye aboa onni tire. Esiane saa nti n'ani no tuatua ho te se mmaa mmienu. Esiane se won ani da sononko firi se dee aboa biara dee tee no nti, wohunu a wobeka se mmaa. Yei kyere nnimdee a mmofra nnim fa aboa kotɔ ho se saa na n'ani tee.

Akanman mu no, nye nneema nyinaa na mpanimfoɔ ma mmɔfra kwan ma wonya ho nimdee. Nti nneema bi wo ho a mmɔfra nnim, a ekyere se nsem ne nneema binom wo ho a wode sie mmɔfra nti, mpen pii no wodi won dwuma a, nsunsuansoɔ a ede ba no te se obi a onnim hwee anaa se onim dee ɔreye. Akanfoɔ de nim a obi nnim sedee ɔkɔɔ ani tee no gyina ho ma abɔfra. Nti biribi a mmɔfra ye no gyin won nimdee a esua wo adekorɔ no ho no na ema no ye saa.

#### **6. *Mmɔfra hunu ɔkɔdee a nsuo aboro no a, wɔse eye opete***

Opete ne ɔkɔdee nyinaa ye ntakrammoa. Won mmieniu nyinaa tumi tu nanso ɔkɔdee tumi tu ko ewiem nohoaa. Otumi tu fa mununkum so, eno mpo na ema no ahooɔden ma otumi tu. Animdefoɔ bi se nnomaa nyinaa ɔkɔdee ne aboa ne ho ye den. Oye anomaa keseɛ a ne ho ye hu, ne ti ne n'ano mu ye duru. ɔkɔdee ntakra mu ye du, n'aperewa nso mu ye duru a akoakoa a otumi de so aboa bi mu de no tu ko soro. Opete nso sesa ɔkɔdee saa ara, nanso n'ahooɔden nto ɔkɔdee. Oye anomaa keseɛ a ebi wo ho a ntakra nni ne kon mu. Mmeaɛ a opete taa tena pa ara ne sumina so ne baabi a mmoafunu wo. Saa mmoa yi mmieniu na esiane se mmɔfra taa hunu opete nti, wokɔhunu ɔkɔdee a nsuo abo no a, na eye won se opete.

Esiane mmɔfra nimdee a ewo fam fa saa mmoa yi mmieniu ho nti, wontumi nhunu nsonsoneɛ a ewo saa mmoa yi ntam. Yei tumi da mmɔfra adi se won nimdee wo nneema bi ho sua. Won adwene mu nno wobɔnya nimdee a wo nneema bi ho. Mpo mpanimfoɔ bo mmooɔden se wode ntetee bi bema won a, adwene no mu abue se wobete nneema bi ase na adwene no aso mu anaa? Esiane saa nti afoforo tumi daadaa won mpen pii.

### 4.1.3 Mmɔfra Aso Yɛ Den

Asɔɔden yɛ adeɛ baako a yehunu no wɔ mmɔfra ho. Mmɔfra ne asɔɔden te sɛ bafan ne fam. Yei te saa efiri sɛ, asem a mpanimfoɔ bekyere wɔn sɛ wɔnyɛ no wɔyɛ ade foforo. Eto da mpo a, baabi a wobɛka sɛ wɔnkɔ no, ɛho na wɔfiri ba. Yenike-Agbaw (2009) kyere sɛ, sedee mpanimfoɔ nya adwene fa abrabɔ ne esu a wɔpɛ sɛ wɔfa no, saa ara na mmɔfra nso wɔ tumi wɔ nnipa ko a wɔpɛ sɛ wɔyɔ so. Mpen pii no mpanimfoɔ taa bu mmɔfra sɛ wɔn aso yɛ den esiane sɛ, wɔtaa bu mpanimfoɔ nsem so. Yei befoa CMT asem a ɛka sɛ adeɛ a obi de n'adwene susu no, tumi ma no de saa adeɛ no gyina ho ma biribi a ene no nni twaka biara. Nipa de n'aso na etie asem. Sɛ biribi ɛyɛ den a, ebeyere sɛ ade foforo bi bɛtumi awura mu. Nti sɛ obi aso yɛ den a, ɔnte asem mfa nyɛ adwuma. Akanfoɔ tumi de mme a edidi sɔɔ yi da saa suban yi adi fa mmɔfra ho.


**7. Yɛtu wo fo na woantie a, woko anteade**

**8. Yensoma abɔfra wɔ sumina so, nanso ɔko na ɔpira a, yemia ma no**

Sumina so yɛ beaee a yetoto nwura ne nneema a yempɛ na mfasoɔ nni so gu- nnaadeɛ, mpentoa, ntonturawa ne nnoɔma a ɛtumi pira a ɛno nti yɛnhia no wɔ efie guo. Saa nneema yi nso taa yɛ nneema a mmɔfra nso ani gye ho a wɔpɛ sɛ wode di agoro. Ne saa nti wɔntaa nsoma mmɔfra a wɔn ani nteeɛ wɔ sumina so, nanso sɛ abɔfra no ayɛ asɔɔden na ɔkɔpira wɔ sumina so a, wɔhwɛ no wɔnnyae no mma no nwu. Ne nyinaa mu no, sɛ abɔfra bi yɛ asɔɔden na bone bi to no a, esiane sɛ Akanfoɔ wɔ adwene bi sɛ abɔfra biara aso yɛ den no nti, wɔnnyae no na mmom wɔboa no. Saa adwene yi da ada wɔ saa ɛbɛ yi mu; *Yensoma abɔfra wɔ sumina so, nanso ɔko na sɛ ɔpira a, yemia ma no.*

Ɖwofoɔ biara nni ho a ɔsoma ne ba anaase ɔhye ne ba kutupa ma no kɔdi bone. Abusua biara nso mfoa ne mmɔfra so mma wɔnkɔye a deɛ a ɔmanfoɔ bu no animtia a eso nsunsuansoɔ no nye ade papa. Ne saa nti wɔnye adeɛ a ebema mmɔfra kɔn adɔ sɛ wɔnkɔye, nanso, nkwadaa asoɔden nti, sɛ wɔkɔye a na wɔnya ɔhaw a wɔhwe boa no ma no firi saa ɔhaw no mu.

Mmɔfra asoɔden da ne ho adi mpɛn pii ne akwan ahodoɔ so. Ebi ye nhyesoɔ a mmɔfra dwene sɛ awofɔɔ de hye wɔn so, afei nso wɔnhunu deɛ nti a awofɔɔ si wɔn kwan wɔ nneema a wɔn mfefoɔ tumi ye ho ne deɛ ekeka ho. Bio, efie dwumadie binom wɔ ho a, ne ye no ma mmɔfra tumi da asoɔden adi ne titire ne mmarimaa. Wɔdwene sɛ nnwuma bi wɔ ho a eye mmayewa adwuma.



Eduru mmere bi a, abɔfra bi tumi ye akwadaa bone kɔfa amannee anaase eka ba efie, n'anim nni bi, n'akyi nni bi, nso abusua ntumi nnya no nsensenmu ma enka ɔno nko ara, wɔpɛ ɔman mu mpanimfoɔ ne atitire ma wɔdi akyire kɔye no mmoa. Na yei refoɔ Gyekye (1995) asem a yekaa no wɔ ɔfa a etɔ so mmienu no mu sɛ, Akanman ye kwasafɔ dea, nti wɔn mmɔfra ntetee nnyina awofɔɔ wɔwoo mmɔfra no nko ara so. Ekɔba no saa, wɔtwi abɔfra no anim deɛ, nanso wɔboa no ma ne firi ɔhaw a ɔde ne ho akɔto mu no.

Adwene a Akanfoɔ wɔ fa abɔfra a wɔakɔ sumina so akɔpira a wɔhwe no ma ne ho tɔ no no, saa adwene no na wɔde gyina ho ma abɔfra asoɔdenfoɔ a wɔkɔfa asem aba efie.

### **9. Sekantia gye ne ho abɔfra nsam.**

Sekantia yɛ sekan a ɛsua a wɔde yɛ adeɛ wɔ mmukase. Esiane sɛ ɛsua nti, abɔfra tumi fa de di agoro. Enam sɛ ɛyɛ adeɛ a ɛtumi pira nti, abɔfra fa a ɔpanin biara a ɔbehunu no tea no sɛ ɔmfa nto ho. Abɔfra bi wɔ ho a, wotea no a, ɔmfa nto ho, obi nso wɔ ho a, ɔde beto ho nanso woyii w'ani ara pɛ na wasane akɔfa. Mmere a sekan no betwa no pɛ, ɔgyae mu to ho a ɔnko ho bio.

Saa adwene yi na Akanfoɔ wɔ fa mmɔfra asoɔdenfoɔ tufɔantiefɔ ho. Wɔgye di sɛ, abɔfra no ante tea a, adekorɔ no a wahunu a wɔnte ho gyae no, saa adeɛ no ara bema no agyae. Yei kyerɛ sɛ, sɛ ɛyɛ ayɔnkogoro, korɔno, nsekuro, ne deɛ ɛkeka ho a, saa suban ne nneyɛɛ no so nsunsuansoɔ no ara bema no agyae saa esu no mu ato ho a ɔnko ho bio.



#### **4.1.4 Mmɔfra ne ɔsom**


Sarpong (1974), sɛ ɛsɛ sɛ abɔfra yɛ krado sɛ ɔbeyɛ somakorɔ bere a ɔntwentwen ne nan ase. Akanfoɔ asetena mu ne wɔn nhyehyɛɛ mu no, abɔfra adwuma baako a ɔyɛ ne sɛ ɔbesom mpanimfoɔ. Saa asem yi twe adwene si CMT adwenemusem a ɛkyerɛ sɛdeɛ yede biribi gyinahɔma nneɛma a ɛko so wɔ amammerɛ mu. Akanfoɔ amammerɛ mu no mmɔfra dwumadie dodoɔ no ara yɛ ɔsom. Na ɔpanin soma abɔfra nso a, ɔrehwehwe sɛ abɔfra no de ahokeka na ɛbekorɔ na wakɔ aba ntem so. Abɔfra te ho na sɛ ɔpanin ko nsuo yɛ efie adwuma ahodoɔ a, ɛnka asem papa biara mfa wɔn baanu ho.



### ***10. Obi nsoma abɔfra na ɔnhwe n'ani akyi***

Mmɔfra pii mpe soma enkanka se ɔredi agoro na wafre no afiri ne mfefoo mu se woressoma no. Agodie ne asikan nti, eto da a, wosoma abɔfra a na wamuna a se wohwe n'anim a wobema no agyae. Yei nti mpanin se, wosoma akwadaa nhwe n'ani akyi. Yeka muna a, adwene a eda adi ne abufuo. Yei kyere se wosoma abɔfra a, ne bo tumi fu wo, ne saa nti ekwan a obefa so ada n'abufuo adi ne muna a ekwere se omfoa dee woreye no so.

Wode nipa ani akyi a amoamoa gyina ho ma tebea a abɔfra no wo mu saa bere no esiane soma no nti. Obi ani akyi moamoa a, eyi n'ahoofe ne anigye firi ho. Sedee ebeye na woahunu tebea abɔfra no wo mu esiane soma no nti na wode n'ani akyi no rekyere wo. Saa adwene a ewo Akanfoo tirim se abɔfra adwuma ne osom no nti, wonhwe n'anim mpo na woahunu ne tebea a wowo mu.



### ***11. Abɔfra ketewa bi te fi kɛsee bi mu a, ma no due na wahunu amane.***

Abɔfra a ɔte efie a onono nko ara ne abɔfra a ɔwo ho no, asem na ato efiri se, onono ara na efie ho adwuma ne soma nyinaa gu ne so. Saa abɔfra no nso ye adwuma ma no boro n'ahooden so. Yei foa asem a madi kan aka se abɔfra dwuma a odi no efie ne osom no so. Na ekwere se adwuma a ewo efie ho a eye mmɔfra adwuma biara onono nko na obeye ne nyinaa.

### **12. Abɔfra a ɔye somakorɔ na ɔdi n'abodwodee**

Yɛadi kan ahunu sɛ abɔfra adwuma titire a ɔdi wɔ efie ne sɛ ɔbesom. Ne saa nti sɛ abɔfra bi te fie na ɔmpɛ sɛ ɔsom a, wɔbu no ɔkwadwofoɔ a ɔmpɛ berɛ. Esiane saa adwene yi nti, abɔfra bi wɔ ho na ɔmpɛ soma a, n'awofoɔ mpo reyɛ adee ama no a, na eyɛ wɔn ya, nanso sɛ ɔpɛ ɔsom na ɔye soma korɔ a, adee a ɔpɛ biara sɛ ɔbisa no awofoɔ no wɔ bi nko ara dea, wɔde ma no. Yei nti na mpanin sɛ **“abɔfra a ɔye somakorɔ no, ɔdi n'abodwodee”**.

Adeɛ a onipa benya na n'ani agye wɔ abrabɔ mu na n'akoma atɔ ne yam no yɛ abodwodeɛ. Yei kyere sɛ, onipa benya dibeɛ, tumi anaa adeɛ bi a n'ani bɛgye ho wɔ abrabɔ mu a, na ɛgyina ɔsom a wɔde bɛsom ne mpanimfoɔ ne ahokeka a wɔde bedi saa dwuma no. Deɛ ɔmanfoɔ hwɛhwɛ na wɔgye tom fa mmɔfra ho ne sɛ wɔbeye somakorɔ na wɔde anigyɛɛ bedi saa dwuma no a enye ɔhyɛ so anaase anwiinwii biara nni mu.



### **13. Wodi wo nananom amamfo so ni a, wɔgya wo awunyadeɛ**

Akora Maafo a ɔye wɔn a me ne wɔn twetwee nkɔmmɔ no mu baako sɛ amamfo so yɛ beaɛɛ a nnipa bi atena ho pɛn, na ɛnam atukɔtena anaa atoyerenkyem bi nti, ɔbiara nte ho bio. Saa beaɛɛ yi ɔsɛ wɔkɔ ho a, wotae hunu nneema a ɛdi adanseɛ sɛ ɔdasani atena ho pɛn. ɛtumi yɛ atakwame adan a abubu na ɛbi nso ahonhono ama aka adan no fapem no ne afasini. ɛtɔ da nso a mpapadan abubu aguo ɛbi nso konkɔn ho a, wodi agorɔ a ɛbedwiri agu wo so. Nneema ɛda adi ma wohunu sɛ ɔdasani atena ho pɛn no bi tumi yɛ nneemago ahodoɔ- ntoma a tintim fam ama aporɔporɔ, ayewa ne nhina ahodoɔ a abobɔ tintim fam, adwinie ahodoɔ a ɛwowɔ ho ma wohunu sɛ nnipa atena saa beaɛɛ yi so pɛn. Nnoɔma

ahodoɔ ne adwinnie no mpo ɛduru mmere bi a, ɛma wohunu nnipakuo anaa abusua na wote saa beaɛ ho.

Saa beaɛ yi na esiane se, nnipa atena ho pen na kane tete no, na wode sika ne agudeɛ ahodoɔ sie fam, ne abodan mu nti, woye se woeresiesie ho na wadi ho ni a, ebetumi aba se, wobeko akopue agudeɛ anaase agyapadeɛ bi so ama wabrabo asesa. Yei nti ne abebuɔ se *Wodi wo nananom amamfo so ni a, wɔgya wo awunyadeɛ* no.

Wode saa adwen yi gyinahoma se, onipa biara a ope osom no, akyedeɛ remmo no. Etumi ye honam mu nneema, osuahunu a wode bebo ne bra ena afei nimdee ne nyansa a obefa no wo mpanin ano. Esiane se, wobu panin na wosom won yie nti no, woka mpaninsem kyere no, gyina won suahunu ahodoɔ a wanya no wo abrabo mu no so de tu no fo ma no gyina so de bo ne bra. Saa adwene yei na Akanfoɔ wo fa mmofra ho se wobesom na wadi won mpanimfoɔ ni.

#### **4.1.5 Mmofra Ye Asuasua**

Yeka nnipakuo a wosuasua afoforo su ne won ban a wonnwen eso nsunsuansoo a ede bebere won a na eye mmofra. Wonnwene mpo mmisa dee nti a nipa no reye dee oreye no. Eye ne fe nko ara dee a obesua aka ne suban ho. CMT adwenenusem ka se, nneema atwa yen ho ahyia asetena mu a yetumi de yen ani hunu ne nea yeanya suahunu wo mu, yetumi gyina so nya nneema adwene mu nteasee. Yei nti Akanfoɔ tea mmofra bere a wobehunu se woresua biribi a emmoa won awieeɛ. Woda saa adwene yi wo mme a edidi soo yi mu:

14. *Aduane a abɔfra ammeto wɔ ne na bukyia so no, ɔkyiri*

CMT adwenemusem se, adwene a yewɔ fa biribi ho ne amammerɛ mu ne yen mpɔtamumu tumi ma yetwe adwene si biribi so. Mmɔfra ye nnipa bi a, wɔsua adeɛ bere a wɔresuasua afoforɔ nneyɛɛɛ, papa oo, bɔne oo, obi ayɛ a eyɛ no fɛ no nko ara deɛ ɔbesua. Bukyia ye adeɛ a Akanfoɔ sɔ gya wɔ mu de noa wɔn nnuane ahodoɔ. Abɔfra biara nso benyini ama ne ho ayɛ fɛ ayɛ akɔnnɔ a na ɛgyina n’adidie so. Ne saa nti aduane a ɔbedi na asiesie no ama no anya apɔmuden papa na awofoɔ, abusua ne ɔman foa so ma no di. Aduane a enye mma mmɔfra apɔmuden no, wɔnnoa no wɔ efie mpo na ayɛ no akɔnnɔ.


Ɛha Akanfoɔ de bukyia gyina ho ma awofoɔ a woretete mma na aduane a wɔnoa wɔ so no nso ayɛ ntetee pa a wɔde ma mmɔfra no. Maame Fremɔmaa a ɔye wɔn a me ne wɔn twetwee nkɔmmɔ no kaa se, suban ne ntetee a abusua ne efie a abɔfra bi firm nnye ntom no, wɔmfa ntete no. Esiane se emmoa mma no nni mu na n’anim mma nyam. Ɛno nso nti ɔkafa suban bi a anaa kasa bi a wɔnka wɔ abusua no mu ba ntem pa ara wɔtea no ma no hunu se ɔkyi saa aduane no a wɔakɔdi a ɔde bi reba fie no.

Esiane se Akanfoɔ wɔ gyidie bi se wɔn mma na ebidi wɔn adeɛ ama wɔn ase atim nti, wɔde ntetee pa ne nneema a wɔgyetom a wɔpe se mmɔfra no sua na wɔde gya nkyirimma na ewura wɔn mu. Ne saa nti se abɔfra bi da suban bi adi na se wɔsusu se wɔsua firii baabi a, wɔka se “*aduane a woammeto no wo na bukyia so no wokyiri*” kyere se saa suban yi deɛ woansua no wɔ efie ha na yennyɛ ntom.

**15. Kyere me wo yɔnko na menkyere wo wo suban**

Nnipa biara a wɔtu anamɔn bɔ mu no, wɔtaa fa suban baako. Wɔn anamɔntuo, wɔn kasa, wɔn nneyɛɛ nyinaa tumi bɛsɛ. Nnipa a me ne wɔn twetwee nkɔmmɔ no bi kyere sɛ, esiane ne sɛ mmɔfra yɛ asuasua no nti, na abusua/ ɔman biara mpe sɛ mmɔfra a wɔfri ho bɛgu wɔn animase nti wɔn ani ku nnamfonom a wɔn mma ne wɔn di agoro ho yie. Yei nyinaa yɛ adeɛ a wɔyɛ de si suban bɔne a mmɔfra bɛtumi asua na wɔde animguasɛɛ abere abusua ano.

Saa asem yi foa asem a Gyekye (1995) ne Appiah-Sekyere (2018) aka afa mmɔfra ntetɛ ho sɛ ɛyɛ kwasafɔ adeɛ no so. Esiane sɛ, abusua biara bɔ mmɔden sɛ ne ba ɛna suban bɔne biara adi.



Saa ɛbɛ yi mu no, Akanfoɔ de ɔyɔnko a obi fa no gyina ho ma saa onipa no. Adwene biara a nnipa wɔ fa saa adamfoɔ no ho no, wɔde gyina ho ma onipa no. Yei nti Akanfoɔ hwɛ sɛ wɔn mmɔfra bɛfa adamfoɔ a ne ho nni asem.

**16. Obi nkyere ɔkɔmfɔ ba akɔm**

Yɛadi kan aka sɛ mmɔfra yɛ asuasua wɔsua adeɛ firi nnipa a wɔ ne wɔn di ahyia ho. Nneema pii na ɛkɔ so wɔ akɔm mu; ntwareho, hyireguo, podua kuta, mmoatia ne ahonhom ahodoɔ kasa a obiara nte asɛɛ a akɔmfɔ no ka ne deɛ ekeka ho. Akora Maafɔ

se ne nyinaa okomfoɔ ba no hunu esiane se oben ne se na osua nso. Nti se bere bi duru na abofra nonso hye asee se orekom a, na onim deɛ orewe.

Akanfoɔ de saa *akom* yi gyina ho ma suban ahodoɔ a mpanimfoɔ da adi wo efie a won mma nso sua. Suban nketenkete ntoro, nkankansa, apoobo, nnaadaa, asisie ne suban ahodoɔ a mpanimfoɔ da no adi de tete won ho a wonnim se mmofra nso sua. Nti se abofra bi da awofoo ne ahwefoɔ bi suban adi a deɛ nnipa ka ne se; *obi nkyere okomfoɔ ba akom* osua firii ne se ho

#### **4.1.6 Mmofra fa won awofoo su**


Mpanin se; okoto nwo anomaa, saa ara nso na obi nnua borodeɛ nkotwa kwadu. Abofra biara fa n'awofoo su de ka ono ankasa ne su ne ne ban a ode baa ewiase ho. Akanfoɔ wo gyidie se agya sunsum ne ena mmogya na eka bom ma onipa ye onipa (Prempeh 2002). Esiane saa gyidie yi nti, adeɛ biara a abofra bi da no adi no, wosusu se ofa firii ena anaase agya nkyen. Saa adwene yi gyina CMT adwenemusem no baabi a ema yehunu se nneema a atwa yen ho ahyia a yede yen ani hunu ne nneema a yenya mu suahunu no, yetumi de gyina so nya biribi ho nteaseɛ. Akanfoɔ ada saa adwene yi wo mme a edidi soɔ yi mu.

#### **17. *Abofra anse oni a, ose ose***

Mmofra suban dodoɔ no ara gyina awofoo su ne won ban so. Esiane se awofoo- ena ne agya na wokabom nyinsen wo oba nti, nneema nyinaa di adanseɛ se obese won mu baako. Se oye obaa a mpo a, otumi kose ne papa ma w'ani bo ne so pe wotumi bisa se asomasi anaa obenten ba ne wo? Eto da a, ne nantee, ne kasa ne ne nneyee nyinaa se awofoo no

mu baako. Saa ara na suban a ewo awofoo no ho a woda no adi wo efie no, mmofra da saa su no adi. Eto da mpo a, nye suban bi a woda no adi ma obiara hunu nanso esiane se eye mogya mu asem nti abofra no nso tumi fa saa suban no.

Akanfoo de ...oni....ose...gyina ho ma suban ne nneyee a onipa bi da no adi ho. Wamfa ne maame fiefo suban a obefa ne papa fie dee. Saa adwene yi nti, Akanfoo tumi gyina adwene a wowo fa awofoo no abusua ho gyina so de ntete ma mma mmofra. Ne saa nti suban a wosusu se enye wo abusua no ho no, wosi ano kwan bo mmoden se abofra no mfa bi.



Suban no bi wo ho na eye suban a awofoo no daa no adi wo won mmofra berem a na won mma no mpo nni wiase, nanso wotumi beda saa suban no adi. Dodo no ara nso, eto da enye awofoo no ankasa suban patee na mmom abusua ne nton a saa awofoo yi firi mu no, won su ne won ban na won mmofra nso da no adi. Yei nti obi hunu saa suban yi wo ne ho a, otumi kyere efie koroo a saa abofra no firi mu.

Esiane saa adwene yi nti Akanfoo tumi gyina abusua bi abakosem ne emu nnipa su ne won ban so tete won mma. Saa adwene yi mpo tumi nya nsunsuansoo wo won awaree so. Na ekyere se Akanfoo wo adwene se mmofra suban a woda no adi no bi firi won awofoo nkyen. Wotumi ka se, "Asemasi ba ne no dee a, orentumi nye saa".

### **18. *Ɔbaa kɔ awareɛ a ɔde ne na na ɛkɔ***

Saa asem yi gyina adwene a Akanfoɔ wɔ fa awofɔɔ ho nti wɔde wɔn gyina ho ma wɔn mma so. Sedee CMT ka no, nneɛma a atwa yen ho ahyia asetenamɔ a yetumi de yen ani hunu ne nea yɛnya suahunu wɔ mu no yetumi gyina so nya biribi mu nteasee. Saa ɛbe yi nso yɛ ɛbe a ɛde awofɔɔ ne abusua suban a wɔda no adi wɔ ɛfie a wɔn mmɔfra sua de bɔ wɔn bra. Agya no yɛ sadweam anaase ɔye obi a da biara na ɔsi ne yere so tuutuu reboro no a, ne mma mmarima no nso sua de kɔ awareɛ mu. Saa ara nso na sɛ ɔbaa no nso yɛ obi a ɔmmu adee a ɔmfa ne kunu nyɛ hwee a, ne ba baa nso sua. Ɛkwan korɔ no ara so no, sɛ ɔbaa no yɛ berefoɔ a ɔde nsi yɛ n'adee a ɔnnan ne kunu ansa na watumi anya birirbi a, ne mma sua de kɔbɔ wɔn bra.



### **19. *Ɔkɔtɔ nwo anomaa***

Ɔdomankoma bɔɔ adee no, ne nyansa ne ne nimdee mu no, adee biara a ɛwɔ nkwa a ɛtumi dɔre biara no, de ne sɛsoɔ na ɛba. Ne saa nti, nnua ahodoɔ de wɔn nsesoɔ na ɛba, mmoadoma ahodoɔ nso wo wɔn nsesoɔ. Saa ara nso na onipa nso wo a, ɔwo ne nsesoɔ (ɔbaa anaase ɔbarima). Saa abɔfra a waba ewiase yi, fa ne na anaase ngya suban. Ɔtumi mpo ka wɔn baanu no suban bi.

Akanfoɔ de ɔkɔtɔ a sɛ ɔrewo ama n'ase adɔre a ɔnkɔwo anomaa no gyina ho ma nnipa a sɛ ɔde ntetee rema obi a dee ɛwɔ ne mu no bi na ɔde bema no. Adwene yi nti, mmɔfra ntetee mu no, esiane sɛ Akanman no yɛ kwasafɔ dee nti no, wɔhwe sɛ suban a ɛwɔ wɔn a wɔde mmɔfra ahyɛ wɔn nsa no, mmɔfra nsua wɔn su ne wɔn ban a enye no bi.



#### 4.1.7 Mmofra Adwenemu Nna Mpan

CMT adwenemusem kyere se yetumi gyina atenka ne nneema a eko so wo amammeru mu ma yetumi twe adwene si biribi so. Mpe pii no, nnipa binom dwene se, mmofra dee wonnim nyansa. Woye akwadaa a woagyimi. Akanfo mme binom wo ho a eda adi ma yehunu se nye nokware se mmofra adwene mu da mpan a wonnim nyansa. Wonnim biri bi. Mme ahodo a ewo asee yi da no adi se Akanfo nim se mmofra adwene mu nna mpan na mmom wonnim birirbi. Saa adee no nso, nye obiara na okyere won na mmom wowo abosuo a eboa won ma wosua adee a, won ankasa koraa won ani nna so.

#### 20. *Abofra hunu ne nsa hohoro a one mpanimfo na edidi.*

Akanman mu, mpen pii no, se eberu so se worededidi a, mmofra no nyinaa didi adee baako mu, na mpanimfo no nso adi won dee wo baako mu. Mmofra mfa ntere nnidi na mmom won nsa nti ese se wohohoro won nsa ansa na wadidi. Mmofra nso ye nnipakuo bi a wodi agoro wo fam de won nsa keka atantannee ahodo a ne saa nti ese se wohohoro ne nsa yie pa ara. Nanso esiane agoro ne ntem pe nti, wode won nsa nu nsuo mu a, na won na woresene no. Eto da mpo a, wanhohoro na won nsa sim. Ne saa nti, awofu kyere won hia a ehia se wobehohoro won nsa ne se dee yehohoro no. Saa ebe yi gyina ho ma do a mmofra adwene mu nno nti mpanimfo mfre won wo asennie ne mpanin nkommobi mu. Nanso se eberu bi duru na se ohye asee se oredan suban ne nneyee bi a ekyere se n'adwene mu abue na ohunu n'ano kora a, mpanimfo hyia a wofre no ma no bedi asem no bi.

Yei kyere se, se abofra bi duru bere bi na se otumi te ne ho firi mmofrasem ho na oye n'adee se n'ani ate na se n'ano yeduru, wodwene mpanindwene a, mpanimfoɔ tumi to won nsa fre no ne no fa adwene. Eto da a, esiane ahennie ne tumidie bi a eben abofra bi nti, mpanimfoɔ hyeda tete saa abofra no kyere no se dee ontu n'namon mfa. Yei nti se saa abofra yi tumi di dee wasua no so na woye dee ehia a, mpanin hyia a, woto nsa fre no. Na ekyere se, abofra duru gynabea bi a, wommu no abofra onim nyansa bio.

### **21. Abofra nnim adwaree koraa na enye n'afuru so**

Asem a yetae tee ne se, mmofra nnim hwee, wonnim nyansa. Saa asem yi taa ma yebu mmofra nimdee a wowo fa biribi no animtia. Emma awofoo ne ahwefoo tae ye nneema pii boa mmofra wo won nyini mu. Saa adwene yi na Akanfoo de abebuo yi da no adi se, nte saa na mmofra nso wo adwene fa biribi ho, na mmom ye na worentumi nye mma no nwie peye te se opanin dee. Yei nti mpanin se, ***Abofra nnim adwaree koraa na enye n'afuru so.***

Akanfoo de abofra afuru so adwaree no gyina ho ma nimdee ne osuahunu a wowo fa abrabo ho. Yei kyere se, mmofra adwene mu nna mpan nti se wope se wode ntete bi ma mmofra a, wobetumi agyina saa nimdee no so de atete won.

Yehwe abofra a ono ankasa redware a, yetumi ka se onnim adwaree. Ewo mu se ode sapo no nene ne ho dee, nanso otumi dware n'afuru so saa ara ma no fi na afei ode sapo no afa ne tirim kakra na wawie. Yei kyere se, ewom se ontumi nnware se dee ese se oye dee, nanso owo ho adwene.

Na ekyere se, adee biara a, abofra bi ye no, owɔ ho adwene a mpanimfoɔ betumi agyina so de ho nimdee ne ntete ama no na wadi mu. Ne saa nti Akanfoɔ hunu mmofra se wonye nnipa a won adwene mu da mpan na mmom wɔwɔ nimdee a wobetumi aye biribi na owɔ ɔpe nso se wɔbesua dee mpanimfoɔ ye.

## 22. *Obi nkyere akwadaa Nyame*

Akanfoɔ wɔ gyidie se Nyame bi wɔ ho a owɔ soro a tumi nyinaa kura no. Saa Nyame yi Akanfoɔ wɔ edin ahodoɔ a wode fre no- Nyankopɔn, Otwereduampɔn, Awurade ne dee ekeka ho. Asem biara a wɔka no, Onyankopɔn din pue mu se ebia *Awurade mawu, Nyame meda wo ase, Nyankopɔn kyere wo tumi, Nyame adi me ho afoofi ...* ne dee ekeka ho. Abofra no tie na ɔrete se mpanimfoɔ bobo Nyame din kasa no eto won adwene mu ma wosua. Yei kyere se, abofra wɔ bobea a wo won mu a ema wotumi sua adee bere a obiara nkyere won.



Mpanimfoɔ a mene won kasaeɛ no mu bi kyere se, abofra yewo abofra to ho, n'akyi na hwe fam na n'anim hwe soro, ne saa nti da biara ɔto n'ani a ohunu soro na ohunu se Nyame wɔ ho. Wose mmofra sua, na wonhunuu kasa a, wohunu ahonhom, ne saa nti nye obi na okyere no se Nyame bi wɔ ho. Akanfoɔ de saa ebe yi gyina ho ma nimdee a mmofra wɔ se biribi wɔ won mu wotumi de sua adee bere a obiara nkyere won.

Saa asem yi di adanseɛ se mmofra adwene mu nna mpan sedee ebinom dwene no, na mmom Akanfoɔ dwene ne se woanhye da ankyere abofra no adee bi ho nimdee mpo a, owɔ bobea a eboa no ma no sua enam faako a owɔ ne nneema a atwa ne ho ahyia no.

Wɔkyerɛ sɛ yɛwɔ abɔfra a, nye obi na ɔkakyerɛ no sɛ ɔmfa n'ano nnidi, nanso, sɛ ɛkɔm de no na sɛ ɔsu ara na obiara amfii no a, wobekɔ na ne nsa hyɛ n'anom na wada. Yɛwɔ abɔfra ngɛɛ a, da no ara ne maame ma no nofoɔ anaa nsuo a ɔnom gyae suu. Yeinom nyinaa yɛ nsem a ɛdi adanseɛ sɛ mmɔfra nim biribi wɔ wɔn tirim.

#### **4.1.8 Mmɔfra Hia Atenetene**

Akanfoɔ amammerɛ mu no, sɛdɛɛ CMT da no adi sɛ nneyɛɛ ɛkɔ so wɔ amammerɛ mu no, yetumi dwene ho twe adwene si so. Abɔfra biara hia sɛ wɔbɛtenetene no wɔ n'asetena mu, Akanfoɔ adwene a ɛfa mmɔfra ho baako nie. Na wɔda no adi wɔ mme yi mu;

#### ***23. Abɔfra te sɛ borɔdedwo, woankusa a, ɛhye***

Borɔdedwo yɛ borɔdɛɛ a yatoto. Sɛ wɔbɛtoto borɔdɛɛ ama no ayɛ fɛ ayɛ akɔnɔ a, gye sɛ wonya adaagye, gye akonwa tena ho danedane no kusa, na baabi ahye no wo hwa ansa na ayɛ kama. Ɛto da mpo a, gye sɛ wode **sekan** bobɔ ho ma kam bi bɛdeda ho ansa na ne bene no awie pɛyɛ na ayɛ akɔnɔ. Saa ara na Akanfoɔ hunu mmɔfra sɛ wɔ tɛɛ. Wode borɔdɛɛ a ɛda gya so a wɔretoto gyina ho ma abɔfra wɔretenetene no. Wɔhunu no sɛ sɛ wope sɛ woba dan esu pa bi adi a ɛkyerɛ sɛ ɔfiri ɛfie pa mu, gye sɛ wonya ne ho adaagye kyere no dɛɛ ɛsɛ sɛ woyɛ ne dɛɛ ɛnni kwan sɛ ɔyɛ.

Ɛduru mmerɛ bi na sɛ, w'ani firi ne so kakraa bi na sɛ ɔfa suban bi a w'ani nnye ho a, wɔ tea no, twe n'aso ma no hunu sɛ dɛɛ ɔreyɛ no mmoa no, wonya ne ho adaagye kyere no dɛɛ ɛsɛ sɛ woyɛ ne dɛɛ ɛnni kwan sɛ ɔyɛ. Ɛto da mpo a, obi tumi twe abɔfra no aso ma no nya kam sɛ berɛ biara a ɔbɛhunu no, ɔde bekae adeɛ a ɔyɛɛɛ a ɔnyaa saa kam no na wansane ankoyɛ bio.

**24. *Agya adee merefa, ena adee merefa na wadane korɔmfɔ.***

Abɔfra biara nim sɛ n'awofɔɔ nnɔɔma yɛ ne dea. Ne saa nti sɛ adee da hɔ na n'ani bɔ so na ɔpɛ nko ara deɛ a, ɛsɛ sɛ ɔfa. Saa esu yi na sɛ wɔantea no a, ɔde duru abɔntene a na adane no korɔnobɔ. Abɔfra bi kuta adee na wobisa no sɛ hwan na ɔde maa no a, ɔsɛ ne maame dea, ne papa dea. ɔtumi ka sɛ, asomasi anaa ɔbenten dea. Na ɛkyere sɛ nyɛ obi ara na ɔde maa no mmom ɔno ara na ɔde ne pɛ afa.

Saa ahweyie yi na mpanimfɔɔ hia a ɛsɛ sɛ wɔde hwe mmɔfra ntetɛ. Abɔfra bi wɔ hɔ asem biara ɔbeka bi, sɛ ɛfa ne ho anaase mfa ne ho ɔbeka bi, ɔde saa ara na wadane ɔsekufɔɔ. Nkɔnkɔnsa sa ara na ɔrekeka nnipa ti bobom. Mpanimfɔɔ nkɔmmɔ na n'ano ato mu. Sɛ awofɔɔ fa no sɛ nyɛ hwee a, ɛbedane suban bɔne ma abɔfra no.

Nkɔmmɔtwetwee a me ne nnipa binom twetwee no mu no, ɛbɛpue mu sɛ ɛwom sɛ mmɔfra yɛ bɔne a Akanfɔɔ twe won aso deɛ nanso nyɛ mmere nyinaa na ɛte saa esiane sɛ, ebi wɔ hɔ na ɛyɛ mfomsoɔ na nyɛ boapayɛ. CMT nhyehyɛɛ mu no, nnɔɔma yɛde yɛn ani hunu ne nneɛma a twa yɛn ho ahyi wɔ asetena mu a yɛanya osuahunu wɔ mu no yɛtumi gyina so nya biribi ho nteasee. Yei nti Akanfɔɔ gyina saa adwene yi so hunu sɛ ɛto da a bɔne a mmɔfra yɛ no ebi nyɛ boapayɛ na mmom ɛyɛ mfomsoɔ. Wɔda saa adwene yi adi wɔ mme ahodoɔ yi mu de gyina hɔ ma mfomsoɔ mmɔfra yɛ wɔ asetena mu;

**25. *Abɔfra a wɔkɔ asuo na ɔbɔ ahina***


Ahina yɛ adee a yɛde kɔ nsuo a wɔde ntwoma na anwon. Wɔto no wɔ fononoo mu ma no bɛn yɛ dendenden. Sɛ woansɔ mu yie na ɛgye firi wo nsa mu hwe hɔ a, ɛbɔ. Akanman mu no, mmaa ne mmɔfra na wɔkɔ asuo, ne titire pa ara ne mmɔfra. Wɔde ahina yi gyina hɔ

ma adee a esom bo a enam so ma obi nya ahoto na n'ani gye wo abrabo mu. Abofra a oye soma koro a ope nsuko no, ono ara na mfomsoo bi besi ama ahina a ode rekoo nsuo no abo wo ne nsam.

Saa adwen koro yi ara na Akanfoo gyina so se, abofra a bere biara a wohia no ama no adi dwuma bi ama wo a, wonya no no, ono ara na eto da a oye mfomsoo ma adekoro no see.

Ne saa nti nye bere nyinaa na abofra ye bone a wode asotwe ma no.

**26. Panin na obi nyee bi da na enye abofra.**


Dpanin biara wo nkwadaa bere mu suahunu nti onim na ote ase se nye asotwe a mpanimfoo de maa won no nyinaa na na eho hia esiane ne se bone a wonyaa ho asotwee no wcanhyeda na mmom eye mfomsoo. Wobu saa ebe yi de foa saa asem yi so see se, dee abofra no aye no, won nso aye bi pen. Na ekyere se adee biara a mmofra nam mu, na woye no, awofoo ne ahwefoo nso afa saa tebea no mu pen. Yei ye adwene a wode to mpanin tirim se, abofra dee, edane se boo mpo a, obeye mfomsoo.

**27. Wosoma abofra a, wo nan mu na edwo wo na wo ho dee ennwo wo.**

Abofra biara wo efie a soma ara na yesoma no. mpen pii no adee da opanin nan ho koraa na orefre abofra ama wabefa ama no. Opanin bi rekodi dwuma bi na n'ani aha a, onya abofra bi soma no a, na ne ho adwo no. Mmere a abofra no beko de kosi se obeba no, nipa koro ho nto no, ne titire ne se enye ono ara ne yam ba.

Mmɔfra nso pɛ agorɔ nti, etumi ba sɛ ɔgyina baabi redi agorɔ a ne wereɛ mpo afi ne ho sɛ ɔpanin bi mpo asoma no. Eto da nso mpo a, ne wereɛ tumi fi ade korɔ a yeasoma no sɛ onkɔye anaase adeɛ a yede asoma no no tumi yera anaase etumi sɛɛ. Yei nyinaa ye mfomsoɔ a mmɔfra tumi ye a etwa sɛ mpanimfoɔ te won ase.

Adwene yei na mpanimfoɔ ahunu wɔ sɛ mfomsoɔ wɔ mmɔfra ho, nti mfa wasenhia nsoma abɔfra. Ekwan a ɔbefa so akɔka asem a wode asoma no, sɛ adeɛ no beduru anaase ennuru nyinaa bedane dadwene to nipa so. Dee wɔpɛ sɛ wɔka ara ne sɛ, esiane sɛ mfomsoɔ wɔ mmɔfra ho nti, woma no di dwuma bi ma wo a, kɔsi sɛ ɔbewie no, wonni ahotɔ.



### **28. *Obi nsoma abɔfra na womfa ne ho abufuo***

Yeadi kan ahunu sɛ mmɔfra ye nneema pii a sɛda won adi sɛ mfomsoɔ wɔ won ho, na dwuma titire a wɔdi wɔ efie ne ɔsom. Ne saa nti, abɔfra som wo na sɛ mfomsoɔ ba ho a, womfa ne ho abufuo. Adeɛ biara a ebefiri ɔsom no mu aba no, wofa no saa ara, na wakyere no dee bere foforɔ esɛ ɔye. Ebetumi aba sɛ, abɔfra no akɔdi agorɔ akɔkyɛ, dee wokaa sɛ ɔnye no wanye no wakɔye ade foforɔ. Eduru mmere bi nso a, mpanimfoɔ tumi ma mmɔfra ye adeɛ a eboro won ahooɔden so, esiane sɛ wɔsua nti, wontumi nye no te sɛ dee anka ɔpanin beyɛ no. Saa nsem yi nyinaa na mpanin ama yɛahunu sɛ mmɔfra ye nipakuo a mfomsoɔ pii wɔ won ho, nti yenya won ho abotare.

Yɛadi kan aka sɛ, Akanfoɔ wɔ adwenen sɛ abɔfra yɛ bɔne a, yɛtwe n'aso. Yɛasan nso ahunu sɛ mfomsoɔ bata mmɔfra ho nti ɛduru mmɛrɛ bi a ɛsɛ sɛ mpanimfoɔ dwene ma mmɔfra. Yɛinom nyinaa mu no, Akanfoɔ san wɔ adwene sɛ, mfosoɔ a mmɔfra yɛ no, mpanimfoɔ nso tumi yɛ saa mfomsoɔ no bi. CMT adwenemusem kyere sɛ adwene a yɛwɔ fa biribi ho no yede gyina ho ma yete biribi foforo ase. Mmɛ a edidi soɔ yi gyina ho ma nneema mpanin ne mmɔfra nyinaa tumi yɛ a ɛno nti mmɔfra yɛ nni kwan sɛ mpanimfoɔ de asotwe ma won. Wɔda no adi wɔ ɛbɛ a ɛdidi soɔ yi mu:

***29. Mmɔfra nkɔtu a, wɔanhunu tu; mpanyin nkɔtu a, wɔatiatia so.***

Nnipa a me ne won kasaeɛ no baako kyere sɛ, emire bi wɔ ho a wɔfrɛ no mpempena, efifi wɔ kookoo ase anaa sɛ petee mu. Efifi nso a, efifi bom bebreɛ. Eye nketenkete woso mu a, ɛto da enye yie. Esiane sɛ ɛbom bebreɛ a ɛsan nso yɛ nketekete nti, mpanyi retutu a na wɔretiatia so sɛe no. Enye sɛ wahye da na mmom baabi ara wɔde won nan besi no na asi mmire yi bi so. Saa mmire koro yi ara, woka sɛ mmɔfra deɛ won nan susua sɛ wɔbetiatia so nti wonkɔtutu mmera a wonhunu tutu na wɔretete so sɛe no.

Wɔsɛ yɛi kyere sɛ abɔfra yɛ bɔne anaa mfomsoɔ, nye bere nyinaa na yɛtwe n'aso na mmom yɛtwe no bata yen ho tu no fo nya no kasakyere. Mfomsoɔ bi wɔ ho a, mpanin yɛ na saa ara nso na mmɔfra nso betumi aye mfomsoɔ koro yi ara bi. Ne saa nti ɛho nhia sɛ wɔbetwe n'aso pii. Saa adwene yi na Akanfoɔ wɔ a sɛ wanhwe yie a wɔbeka sɛ awofoo bi yɛ abahye bɔne a wɔnnim mma tea. Sɛ deɛ abɔfra betumi ako asuo na wahunti ama n'ahina ahwe fam abɔ no, saa ara nso na ɔpanin nso betumi ahunti ama n'ahina ahwe fam abɔ.



#### 4.1.9 Mmɔfra pɛ akorɔkorɔ

Akora baako a me ne no twetwee nkɔmmɔ asem baako a ɔkaaɛ ne sɛ adeɛ baako a ɛma mmɔfra da sononko wɔ nnipa mu ne wɔn tirimude wɔdie. CMT adwenemusem se atenkɔ a obi nya wɔ ne nipadua mu ne amammerɛ mu nneyɛɛ ɛkɔ so tumi twe adwen si biribi so. Akanfoɔ de adwene a wɔwɔ fa adehyɛɛ ho no gyina ho ma abɔfra, sedɛɛ a ɔdehyɛɛ bɛdi abakomasɛm no saa ara mmɔfra yɛ. Abɔfra biara tirim yɛ ne dɛ a ɔpɛ sɛ bere biara mpanimfoɔ korɔkorɔ no. Ɔpanin bi wɔ ɛfiɛ na sɛ ɔtumi korɔkorɔ mmɔfra a wɔwɔ ho a, mmere biara na mmɔfra atwa ne ho ahyia na wɔsoma wɔn nso a wɔde ahokeka na ɛkorɔ. Wɔrekamfo wɔn na worebɔ wɔn aba so a, ɛma wɔn ani gye na wɔnwiinwii wɔ ɔsom a wɔsom mpanimfoɔ no ho.



Obiara a ɔhunu mmɔfra yɛ no, ɔnya wɔn so mfasoɔ. Abɔfra pɛ sɛ bere biara wokorɔkorɔ no. mpo soma na wobesoma no a, gye sɛ wokorɔkorɔ no defedɛfɛ no ansa na wakɔ. Abɔfra bi di nsemɔne na worehwehwe nokorɛ afiri ne nkyen na ɔnka a, wokorɔkorɔ no a, ne tirim yɛ ne dɛ ma ɔka. Yei nti ɛto da a, wɔtea abɔfra no kakra a na wɔakorɔkorɔ no kakra.

#### *30. Ɔhene ba ne dɛɛ ne papa te ase*

Adwene baako a Akanfoɔ wɔ fa mmɔfra ho ne wɔn tirimude a wɔdie nkanka ne mmɔfra a wɔte wɔn awofɔɔ nkyɛn. Ɔhene yɛ ɔbarima a ɔyɛ ɔdehyɛɛ a ɔte ahemfo adwa so. Yɛba Abibiman mu a, ahemfo na wɔkuta tumi- wɔn na wɔka sɛ empunu na apunu. Ne manfoɔ dan no, ɔhwe sɛ kuro no betumpɔn akɔ nkan. Yɛn amammerɛ mu no, ɔhene ne nipa titire a ɔwɔ ɔman no mu, mpo adwabɔ ase no, afadɛɛ a ɔde dura ne ho no da sononko koraa. Sɛ

ne manfoɔ hia biri bi a, ɔno na wɔkɔbisa no. Ɔman anaa kuro bi wɔ ho a ɔhene nni so a, na kuro no aye se agyanka.

Saa adwene yi na wode gyina ho ma abɔfra a ne papa te aseɛ. Deɛ ɔhia biara ɔde ma no, papa no nni bi mpo a, ɔbo ne ho mmɔden biara se ɔbenya bi ama no na abɔfra ni ani agye. Bio, ɔye abɔfra no apedeɛ ma no na ada agya no mmarimaye ne agya sunsum a ewɔ ne mu no adi. Yei nti abɔfra bi wɔ ho na se ɔni agya anaa se n'agya afiri mu, ne were tumi ho ne ho yie.

### ***31. Abɔfra sua a ɔse ɔye ɔdehyee***

Akanman mu no, wɔmma ɔdehyee ani ntan no, mpanin se; ɔdehyee yedi no apakan, nti wɔmma ɔdehyee ani nye no ya mma no nsu ngu ne yam. Biribi ara a wɔrehwehwe no, wɔmma no mmere wɔ ho, ɔnsu biribi ho ansa na ne nsa aka. Yegyegyee ne so, korokoro no. Yema nsonsooeɛ ba ɔne nnɔko ntam.

Saa ara na Akanfoɔ hunu mmɔfra se wɔ tee. Adwene a wɔwɔ fa mmɔfra ho baako ne no. Wɔhunu mmɔfra se wɔdi adehyesem. Abɔfra biara nim se n'awofoɔ wɔ sika. Ne saa nti ɔhia biribi a, ɔkaeɛ ara na ɔregye. Woamfa amma no a na ɔresu ama obiara ahunu won two mu. Yei nti se wɔwɔ bi, se wonni bi, abɔfra no kaeɛ ara na eɛ se wohwehwe bi ma no na wangu w'anim ase. Nti n'adehyesem a ɔredie no ne no.

**32. Wone abɔfra kɔ kɔtɔbɔ wodi kan bɔ bi hye ne nsa ase.**

**Abɔfra ye bɔne a yetwe n'aso**

Nnipa a yedii nkɔmmɔ no bi se adee a ema onipa bɔ bra pa a ɔmanfoɔ nyinaa gye tom na ɔmpɛ se ɔbetwetwe aba ne ho so koraa ye asotwe. Onipa biara nni ho a ɔpɛ asotwe. Asotwe ne se worema obi akɔ ahohiahia, yaw bi mu anaase worebɔ obi ka esiane mmaratɔ bi nti. Ɔfoforɔ nso se asotwe ne se worebɔ obi ka wɔ asoɔden bi a waye ho. Yei besi CMT adwenemusem adwene baako a ekyere se nneyee a ekɔ so wɔ mpɔtam no ne amammerɛ mu no yetumi dwene ho twe adwene si so. Nti saa mme a edidi soɔ yi twe adwene si so se Akanfoɔ mmɔfra nteteɛ mu no, wɔtwe mmɔfra aso bere a wɔn aye bɔne de teneten wɔn.



**32. Abɔfra pɛ ade kɔkɔ ahwe a, yede damenama ahahan na kyere no**

Abɔfra biara ani gye ahosuo kɔkɔ ho. Se nnipa baanu gyina ho na se ɔbaako hye ataadeɛ kɔkɔ a abɔfra betumi ahwe deɛ ɔhye kɔkɔ no saa. Ahosuo kɔkɔ ye ahosuo bi a ano ye den nti baabi ara a ewɔ no wohunu. Yei nti abɔfra bi pɛ ade kɔkɔ na wode kyere no na kyenkyenaa a ɔnte ne ho ase a, yete saa ahahan no kyere no.

Akanman mu ɔbra bebreɛ wɔ ho a nni kwan se mmɔfra bɔ, ena nye nsem nyinaa na mmɔfra ka, nti nneɛma bi a ense se abɔfra ye no, ɔye a, asotwe biara a efata no, yetumi de ma no. Emfa ho se asotwe no eboro no so anaase biribi ete saa. Mereka yi abɔfra yese mmɔ korɔ no, na wakɔbɔ, yetea wo biara a wonte. Awofɔ reboro no, na mpanimfoɔ rekasa kyere no, nanso ɔnte. Ebeduru mmere bi no, ɔkɔbɔ korɔno bio a, yede no befa

oman no mmara a obi bo korono a yede no fa so no so. Yenka se woye abofra nti yebegya wo.

**34. Abofra a omma ne maame nna no, bentoa mpa ne to da.**

Eha saa ebe yi da ne ho adi se atetee. Se abofra bi ye se obeteete abusua a, abusua nso wo okwana wode wo befa so a wobetentene wo ama saa ohaw no afiri won so. Nti mpen dodoo a waye w'adwene se wobeteete wo w'awofoo no won nso wo kwan a wode wobefa so na wrehwehwe no abofra no nkyen no waye afiri ho. Wokyerere se, Akanman mu no, atetentene da kwan mu bere biara, nti atenetene biara a ese se wode ma mmofra no ewo ho se wanka wo hwee a, ebi a na fii na womfii wo.

**35. Abofra su mpaninsu a, yegye no ayiease too**

Mmofra su esu hunu sedefe Agyekum (2011) de to dwa no. Akanfoo nsuie ahodoo no nyinaa no, mpanimfoo na wo su. Ebi ye mmarima ebi nso ye mmaa, asenkoro a ato onipa no saa bere no na ekyere osu koroo a obesu, se eye agyaadwo, benaboo, kwadwom ne ade.

Asem bi to abofra bi, anaase ayie ba fie na se, abofra bi anye ne ho se abofra na se osu esu a, mpanimfoo su no bi a, wobu no opanin twa ayiease too ma no tua bi.

Wɔka kɔsi sɛ, Akanfoɔ yɛ nnipakuo bi a, wɔnsosɔ mmɔfra so mma wɔnni mpaninsem. Saa ara nso na sɛ woyɛ adeɛ a ɛtwa sɛ wɔtwe n'aso a, wɔmmu wɔn ani nnwu so. Twe a wɔretwe wɔn mmɔfra aso no nkyerɛ sɛ wɔrɛ tiatia wɔn fawohodie so, na mmom, wɔde kyere wɔn sɛ, nni kwan sɛ woyɛ saa adeɛ no esiane sɛ wɔsua. Na wɔka kɔsi sɛ, sɛ abɔfra bi yɛ deɛ ɛnsɛ sɛ ɔyɛ a, asotwe a sɛ ɔpanin na ɔyɛɛɛ a anka wɔde bɛma no no, ɔno abɔfra no nso nya saa asotweɛ korɔ no ara bi.


Yɛhunu sɛ Akanfoɔ nkuro ahodoɔ no ara, ayie ba a, na wɔgyegyɛ ayiease toɔ de boa abusua wɔn ho aka no, na wɔde bi nso ato ho de abɔ ɔman no ho bra. Saa ɛtoɔ yi, mpanimfoɔ na wɔtua. Wɔnkan mmɔfra nka ho. Yei nti sɛ woanhunu wo ho sɛ woyɛ abɔfra na woyɛ deɛ mpanin yɛ a, asem biara a ɛbɛsi a mpanimfoɔ tu ho ananmɔn no, yɛde wo fra saa anamɔntuo no, mpen pii no ɛyɛ a na ɛnye ahogono so.

#### **4.2.0 Mmɛ ahodoɔ a Akanfoɔ de ma wɔn mmɔfra ntetɛ pa**

Amammere biara yɛ Nyame nsa ano adwuma, wɔde nipa adua mmeaɛɛ a wama wɔn kwan sɛ wɔmfa wɔn adwene nni so, na yɛwɔ esu ahodoɔ bi a amammere ma ho kwan sɛ yɛda no adi (Sarpong 1974). Deɛ Sarpong rema yɛate aseɛ ne sɛ, baabi ara nnipakuo bi te no Nyankopɔn na ɔde wɔn adua ho sɛ wɔnni so na ɛso mmra mfasoɔ mma wɔn. Wɔn asetena mu no yɛwɔ esu ne nneyɛɛɛ bi a nnipakuo no ankasa ahyehye ato ho a wɔgye tomu na ɛboa ma wɔn asetena mu wie pɛyɛ ma wɔn. Yei na Gyekye (2003) nso de foa so sɛ Abibiman ani ku subampa a ɛsombo ma kwasafɔ no ho, na saa adwene a wɔwɔ fa kwasafɔ ho no, ɛhyɛ aseɛ firi ankorankore so. Na ɛkyere sɛ, ɛyɛ kwasafɔ adeyɛɛɛ deɛ

nanso eye ankorankore subampa esom bo ma won na akeka abom abeye omanmu no nyinaa adee na saa nneema no ne dee omanfoɔ gye tom wohwehwe se obiara beda no adi.

Yeka kwasafɔ nneema a esom bo a, Gyekye kyere se eye nneema nnipakuo no ani ku ho a wogye tomu na ekyere abrabo a wope se obiara da no adi wo one afoforo ntam. Eye saa adwene yi na Akanfoɔ gyina so de hwe se won mmofra adi esu pa oman no gye tom na ebeboa won asetena mu nneyee adi. Mpanin se “onipa firi soro ba asase so a, obeto nnipakuo mu” (Gyekye 2003). Asekyere ne se, abofra biara yewo no to abusua mu, na saa abusua no nso firi nnipakuo ne kasakuo bi mu, nti eye saa abusua no asedee se wotete abofra no se dee nnipakuo no adeyee no won gyidie tee na watumi atena ada esu papa oman no gye tomu no adi.



Saa adwene yi na Akanfoɔ gyina so, hwe mmofra su ahodoɔ a woda no adi so, de tete mmofra a wodi mu a wonkam wo biribi ara mu Yeba Akanman mu a, wode abebuo adi dwuma ahodoɔ pii. Yeahunu se abebuo ye adee a ebo nsentitire bi po na wode kasa da oman bi gyidie adi na eda nneema a esom bo ma won adi na ekyere ankorankore ne nnipakuo nneyee nso. Esiane saa nhwehwe mu yi nti, ofa yi rehwe nneema a esom bo a Akanfoɔ gyina abebuo so de wura won mmofra mu.

Saa ofa yi mpensempensen mu no nyinaa de CMT adwenemusem ne fa a eka se nneema a atwa yen ho ahyia asetena mu a yetumi de yen ani hunu ne nea yeanya suahunu wo mu no, yetumi gyina saa nneema yi so nya biribi ho nteasee wo yen adwene mu na bedi dwuma. Bio ebi nso begyina dee eka se atenka ne suahunu a obi nya wo ne nipadua mu ne

nneyee bi a eko so yen amammere mu ne yen mpotam ma yetumi dwene ho twe adwene si so. Esiane se nneema a Akanfoɔ pesɛ mmɔfra nya no nyinaa ye asetena mu suahunu na ne amammere na wode retete won.

#### **4.2.1 Akanfoɔ ne ahɔhoyɛ**

Adeɛ baako a ema Akanfoɔ ani ku ahɔhoyɛ ho ne se wompe se aninguaseɛ beka won, bio wonnim nipa ban a wabesoɛ won. Akanfoɔ ye nnipakuo a wobu nipa na wososo nipa so yie. Woda saa esu yi adi wo akwan hodoɔ pii so a ebi ne kwan a wofa so gye ahohoo. Wohwe se obi besoe won a wosom no yie na wɔamfa won ho asem bone biara anko. Yeadi kan aka se Akanman ne Abibiman ye kwasafɔ dea, ne saa nti se obi besoe wo a, wɔmfa no se woye hohoo na mmom wosom no te se won ankasa won ho nipa. Eduru mmere bi nso a, wokyere mu se, Akanfoɔ wo adwene bi se ahonhom- nsamanfoɔ, nsuo, nnu, nhoma ne ade tumi dane won ho se nipa besɔ odasani hwe. Saa adwene yi nti, se okanni nya hohoo a wontoto no ase koraa, efiri se onnim se oye nipa kann anaase nsɔhwe na honhom bi rebeso no ahwe.

Saa adwene yi nti Akanfoɔ de mme a edidi soɔ yi tumi da adwene a wowo fa ahɔhoyɛ ho adi.

**36.** *ɔhɔhoo ani akeseakeseɛ nanso enhunu ɔman no mu nsem*

**37.** *ɔhɔhoo te se abɔfra*

**38.** *hɔhoo te se susuansuo*

**39.** *ɔhɔhoo nto mmara*

Yehwe mme yi a wode adwene a wowo fa mmɔfra, susuan ho agyina ho ama ɔhɔhoo adwene a wowo fa mmɔfra ho no, saa ara na wohunu se ɔhɔhoo tee. Saa adwene no na

wode gye ahohoo som won ma won dee wobehia na aboa won asetena mu kosi se wobefiri fie ho atoa won abrabo so.

Yehwe susuan a, se nipa anyi kwan amma no a, efa baabi ara epe, na esee akwan, eyi adan ase ne ohaw ahodoo a ebefam ansa na anya asukese bi akobo mu. Saa adwene yi na Akanfo nya fa ohohoo ho. Owura Amankwaa a omaa me nkyere mu faa saa mme yi ho no kyere mu se ohohoo sii kuro mu ara pe na wasi kwan so. Baabi a n'adwene bekyere no se onsoe no na odi so. Onipa a orekosoe no yi se oye oo, se onye oo, onnim. Onhu hwee na n'ani aye no ntotontoto. Saa ebe yi ma yehunu sedee eye fo ma ohohoo se obeto asiane anaase amanee mu wo obi kuro so. Ne saa nti no, kuromani na ese se oboa ma hohoo no hunu ho na n'asetena mu ye no dwoo.

Saa adwene yi na Akanfo de wura mmofra mu se wobeboa ahohoo na wadi won ni ama asetena mu aye dwoodwo ama won. Se ohohoo besoe wo a, se ebeye na onkofa asem mma no, wokyerekyere no dee ese se ohunu a emma no nko ohaw biara mu wo mmere tenten a ode betena kuro no mu. Oman no adeyeee, dee wogyee tom ne nnee wabu no animtia. Won a me ne won dii nkitaho no mu bi kyere se, ohohoo bi kotena baabi mpo na se wanna asem mpo a, kuromani na oka efie ho nsem ne nnipa a woakosoe no ho nsem kyere no ma no da ne ho so.

Ebe a eto so mmieniu no so de ohohoo toto mmofra ho. Akanfo adwene baako ne se, ohohoo biara si kurom a, enye den ara a, obesoe obi so. Saa soe a wakosoe nipa no gyina ho ma se wawo abofra abeto abusua mu. Awofoo, abusua ne oman mu no nyinaa, obiara



ye ne fa mu dee de tete abɔra no ma no beye onipa ɔmanfoɔ gye ne su ne ne ban tom. Abɔfra biara tirim ye no de esiane se, ɔpe a ɔnya na woye no te se ɔdehyee efiri se awofɔɔ ne ahwefoɔ mma n'ani ntan no. Saa pepepepe na ɔhɔhɔɔ nso tee. Se ebeye na onipa no nkɔbɔ wɔn dimmɔne nti, wɔsom ahɔhɔɔ, ye wɔn dee ebema wɔn asetena mu adwo wɔn.

Yei nti, Akanfoɔ adwene ne se, obi tu bata na ɔbesɔe wɔn ne wɔn betena a, wɔtete no te se dee wɔretete abɔfra. Ɔye bone a wɔka n'anim, wɔkyere no ɔman no amammerɛ- nkyea titire. Wɔkorɔkorɔ no sedee ebeye a n'ani nye no ya. Kane tete no, (wɔkyere se enne mmere mu mpo wokɔ nkurasenkurase a, ebinom da so ye) se hɔhɔɔ bi ba na se ɔbeda suban pa adi a, wɔtumi ma no asaase se ɔnnɔ na ɔnnidi so. Yei te se *abɔfra nsam hye nye hyena*. Ekɔba saa, n'ani beka ma ɔbeka kuro no mu.

Ɛbe a etɔ so mmiensa yi de hɔhɔɔ toto sedee nsuo tɔ susuansuo manemane fa mmeaemmeae bi, ennim faako a ereko mpo ho. Wɔkyere mu se, onipa bi wɔ hɔ a, ebi a na ɔye dehyee wɔ ne kurom anaase ɔye onipa titire pa ara na watu bata, nye batatuo nko ara, ebi nso wɔ hɔ a, na akwantuo bi na ebetɔɔ n'anim na ɔkwan a ɔsusuu se ɔbetumi akɔasan no biribi nti amma no saa. Yei nti se wonnim no a, wobebu no nnipa hunu bi.

Wɔde saa adwene yi hye mmɔfra tirim se, ewom se Akanfoɔ ani ku ahɔhoye ho dee, nanso wokɔ baabi na wɔansom wɔn hɔhɔɔ a, wɔmma ne nha wɔn efiri se, ɔhɔhɔɔ biara te se susuansuo, esiane se enni kwan pɔtee a enam so de kɔbɔ asukeseɛ bi mu nti, n'akwan ye akyewakyew bebree ansa na akɔbɔ asuo bi mu.

Ɛbe a eto so nan no nso kyere se ohoho nnim mmara bi na wato. Nnipakuo biara wo mmara a wode bo won ho ban se dee ebeye a ebema won asom adwo won na watumi anya ahoto de atenase. Esiane se Akanfo mpe se wobegye animguasee ne dimmo nti, wobu won ani gu ohoho mmarato so. Mpanin se: “yede ahoho na ekyekyere kuro”, ne saa nti woye dee wobetumi biara ma n’ani ka kuro no mu. Ne saa nti, womfa oman no mmara nkyekere no dendenden biara. Akanfo amammere mu no, wonim amammere a wonsee amammere, saa ara nso na wonnim mmara a wonto mmara, nanso ohoho dee, onim mmara na wato.

#### **4.2.2 Ahohoye ho ahweye**

Saa ofa yi kowie dee yedi kan de agyina ho ama ohoho a eye abofra ne susuan no. Yedi kan ahunu se, Akanfo ye nnipakuo a wontoto ahohoye ase koraa, nanso berebo wo ho yi, bonwono bata ho. Mpanin se: woreto bo abo anomaa no, na ono nso repe baabi a ode ne nan besie. Ewom se Akanfo de ahohoye honhon wura mmofra mu dee, nanso wosan kyere won eho anidaho ne ahweye nso. Wonom abebuo ahodo so ma wohunu se, dee woye biara no eso nsunsuanso wo a ebetumi aba won so, mfa ho ne adwempa a etae dee woyee no akyi. Mmɛ a edidi so yi da no adi;

***40. ohoho akyi mpa asem***

***41. ohoho ama woanya sika ama woanya ka***

***42. ohoho soe wo fie a, wannya wo biribi a ogya wo ka***

***43. ahohodwane ye wo de a, wo animuonyam ye ketewa***

***44. ekom de hoho a, oda nanso odidi mee a obisabisa nkurofo yerenom***

***45. ekom de hoho a ode firi ne kurom***

Ɛbe a edi ho no, wɔkyereɛ mu sɛ, obi nni ho a na yɛka n'akyi asem ne titire ne nsemmane, ne saa nti sɛ hohoo besoeɛ wo na oko a, nsem ahodoo pii na wobete no wo n'akyi.

Yei nti adwene a wode ma nteteɛ no ne sɛ, nnipa no a wabesoe wo no, enye den ara obeko ne nkyi. Na ne nkoeɛ akyi no, nsem papa ne bone na wobeka wo n'akyi, wobete bi, ebi be ye wo de ebi nso beha wo. Wode saa asem yi to wo tirim na woahunu sɛ wowo asodie sɛ wobehwe sɛ wo hohoo beda suban pa adi na watoto n'akwan yie.

Ɛbe a eto so no nso, kyere sɛ hohoo besoeɛ wo a otumi ma wo anigyeɛ otumi nso gya wo awerehoo. Obi tumi besoeɛ wo na wo biribi a woreye nyinaa retu mpon. Ono ankasa mpo tumi de ne nimdee boa wo ma nkosoo ba wasetena mu.


Nye ne nyinaa na wobonya anigyeɛ, otumi ye awerehoo, yawdie, abooboo, adwennwene ne nneema ahodoo a ebema woanu wo ho sɛ wogyee no ne no tenaaee. Hohoo bi wo ho a, obesoeɛ wo a na wadi nsemmane na oko na ne nsemmane no ho nsunsuansoo no abewie wo so.

Saa adwene yei ma woda wo ho so sɛ, hohoo yi a woregye no yi, ebetumi awie wo bone saa ara nso na ebetumi awie wo papa. Yei nti ema woda wo ho so. Eɛsan nso ma wo anidahoo wo wadeye mu. Na ekyere sɛ nye hohoo biara na obesoeɛ wo a, wobonya anigyeɛ wo ne ho, sɛ oda so te wo nkyen oo, sɛ oko oo, ebetumi awie wo papa ne bone. Wɔkyere mu sɛ saa ebe yi te sɛ, wote ho na woreye papa a, na woosan nso ahwe awerehoo kwan. Nti sɛ anigyeɛ ba a na woada Nyame ase, sɛ awerehoo nso ba a, wada wo ho so dada.

Ɛbe a ɛdi ho no nso *ɔhɔɔ aduane ye wo de a, wanimuonyam ye ketewa*, nipa se wode w'ano toto fam di nkorɔfoɔ (woamanifoɔ) nnuane a w'anim beye hare wa won anim. Ɛpepa w'animuonyam. Nnipa kasa wo ho se deɛ wɔpe biara. Saa adwene yei ne se hɔhɔɔ bi babesoeɛ wo a, nye ne nsem nyinaa na esese wode w'ano totom, wode w'ano toto ne nsem mu pii a, ɔmmu wo bio. Wo nsem mu beye hare ma no. Ɔmfere w'anim bio. Ne saa nti, ebi wo ho a na wabu w'ani agu so.

#### **4.2.3.0 Obuo**

Yei ye ade titire baako a eho hia wo onipa biara abrabɔ mu a nti Akanfoɔ ntoto no ase koraa. Sarpong (1974) kyere se obuo ye adeɛ titire a esɛ se yetwe adwene si so – obuo a yede ma mpanimfoɔ, won a wodi tumi, ahonhom, ahintasem esiane se yehu yeinom se nee eho tee.



#### **4.2.3.1 Obuo a wɔde ma Nyankopɔn ne ahonhom**

Nkɔmmɔtwetweɛ mu no, wɔmaa metee aseɛ se Akanman mu wɔwɔ a adwene a ekyerɛ se tumi bi wo ho a eso kyen nnipa tumi na saa tumi no nya nsunsuansoɔ wo deɛ onipa ye so. Saa tumi keseɛ yi ne nnipa wo ayɔnkofa bi a, eboa won ma wɔtumi ye deɛ won ye biara. Yei nti Ɔkanni tumi ka se “Onyame ye adom a ɔkyena metu kwan, Onyame adoworoma me ho ye adom a ɔkyena metu kwan, Onyame adoworoma me ho ye”. Ɛto da na se wɔpe se wɔtwa mpoa anaa se wɔbɔ akutia a, wɔtumi ka se “Onyame ntese ɔdasani nti...” yei nyinaa ye adanseɛ a ekyerɛ se Akanfoɔ gye di se tumi bi wo ho a eso kyen nnipa deɛ. Akanfoɔ gyidi se ahonhom no nyinaa deɛ ɔso pa ara a tumi no nyinaa kura no ne Onyankopɔn na wɔnam ahonhom ahodoɔ bi te se abosom, nsamanfoɔ so ne no kasa.

Mpanin se “worepe asem aka akyere Onyame a, kakyere mframa” yei kyere se wonhu no deɛ, nanso wɔgyedi se ɔwɔ ho. Akanfoɔ wɔ gyedie se, Nyankopɔn so, ɔye kronkron, ɔkyiri bɔne, na se deɛ Onyankopɔn tee no, ahonhom nkaeɛ a wɔ soso kyen nnipa no nso twe nipa a wɔye bɔne aso na wɔtua apapafɔɔ ka. Saa adwene yi nti Akanfoɔ wɔ obuo soronko pa ara de ma Nyankopɔn ne ahonhom nkaeɛ yi.

#### 4.2.3.2 Obuo a wɔde ma wɔn a wɔdi tumi

*46. ɔhene anim na wɔnka na n’akyi deɛ wose*

#### **47. Akokɔ bereɛ nim adekyeeɛ nanso ɔtie firi onini ano**

Sedeɛ madi kan akyere mu no, Nyame abodeɛ gu ahodoɔ mmienu- onini ne bedee. Saa ara nso na ɔman mu tumidie gu mmienu, wɔn a wɔdi tumi ne wɔn a wɔdi wɔn so tumi. Adeɛ kye a, akokɔ bedee no hunu se ehan bi reba a ekyere se, adeɛ akye nanso ɔhwe se onini no bebɔn. Saa mmoa yi abeye nnyinahoma ama ɔhene ne ne manfoɔ. Saa adwene yi bi na Akanfoɔ wɔ fa wɔn mpanimfoɔ ne wɔn ahemfo ho. Asem si kurom a, obiara bɔ mmɔden se ɔbeka n’ano atom kɔsi se, ɔhene ne ne mpanimfoɔ bese biribi afa ho ansa na wɔn aka bi. Nye se wɔnhunuu deɛ asi nanso esiane obuo a wɔwɔ ma ɔhene ne tumidie no nti, wɔnya abotere ma no ansa na wɔde wɔn ano atom.

Wɔkyere se, bayemono ba, enye se ɔmanfoɔ no nhunuu se bayefoforo aba nti wɔntɔn bi na wɔnni bi, wɔnim pa ara, nanso adwadifoɔ mmaa ne ɔmanfoɔ no nyinaa nya abotere de obuo ma ahemfo ne mpanimfoɔ a wɔwɔ kuro no mu ma wɔye amammere ne amannee biara a efata, ma wɔn kwan se afei deɛ wɔtumi di bayere no bi ansa na watumi adi bi atontɔn bi.

Saa adwene korɔ yi ara ho nso, ɔhene bi ye nhwehan na se anamon a etwa se ɔtu no wantu a, etumi de basabasae ba ne man no mu. Yei nti mmere a ɔmanfoɔ no anya abotere retwen se ɔbetu anamon wo biribi ho no, ɔtwentween ne nan ase pii a, etumi ma nneema gye nsamu. Yei nom nyinaa ye obuo ne anidie a Akanfoɔ de ma ɔman mu mpanimfoɔ a wode wura mmɔfra mu de tete won ma wɔbu mpanimfoɔ.

#### **48. ɔhene nnyaa wo a, wose ɔne wo ka**

Nnipa titire baako a wodi tumi na ɔde ne tumi twe nnipa aso pa ara ne ahemfo. Akanfoɔ hunu won ahemfo se asinanmu a wɔsi nananom nsamanfoɔ ne ahonhom nkae no ananmu. Yei nti obuo ne anidie biara a wohia a ese fata won no, wode ma won. Esiane se onipa biara a ɔka nnipakuo no ho biara ye ɔhene no nana nti, ɔnno bi ntan bi. Dee ɔse asotwe no ɔde ma no, dee ɔse abasobo no ɔde bo no.

Kɔsi se wobinya asem ama no akɔpue ɔhene anima ama no atwe wo aso no, wobeka se ɔpe wo asem. Na mmom, wo ho ba asem na se ɔgyina tumi a wɔkura se ɔhene no so twe wo aso a, wonya adwene foforo fa ne ho.

Wode ɔhene ye nnyinahoma ma won a wodi tumi. Woka saa asem yi de besi so se, wone onipa biara siane na se ɔkura tumi a, ese se wohwe wone n'anamontuo mu yie. Etwa se wototo woakwan yie na woamfom amma no annyina ne tumi a wɔkura no so amfa asotwe amma wo.

Mpen pii no, onipa bi wɔ ho a, ekuo anaa adwuma a ɔwɔ mu no de tumi bi ahyɛ ne nsa a mmara bata ho a ɔde di ne dwuma. Sɛ asem nsi mmaa wontoo mmara no mmaa ɔmfaa adamfoɔ ne ayɔnkofa a ɛda mo ntam no ntoo nkyen ntwee wo aso a, wobɛka sɛ ɔye obi a ɔpɛ woasem yie pa ara.

Na wɔka kɔsi sɛ, obuo ne anidie biara a ɛsɛ sɛ wode ma obiara a ɔkura tumi no, ɛtwa sɛ wode ma no ansa na woafom ama no atwe wo aso ama woabɔ no din bɔne.

### **Obuo a ɛwɔ awareɛ mu**

Awareɛ mu no, adeɛ baako a ɛma no tumi gyina pa ara ne obuo a awarefoɔ no wɔ ma wɔn ho wɔn ho. Awareɛ biara nni ho a obuo nni mu a, asomdwoɛɛ wɔm a anigyɛɛ nso wɔm. Yei na Owu-Ewie (2019), kyere sɛ ɔkwan titire a yɛfa so ma obuo ba awareɛ mu no yɛ afa ne afa- afaanu no nyinaa de obuo ma ne yɔnko, wɔgye wɔn ho to mu na wɔnya akoma pa ma wɔn sintɔ. Na ɛkyere sɛ, awareɛ ɛregyina no, ɛhia obuo, na saa obuo yi nye sɛ ɔbaako rekotokoto ne yɔnko na mmom, ɛtwa sɛ obiara yɛ n'afa mu deɛ a ɛbɛma ne yɔnko ahunu sɛ ɔwɔ anidie bi wɔ awareɛ no a ɔte mu no, na ne ho hia ma ne hokani no. Saa adwene yi da ne ho adi wɔ mme a ɛdidi soɔ yi mu;

### ***49. ɔbaa tɔ etuo a ɛtwere barima dan mu***

Adwene a wɔwɔ fa ɔbaa ho wɔ awareɛ mu na wɔgyina so de tete mmayewa ne sɛ, ɛmfa ho ne yie a wobɛye asene wo kunu, ɔbaa deɛ woanimuonyam ne wo kunu ne saa nti ɛtwa sɛ obuo biara ɔbarima no hia no wode ma no. Wode etua yɛ nnyinahɔma ma abrabo mu yie die, mpagya ne bammɔ ne deɛ ɛkeka ho. Na kyere sɛ ɔbaa nya saa abrabo mu sadesɛ yi nyinaa mpo a, ne kunu na ma no nya animuonyam. Oma n'adwene yɛ no sɛ wadi yie sene

ne kunu nti ɔde n'ananim betwitwiri fam a, ɔno ara na ɔbegu ne ho animuase. Yei yii ne ho adi wɔ awarefoɔ bi a me ne wɔn kasaeɛ a ɔbaa no ye kyerekyerɛni wɔ University of Energy and Renewable Resource a ne kunu no nso ye panin wɔ National Health Insurance Scheme.

Wɔkyereɛ se, adeɛ baako a ama wɔn awareɛ atumi agyina emfa ho ne wɔn sintɔ a wahyia no wɔ mfee du mmiensa a wɔn aware no mu ne obuo a ewɔ wɔn ntam. Okunu no se, se ɔbaa no pɛ se ɔto adeɛ mpo na se ɔne no anyɛ adwene a, ɔgyae. ɔbaa no nso kyere se, adeɛ baako a ɔsua firii fie ne se, deɛ ɔbeyeɛ biara no, etwa se ɔde barima no buo ma no na asomdwoe ba fie nye afei na ɔrebeka se ne nwoma ko nkan sene ne kunu no nti ɔbema ne mmen so.

Nipa foforo nso a me ne no kasaeɛ nso kyere se, Akanfoɔ adwene a efa saa ebe yi ho ne se, se deɛ ɔbaa tee biara no, ɔhia ɔbarima wɔ n'abrabo mu. Saa asem yi befoa Gyekye (2003), asem a ɔkaeɛ se, Abibiman mu no, mmaa hwe anim se wɔbeware wɔn na nokwasem ne se; ɔbaa a waso awareɛ na ɔnwareeɛ no na ereye aye mfomsoɔ. Yei kyere se deɛ Abibiman si hu mmaa ne awadeɛ fa, ne saa nti wɔde kyere wɔn se, ɔbarima bi beware wɔn a, wɔmfafa obuo ne anidie biara a ehia ma no na wɔye den ara, wɔye mmaa no nko ara deɛ wɔhia ɔbarima wɔ wɔn asetena mu.

#### ***50. ɔbaa tɔn nyaadowa na ɔntɔn atoduro***

Akanfoɔ adwuma titire pa ara wɔn ani gye ho ne adwadie. Na saa adwuma yi, ewom se wɔnkyereɛ se mmaa deɛ ni na mmarima nso deɛ ni, nanso nwuma bi wɔ ho wɔnhwehwe se afaanu no nyinaa de wɔn ho behye mu. Nnwuma no bi wɔ ho a eye fo na eye



animuonyam ma obaa se obeye a orenya ohaw biara wo mu, a eso nsunsuansoo no mfa asem biara mmere no. Saa ara nso na ebi ye mmarima adwuma a se woye a enye aninguasee anaa aniwuo mma no. Yei kyere se, awaree mu no, se dee ebeye na obuo beba awarefoo no ntam no, etwa se obiara tumi hunu ne gynabea wo mu, dee ese se woye ne dee ne dwumadie kopem. Wode nyadowa ne atuduro ye nnyinahoma ma mmaa ne mmarima dwumadie a wctumi di wo awaree mu. Wode saa ntetee yi ma mmofra na woahunu dwuma a ese se wodi no wo awaree mu a ede asomdwoe beba won ntam.

Ye ba awaree mu a, akonhoma bo, mmofra sukuu fiisi, edan ne nkanea ka ye obarima asedee, na obarima no mmodenmmo a obebo na watumi adi dwuma ahodoo yi ka ho na ema ne mmarima ye wo awaree mu no wie pe ye. Yei nti ekoba se obarima no gyae saa asodie yi gu obaa no so a, esiane se obaa ye mmere na adwene ne nyinaa ne se eye obarima asodie nti, obeboro n'ahooden so ma no bere. Eba saa a, ema obarima no hwere ne buo ne n'animuonyam a ewo awaree no mu. Nti wode kyere mmarima se, wope se wo yere bu wo na wofa wo mmarimaye di so a, hunu woasedee a ewo fie na ye na mmom nnane mmo wo yere so na obaa ton nyadowa onton atuduro. Emma no mfa woasedee nka ne dee ho na woammu wo animtia.

### ***51. Akoko bedee nim adekyee nanso otie firi onini ano***

Akoko ye ntakrabo a wowo fie. Mfasoo ahodoo yanya firi nkonko so no baako ne se wobebon ahomadakye na adasa ahunu se adee akye nti wotumi sore ko won nnwuma so. Wode nkoko yi dwumadie aye nnyinahoma ama awarefoo ne won dwuma a obiara tumi di. Obodee nyansa ne ne nhyehyeee mu no, abodee nyinaa nam mmienu mmienu- onini ne obedee a wodi dwuma bomu ma asetena wie pe ye.

Saa ebe yi kyere se, oyere nim nyansa anaa se owɔ adwene wɔ asem a asi fie a etwa se wɔtu ho anamɔn deɛ, nanaso eɛe se ohwe ne kunu. Yei kyere anidie a ɔderema ne kunu no ama no ahunu se ɔbu no se ɔno ne efie no wura na abusua no dan no. Enti obuo ne anidie a barima no hia na ama n'anim aba nyam wɔ awareɛ no mu, wɔn mma ne wɔn abusua anim biara no, eɛe se ɔbaa no nya abotere ma adwenkyere ne eho anammɔntuo no firi ne kunu no ho ba.

Mpanimfoɔ a me ne wɔn twetwee nkɔmmɔ no kyere se, mpɛn pii no, asem bi wɔ ho mpo a na ɔbarima no adwene mmaa so, anaa se ne were afiri eho asem mpo, se eba saa ne yere no tumi tia ne nan so. Eno nkyere se ɔbaa no rebegye ammo na wama barima no aye se, sebe ogyimifoɔ. Na eha na ɔbaa to etuo a etwere barima dan mu no san yii ne ho adi.

Wɔreka ɔbaa a ɔretwen ama ne kunu na watu anamɔn ama wadi akyire no, na wɔreka nso ato so se, awareɛ mu no, ɔbarima, anamɔn biara a eɛe se wɔtu a, wɔtwɛtwɛn wo nan ase no, ema wohwere w'animuonyam. Eno nti, deɛ wode to ne tirim ne se ɔbarima deɛ wo yere ne abusua rehwe wo, ne saa nti etwa se woye wo mmarima sem. Wɔkyere mu se, barima bi wɔ ho a, wode asenhia gya no a, ete se deɛ wode eboɔ abɔ ɔsono ataa so, wonyee hwee. Maame baako asem a ɔka kyereɛ me ne se: ɔno deɛ deɛ oyee ne se bere ano bere ano no, ɔkae ne kunu nsem bi a etwa se wɔtu ho anamɔn a onyeeɛe. Eba saa nso a na ne kunu adwene ye no se ɔpe kasa dodo, nanso ɔno nso hunu ne se wantwe n'adwene ansi so a, nneema begye nsa mu.

Owura bi nso asem a okae ne se, ono dee, adwenkyere biara a ewo efie no, ono na ode ba ne titire ne dee efa ne mmofra sukuusem ho. Oka nso a ne yere gye tom foa ne so. Nti se dee ebeye na ne mma nso behunu ne so mfaso nti, won sukuu fiisi biara ono ankasa na oko sikakorabea kotua, na ode eho adansedie nkrataa ama mmofra no ako sukuu. Woba fie anaase woksra won wo sukuu mu a, ohwe gye saa resiiti a sukuu no nso de ama won no ba fie. Ose saa anamon yi a otu no nti, adee biara nni ho a ne yere betu ho anamon a onhwehwe n'adwenkyere mfa saa anamon no ho. Esiane se wama ne yere ahunu se ese se ohwe no ansa na watu anamon ne saa nti obuo biara a ese no no, ne yere bso de ma no.

### ***52. Hu m'ani so ma me nti na atwee mmienu nam***

Nkyerekyeremu a won a me ne won twetwee nkommɔ no bi de maa me ne se, woko kwaee mu na wohunu atwee a, wonam mmienu mmienu. Wose wontae nhunu otwee a eno nko ara nam. Nti wose adwene a wode nam ne se wobobo won ho ban afiri mmoa bone ho. Mmoa yi suban na Akanfoɔ de aye nnyinahoma de ama awarefoɔ na wobegyina so de ahunu se obi dan obi wawaree no mu.

Yei nti se awarefoɔ te ho a etwa se wohunu se nsa ko na nsa aba, nti wommoaboa won ho, ne saa nti obaako ho kyere no na ohia mmoa na se ofoforo no yi n'ani a, na woamfa obuo ama ne yonko. Saa ara nso na se ahokyere ba na woammoa, na mmom wo ho kyere wo na wope se okunu / oyere boa a, na obuo a ewo awaree no mu no ato sini, kwaseabuo aba mu.

**53. Yenam baanu sum afidie a, yenam baanu na ehwe**

Adee baako a etwa se awarefoɔ hunu na nni kwan se wobu won ani gu so pa ara ne asisie ne kwaseabuo. Asisie ne kwaseabuo tumi de yawdie ba awarefoɔ ntam na emmoa mma anigyee ne asomdwoe mma awarefoɔ no ntam. Saa adwene yi nti, se nnipa baanu sum afidie a, esiane nnipa mu gyedie nti, won baanu nyinaa na wokohwe na wohunu dee etua mu. Obaakofoɔ ntwaa ne ho nkohwe na ommeka asem foforo na onye n'adwene se ode ne nyansa asisi ne yonko.

Wokyere se saa nsem yi tae sisi wo awarefoɔ ntam na mmarima anaa kununom na wotae di ho fo kese pa ara. Wose mpen pii no se wone mmaa no ye adwuma na mfasoɔ ba so a, ehɔ na wohunu se wohia yere foforo. Ne saa nti eba saa ema mmaa no di yaw wo ho a, ema won adwene ye won se, won kununom abu won kwasea.

Saa ebe yi kasa kyere afaanu no nyinaa se, ebere biara a wobefa adwene se wobedi dwuma bi no, wotu anamon no na se ebere so se ereso aba a, papa oo, bone oo, etwa se wedi won ho nokware na peperepe ye bi da adi na obi adwene anye no se obaako resisi no. Eno nso boa ma obuo ba ma ede asomdwoee ba awarefoɔ ntam.

**54. Benkum dware nifa na nifa nso adware benkum**

Onyankopon boɔ ewiase boɔ adee no, oboo nneema mmienu mmienu. Adee biara a ewo ewiase no ye mmienu; onini ne bedee. Saa ara nso na nsa tee- benkum ne nifa. Dee benkum ntumi nye mma ne ho no nifa tumi ye ma no, dee nifa nso ntumi nye mma ne ho no, benkum ye ma no. Se nipa redware a ne nsa nifa no dware ne nsa benkum na ode ne nsa benkum nso adware ne nsa benkum.

Saa ara na awaree nso tee. Barima ne obaa na ka bo mu ware, obarima wo asedee a omanfo hwehwe se otumi ye ma ne yere ma obuo ba awaree no mu, obaa nso wo ne dee. Se ekoba se obaako ye n'adwene se onye n'afa mu dee a, na wammu ne ho ammu ne hokafo no.

Adwene baako a Akanfo de wura awaree mu a eboa ma asomdwoee ne obuo ba won ntam ne no. Yei ma wahunu se obiara wo asodie ne asedee a etwa se woye ma ne yonko mu die wie pe ye.

### **Obuo a Ewo Ayonkofa Mu**

Adee baako a Akanfo tu mmofra fo wo ho ne ayonkofa. Mpaninse "oyonko bi sene onua". Nokwasem a ewom ne se, eduru mmere bi a, na asem akyere wo so a wo hia obi ne no aka saa tirimusem no. Saa nsem yi dodo no ara tae ye nsem a wontumi ne abusua nkye gyese adamfo. Se ayonkofa betumi agyina ama ayonkofo atumi abeye se anuanom aka tirimusem ne nneema a ehye won so akyere won ho won ho a, na egyina obuo a wode bu won ho. Yeadi kan aka se obuo ye afa ne afa asodie. Ne saa nti ayonkofa biara a eda nnipa biara ntam no, etwa se won nyinaa hunu se wode obuo ma won ho. Saa asem yi na woda no adi wo mme ahodo a edidi so yi mu:

#### ***55. Obi nnim a obi kyere***

Saa asem yi ase ara ne se wo ne nipa bi tu anamon na wonim biribi a ebeboa n'abrabo a wokyre no. Saa ara nso na se obi nim biribi na se okyre wo a enye aniwuo. Yei nti ewo ayonkofa mu no etwa se yebu obiara efiri se nye adee biara na obi nim na adwene nso nni baakofo tirim. Wokyerere mu se, ebetumi aba se wonim biribi a wo yonko a wo ne no

nam no nnim. Eho nhia se wobegoro ne ho ama n'adwene aye ne se oto sini wo nnipa mu mmom wo kyere no, na enye aniwuo nso se wonnim biribi ne saa nti obi nim na se okyere wo a, fa akomapa so mu na sua ma no mmoa w'abrabo.

#### ***56. Benkum dware nifa na nifa nso adware benkum***

Ayankofa te se adwaree a nsa nifa dware ne yonko a ene benkum na benkum nso aye saa ara ama nifa. Esiane saa nti Akanfo hwe se onipa a wofa no yonko no nye kokotako a ohwehwe ono nko ara ne yiedie na mmom ohye ne yonko ma kata ne sinto so. Mpanin se: "yonko bi sene onua". Ayankofa mu no, obiara hwehwe se ne yiedie ho behia ne yonko. Yei nti sedee wohwehwe se obi nye mma wo no, saa ara na onipa no nso hwehwe firi wo nkyen.

Adee biara a ebeto sini wo saa adwene yi ho no, na akoye se kwaseabuo ne anitee bi aba ayankofa no mu, na se be gyimi ma yemworo bi abam. Saa adwene yi nti, ayankofa mfa papa a won aye ye won ho no nkaekae won anum. Esiane se obiara anya ne yonko so mfaso pen.

#### ***57. Etua wo yonko ho a, wose etua duam***

Mpen pii no asem to obi a, na woredodo no, kyekyere ne were de kyere no se wodwene ne ho na ne haw a onam mu no, wonye ankonam. Esiane se Akanman ye kwasafu dea no nti, wobo mmoden se wobeko onipa no mmoa na ne kra aba ne ho so. Nanso se dee nnipa su bi tee no, eto da bi a, nye won a wododo wo no nyinaa na wowo atenka bi ma wo. Yei nti etumi ba se dee nipa no nam mu no, ewom se woye namfonom dee, nanso enha no esiane se wonni atenka biara ma saa nipa no.

Wode saa ebe yi di dwuma wo bere a asem ato obi na woammaa no se dee ese se anka onkopa ye, ne nyinaa mu no nso, ono na etoo no a, anka obere se obi mmera ne mmoa. Se saa suban yi ba mu a, na ekyere se obuo amma ayonkofo no mu.

Wokyere se, obi nso wo ho a, adee a etoo ne yonko a woamfii no, anna odo adi ankyere no no, saa asem koroo no ara bi to no a, na ope se nka nnipa te ne nka na wone no kye asem a ato no no. Eduru mmere bi a, ayonkofa mu no, asem a ato baako no, esiane se anto no nti, onya atenka biara mma nipa no na onhunu amanee a nnipa no nam mu; etumi ye amanenya, sikasem mu ahokyere, yaree, awaresem mu ateetee, suban bone bi a nnipa no reko na orepere se anka obefiri mu afi a ontumi. Eto mmere bi mpo a, wotumi di nnipa no ho few huru no ara ma n'ani bere ne ho ma ne ho hiahia no.

Akanfo de saa ebe yi kasa na wode kyere won ho se, ayonkofa mu no, adee baako a etwa se nipa biara da no adi ne se wobenya odo ne tema ama ne yonko a aboa ama obuo aba won ntam.

### ***58. Obi abawuo tuatua obi aso***

Obiara nim se owuo ye ntetemudie a eye ya, emfa ho ne ayonkofa a eda wo ne onipa no ntam. Eye obaatan anaase awofoo biara akoma so adee se obewo na ne ba asie no. Nwonkoroo bi mu nsem; “nye awoo ne awoo, woawo ama wo ba asie wo”. Na ekeree se, wohunu no se, se wo susu se woawo a, awoo ne se woawo, na wo ba no anyini abo bra na wotwa w'ani hwe dan a, wobetumi asie won a waye wo ayie kama.

Saa adwene yi a eda nipa tirim yi, na se ne ba firim a, omfa no ahogono so. Ebetumi mpo aba se ne ba no odi no ba fua. Bere a dee ne ba awuo no ani abere a oreworo nisuo no, na obi nso te ho se oreye dede. Wonhunu dee nti a esese otuatua nkorofoo aso wo abofra wuo ho. Saa asem yi na Akanfo gyina so kyere won mmofra se, ayonkofa mu no, etwa se woma won yonko asem nye n'ahiasem na wonnya tema mma won ho esiane se Akanman ye kwasafoman. Se ankoba no saa a, na wamma obuo amma ayonkofa no mu.

Saa asem yi nye owuo nko ara. Eduru mmere bi a, onipa bi tumi ko ahohiahia mu a anka onim pefee se ne yonko bi betumi aboa no ama no afiri saa ahokyerere no mu, nanso obo no bo no a, na eye no se oreha n'adwene. Yei nti, woka de kyere se, se wo ne wo yonko wo ho na se wokoo amannee bi mu na ommoa wo a, hunu se obi abawuo tuatua obi aso nti mma no nha wo na hye wo ho den, na dee woman mu no onhunu no saa.

Bio, wode kyere won se, sedee wo yonko ho akyerere no a ohia wo mmoa a eye wo se oreha wo adwene no, etwa se wobu no esiane ayonkofa a eda mo ntam no efiri se eberere bi beba a wo nso wobetumi ako saa tebea no mu bi a wobehia ne mmoa.

Opanin baako a wode n'asem kotoo asofoo ne nnamfonom bi anim se obi abo ne yere ansoko ama no atu fie nti won ne obaa no nkasa na wonsiesie won ntam. Owura yi si ne dwanetoafoo yi so anopa, awia ne anadwo. Afei na ne ho akoye ahi efiri se, woka hwee kyere opanin yi se onya abotere mpo a onte ne ho ase, afei na nnipa no nyinaa adwene ye won se woretuatua won aso. Saa asem yi, mfa owuo ho, nanso opanin yi hunu no se



orehwere adee a esommo ma no nanso n'ayonkofoɔ nso hunu no se ɔde n'awaresem retuatua won aso.

**59. Nsatea nyinaa nye pe**

Wohwe onipa nsatea a ne nyinaa nye pe; ebi ye ntiantia sene bi, ebi susua kyen bi saa ara nso na nnipa tee, nnipa nyinaa nye pe- tenten, tiatia, teatea, obolobo, tuntum ne kokoo wonye pe dee nanso wonyinaa ye nnipa.

Nnipa su gu ahodoɔ pii, ebinom ani ye den, ebi asem ye den. Afoforo nso ho ye den ebi nso da bokoo. Nnipa bi wo ho a wope nnipa ebinom so ye animuonyampe. Asikafoɔ wom saa ara nso na ahiafoɔ nso wo ho. Nnipa binom ye amimfoɔ na ebi nso wo tema ma afoforo. Asikafoɔ ne adefoɔ wo mu saa ara nso na ahiafoɔ ne mmaborofoɔ ka nnipa ho. Saa nnipa ahodoɔ yi ewom se wonye pe dee, nanso obiara wo dee obetumi aye de aboa ama asetena mu aye yie na aye mere wo onipa asetenam a afoforo ntumi nye. Yei nti wode tete afoforo se esiane se nsatea nyinaa nye pe no nti, etwa se wode obuo ma nnipa biara a wone won fa yonkoɔ. efiri se obiara ne bere a ne so beba mfasoo ama wo.

Ayonkofa mu no, nnipa no bi beye adeso a ama wo, ebi so beba mfasoo, ebi nso beye santrofi anomaa, kuntu wode kata wo ho a, ahuhuro de wo, woyi nso a awo de wo. Nanso ne nyianaa mu no, etwa se wode obuo biara a ehia ma no efiri se dee wodwene se onye no beda ne sapofunu ama wahia no da bi.

Yɛadi kan ahunu sɛ abɛbuo yɛ adeɛ a ɛho hia wɔ kasamu yie pa ara na ɛyɛ adeɛ a ɛda ɔman bi adeyɛɛɛ ne wɔn asetena mu suahunu ahodoɔ binom adi. Na saa mmɛ yi ma kasa no yɛ dɛ na ɛkyerɛ afoforo nso nimdeɛ, nyansa ne ntetɛ pa.

### **Aniso**

Akanfoɔ yɛ nnipakuo bi a wɔn yamu yɛ na wɔn ani ku adɔɛɛ ne ɔsom ho yie pa ara. Adeɛ biara a wo ne Akanni hyia a, ɔbeyɛ ama w'asetena mu ayɛ yei ama wo biara no ɔyɛ. Sarpong (1974) kyere sɛ obi kyɛ wo adeɛ na woannyɛ a, ennɛ na ɔtan na woakɔfa abeto wo ne onipa no ntam na mmom sɛ ɛyɛ aniso na wopɛ sɛ wokyerɛ nti na wannye deɛ a, ntaɛ nha wɔn. Mpanin sɛ: ntasuo nko nnante. Ne saa nti saa adekyɛ ne ayɛmuyɛ yi ne aniso na ɛnam. Wɔkyerɛ sɛ, Akanfoɔ de saa nsem yi wura mmɔfra mu. Obi yɛ wo papa a woda no ase na adeɛ kye a wasan akɔda no ase bio. Ɛto da bi mpo a, wopɛ nnipa ka wo ho kɔda ase.

Akanfoɔ mmɛ a wode kyere aniso no ntaɛ nyi ne ho adi saa, mmom deɛ wode da boniayɛ adi. Saa mmɛ yi kyere sɛ, Akanfoɔ hwɛhwɛ aniso bi wɔ papayɛ akyi.

### ***60. Woanya biribi amma w'ase a, wonnyae mmɔ no korɔno***

Asew yɛ wo yere anaa wokunu maame anaa ne papa. Sɛdeɛ ɛbeyɛ na woanya animuonyam ne mmudie wɔ w'ase anim nti, berɛ biara a wo ne no bɛhyia no, wobɔ mmɔden sɛ wobɛpɛ biribi ama no. nkanka sɛ woakɔsra no anaase asem aba w'ase fie na wakɔ bi. Wonni bi mpo a wopɛ bosea ma no. Esiane sɛ ɔde ne baa ma wo aware nti wayɛ wo papa ɛsɛ sɛ woda no ase. Saa adwene yi nti ɔkanniba biara nni ho a ɔpɛ sɛ ɔgu ne ho anima sɛ wɔ ne nsenom anim.

Korɔnobɔ nso yɛ suban baako a Akanfoɔ bu no animtia a wɔnsosɔ so koraa. Ɔbaatan bi wo ne ba na ɔhunu saa su no wɔ ne ho a, ɔtwi n'anim de no fa asotwe ahodoɔ mu kɔsi sɛ ɔbɛgyae saa suban no. Yei kyere sɛ korɔnobɔ gu nipa anim ase a ɛnse sɛ woda no adi wɔ asew anim.

Akanfoɔ de saa bɛ yi di dwuma bere a wayɛ onipa bi papa a nka wɔrehwehwɛ sɛ nka ɔbɛda no ase, na ɛbere bi duru a, saa nipa no tumid an suban pa bi adi kyere no. wɔhwehwɛ sɛ anyɛ yie koraa no, nka saa nipa nnyina baabi ara nka nipa no ho asem bɔne, ɔnyi no biniayɛ da na ɔrentoto no ase kwan biara so da. Saa adwene yi nti obi yɛ wo papa na woantumi ayi no ayɛ na wode bɔne da no ase a, wɔtumi ka wo saa asem yi.

**61. Onipa te sɛ akokɔ ɔdidi wie a na ɔde n'ano atwitwiri fam.**

Aboa akokɔ yɛ ntakrabo a ɔhwete ansa na wadidi. Mpo ne wura de aduane agu ho ama no no, ɔnni bere a ɔnhwetee aduane no mu. Ɔfri ho na ɔkɔpue aduane foforo so a, ɔnkae sɛ ɔdidii nkyɛɛ nti wamee, ɔbesane adi awie de n'ano atwi fam.

Akanfoɔ ka sɛ, fa w'ano twitwiri fam a, na ɛkyere sɛ, waka asem bi a antwa yie nti twe saa asem no san na wɔnhunu sɛ saa asem no ansi koraa da. Saa esu yi na akokɔ da no adi no. Ɔde n'ano twitwiri fam a wohunu no a, ɛyɛ wo sɛ ɔnii hwee nti esɛ sɛ wopɛ biribi ma no die.

Saa na Akanfoɔ hunu nipa boniayeni a ɔnim sɛ dee wɔkyereɛ aniso ma onipa bi a waboa no pen wɔ abrabɔ mu. Ne saa nti wɔde nnipa toto akokɔ ho. Ansana onipa biniayefoɔ bɛyɛ biribi no, ɔdi kan sɛ adwene pa anka obi wɔ fa ne yɔnko bi ho. Ɔwie a, ansa na

waka n'asem a ɔde nam. Etumi ba se saa nipa no mpo aboa no wo abrabɔ mu pen a etwa se nka ɔtumi ye biribi de papa bi da no ase. Se ɔkanni ye wo papa a, ɔhwewwe se wobeda no ase. ɔhwewwe aniso bi wo papa a waye wo no ho. Enye se wo nso ye no papa no bi oo, mmom ɔnnwene se wobegyina baabi aka n'akyiri asem bonee da nti se ekoba no saa a, wobu wo buniayefoɔ a w'ani nso papa obi aye wo.

***62. Magyina nkantankantan so ne sasabonsa adi ako m'ase anyi me aye, nye akoko a ɔredi n'aboro a meye no soee soee na ɔbekamfo me.***

Nkantankantan ye dadee nhweanhweaa a wanwone no te se asau. Wode to egya so de ho nam anaa se wode toto aduane. Emu nye den se nipa betumi agyina so ama no aye yie a ɔnya ɔhaw biara wo ne dwumadie no mu.

Sasabonsam nso ye honhomone a ɔnye onipa. Na mmom ɔbetena nipa mu na ɔde no adi bone. Rattary (1916), *sasa anaa sasa ye asemfua a ekyere se honhom bi a abetena onipa bi so anaa se bonsam. ɔye adee bi a ne ho ye hu a waye ne ho te se onipa ɔnte fie na mmom ɔte nnua so wo kweae mu a ne nan sensen ho si fam, ɔwo mmowere atentenatenten a ɔde bo kye obiara ɔba ne mpasua mu. Abɔfoɔ na tae hunu no. Mmaa, mmarima ne mmɔfra tumi ye sasabonsam.*

Yehwe mfonin a Rattary atwa afa saa abodee yi ho a, na ekyere se obi biara a ɔne no bedi asie no de ne nkwa na ato ne nsam. Yei nti se obi gyina kantankantan a enna fam so se ɔne sasabonsam bedi ako ama wo a, na eye asodie kesee na nipa no afa ato ne ho so de ama.

Akokɔ nso ye ntakrammoa mu baako a ɔye afiboa. Ne ho nye hu, mmɔtɔfoa mpo nsuro no, na mmɔfra mpo tumi pam no firi fie abere a wahunu se ɔredi nsemmone bi. Eto da mpo a mmɔfra pam no firi fie keke de gyegye won ani.

Aburoo nso ye Akanfoɔ aduane baako a eboa won yie. Wɔnya mfasoɔ pii wo aburoo so; dɔkono, banku, koko, peewa ne dee ekeka ho. Mpo enne mmerɛ mu a esiane se ewiase abeye akuraa baako no, Akanfoɔ asuasua nnipakuo binom nnuane ahodoɔ a wode aburoo ye di- akple, diehuo, obrayo, egweegweemi ne ade. Esiane se dee aburoo boa ma ekom so te no, afe a osuo anto yie amma aburoo anye yie no, ekom ba.

Saa ebe yi da ne adi bere a onipa biayi ne yam ne aye adee a eye hu na eye den se obi betu ne ho asi ho se obeye saa adee no ama wo. Ne saa nti nipa no ye na ansɔ w'ani a, ɔnya akoma pa ne anigyeɛ biara wo ne mu se ɔnye biribi foforo bi mpo mma wo bio. Ebi a na saa mmoa ketewa bi no a ode beboa wo no anka ebeboa wo ayi wo afiri tebea bone bi mu ako tebea papa bi mu.

Saa onipa yi hia abasobo bi anaa nso se nka ɔrehwehwe aniso bi a eye abasobo na ahye ne nkuran ama no any ɔpe bi se obesan aye papa bio, nanso esiane se aniso no amma nti, odi ho yaw a ɔmpe se obebo bio. Yei kyere se Akanfoɔ ye nnipa kuo a wogyedi se aniso ye adee a esom bo ma nnipakuo biara a nti etwa se ebeye nnipa biara su.

Yei kyere se yawdie bi aba nnipa no mu a, eno nti ɔrehwe ama adee a anka esom bo ma obi no, asee kwa bere a anka obetumi asi anokwan ama no. Yei nti wokyerɛ se eduru

mmere bi mpo a, papa a onipa bi beye wo no, ese se woka ma afoforo ten a woko pe afoforo ka wo ho ma mo koda no ase eno na ekyere se dee nye maa wo no aso w'ani. Saa asem yi (Sarpong 1974) nso ka de foa so se, eye a na egyina onipa a nye papa no ne dee waye no papa no gyinabea wo abrafo mu so.

### ***63. Yema wo okyeame na woanni a, ahenkwa mpo bo wo***

Akanman mu, okyeame ye nipa titire a wontoto no ase koraa. Ono na egyina ohene ne ne manfo ntam. Ohene kasa fa okyeame so de kyere ne manfo na omanfo no nso afa okyeame so ne ohene akasa. Adee a ema ne tumi di mu yie pa ara ne n'akyeampoma a ekyere se wode tumi ama no se otumi gyina ohene anan mu di dwuma. Ne dwumadie bi ne se otumi yi apae, osi ohene ananmu wo adwabo ase, afei ahemfo nhyiamu ase nso, ohene antumi ako a, okyeame tumi si no ananmu.

Ahenkwa nso ye ahemfie nipa. Nye ohene akoo a wosomasoma no. Ne dwumadie ne se osom ohene na wosoma no ma no ma ode ohene nkra koma omanfo. Obi di nya asem wo ahemfie anaa se wokosaman obi wo ahemfie a, ahenkwa na wosoma no ma no kofre no ba. Yei nti mpanin se "ahenkwa na ma ohene ho ye hu". Ekwan a obefa so afre ne nterene a obebo nko ara tumi ma onipa no bo hu se oreko ohene anim.


Yei kyere se wode adee a esom bo hye wo nsa, na woamfa anidie ne anigye anye ankyere aniso wo ho na wo nwiinwii a, akoo adwuma mpo wonnya. Ekwan koro no ara nso, awaree mu mpo se wo kunu ye biribi ma wo, na woamma w'ani anso a, okyena dee esua kyen saa mpo wonnya.

Saa ara nso na abɔfra a woawofoɔ ye biribi ma na woamma wɔn anahunu se w'ani asɔ a, anhwe yie a wonnya biribi ara mfi wɔn nkyen bio. Yei nyinaa kyere se dee Akanfoɔ ani ku aniso ho a wode saa adwene no wuru nnipa mu ma no beka wɔn su ne wɔn ban ho.

**64. *Kɔmfo bɔne a watena ɔyarefoɔ ho ama ɔkɔmfo pa abeto no no, wɔnyi ne mu, ebia na ɔnim akyiwadeɛ bi wɔ baabi***

**ɔman ho dɔ**

Adee baako a nnipakuo biara ani gye ho na wɔbɔ mmɔden se obiara benya bi ne ɔdɔ a onipa wɔ de ma ne man. Saa esu yi na Akanfoɔ nso bɔ mmɔden biara se wode bi bewura wɔn mmɔfra mu na wɔn anya ɔdɔ, ahofama ne atuwohoakye honhom de ama Asanteman. Saa nneema a yi na esombo ma Asanteman na eno so na egyina maa Asanteman beyee ɔman keseɛ. Yei nso na ma Asante tumi de ne nsa si ne bo kasa hoahoa ne ho.



Mme a edidi soɔ yi boa ma yɛhunu sedee ɔman ho dɔ da adi wɔ Akanfoɔ dwumadie ahodoɔ mu.

**65. *ɔbaako nye ɔman***

**66. *Obi mfa ne sa benkum nkyere n'agya amamfo so***

Nsa benkum ye honam akwaa no mu baako. Woba Akanman mu a, adeɛ a enye na yede nsa benkum ye. Atantaneɛ bi te se sebe agyanae, efeɛ, ntomagofi, adeɛ a atim fam a enye akɔnnɔ na wode benkum ye. Esiane se wode benkum susu adebɔne ne nneema a enye papa no nti, Akanfoɔ nsosɔ nsa benkum a wode kasa so. Obi de ne nsa benkum kasa kyere nipa a, ne titire panin a, wɔbu saa nipa no se obi a ɔmmu adeɛ a ɔnni ntetee papa.

Agya nso ye papa a enam ne so a onipa bi nyaa nkwa baa ewiase. Akanfoɔ wɔ gyidie sɛ, agya sunsum na ɛkata ne mma so a ɛbɔ wɔn ho ban. Saa asem yi Prempeh (2002) nso aka wɔ ofa a ɛtɔ so mmieniu no mu sɛ Akanfoɔ bɔ wɔn agya ntɔn/ ntorɔ a ɛye agya no bosom a ɛkata ne mma soɔ. Onipa a ne sunsum kata wo so deɛ, wommu no animtia mfa wo nsa benkum nkyere ne fie kwan.

Yei na Akanfoɔ de aye nnyinahɔma de ama ɔman ne emu nnipa. Ɖɔɔ ne ahofama a ɛtwa sɛ ɔmanfoɔ nya ma ɔman no. Saa adwene yi boa ma Akanfoɔ de ɔman ho ɔ wura wɔn mmɔfra mu. Wɔde kasa kyere wɔn sɛ, sɛdeɛ ɔman no tee, emu nnipa- mpanin ne mmɔfra, mmarrantɛ ne mmabaawa, nkɔkora ne mmerewa, adehyɛ ne nnɔnkɔ ne wɔn a wɔkeka ho tee biara no, wɔnnka wɔn ho asem bɔne nkyere obi. Sɛdeɛ ɛbeyɛ na ɔman no anim bɛba nyam wɔ aforɔ anim nti, akwan biara so no, ɛtwa sɛ wɔgyina ko nkoden, ka asem papa fa ɔman no ho kyere wɔn. mpanin sɛ: “obiara ntomago ye no ade”, yei nti mfa ho ne porɔɛ ne nneema a ɛreko so a ɛnye, nni kwan sɛ woda saa nneema no adi wɔ abɔnten ma no gu nnipakuo no ho fi.

### ***67. Ɖkɔmfo bɔne sɛ ɔman bɛbɔ a ɔte mu bi***

Akɔmfoɔ ye nnipa bi a, wɔhunu sunsum mu nsem, a ahonhom nso fa wɔn so ye adwuma. Esiane saa tumi soronko yi a wɔwɔ no nti, nnipa suro wɔn a wɔntoto wɔn anum nsem ase koraa. Wɔka asem bɔne fa ɔman ho a, wote mu bi saa ara nso na sɛ wɔhyɛ nkɔm papa ma no ba mu a, ɛno nso wote mu bi. Akanfoɔ wɔgyidie ne adwene sɛ, wote nipakuo anaa ɔman mu na sɛ woku wo ho som ɔman no ma ɔman no di yie a ɛso aba pa no wonya ho nsunsuansoɔ. Asem pa ara a wɔn a me ne wɔn twetwee nkɔmmɔ no ka faa saa asem yi ho ne sɛ, Akanfoɔ ye nnipa bi a, wɔdwene daakye ne nkyirima ho kyɛn mprenpren. Na



wɔhunu se adee biara a ebasi daakye no, papa oo, bone oo, egyina dee ebeko so nne na ede daakye no beba. Wode akomfoɔ a oreka nsemone bi afa ne man ho ama no aba mu no agyina ho ama nneyee bone a nipa ye a emma oman ntumpɔn.

Yei nti wose se woreye adee na wotene wo ho ye no yie esiane oman ho do ne nkyirima nti a, woankasa nso wohunu ho mfasoɔ a ede bebre wo. Yei nti woamma oman no ho do ato w'akoma so na wodi aboro a, ebi a, na wonya nwui na eso nsunsuansoɔ bone na abeto wo kwan so.

### **Nkabomu ne Baakoye**

Adee baako a ema nnipakuo, abusua ne oman tumi gyina na wodi won ho so ye nkabom ne baakoye. Saa esu yi nso ye esu baako a eda ne ho adi wo Akanfoɔ asetena mu yie pa ara. Yeadi kan aka no wo ofa a eto so mmienu no mu se, ebe da oman bi amammere ne won nneyee adi. Mme ahodoɔ a edidi so yi ma yehunu se Akanfoɔ ntoto nkabom ase koraa wo won daa daa asetena ne won a nti wode nneema bi aye nnyinahoma de ama saa adwene yi:

### **68. Onipa nua ne nipa**

Yeye nnipa yi, nipa ne ne nua nipa na ebeko na enye se be mmoa. Mmoa mpo, woka won ho ko nnipa a wogyegye won ani ho. Akanfoɔ ka se 'onua' na enye nipa a wone no ye nniwaamma anaase agyamma nko ara na woye anuanom. Mmom woka ma no tra so koka abusua tenten no nyinaa. Se ekoba se Akanfoɔ mmienu kɔhyia wo akwantuo mu mpo, na wonnim won ho, na se wobehunu se wofiri kuro, mansini anaase mantam baako mpo a, wobu won ho se wo ye anuanom. Na ekyere se emfa ho se wonye mmogya koro.

Wode onipa agyina ho ama onipa ne sedee anuanom ye won nneema fa. Adwene a ewo mu ne se, sedee obi ye nipa na owo atanka na ope se afoforo ye ma no no, ono nso nya saa tema no bi mma afoforo. Woda saa esu yi adi, na wode saa ebe yi ato mmofra tirim se, onipa biara a wobehyia no no ye wo nu nti di no ni, boa no wo ahokyerε berεmu. Bio, esiane se woyε anuanom nso nti, womfa nkabom ne odo nye won adeε na womfa koroyε mmε won bra.

**69. Prae wo ho yi, woyi baako a εbu, woka bomu a εmmu**

Bere biara a nipa bi pe se osee prae no, odikan tutu gu ho ansa na woayiyi no maako mmako atutu apansam na se obebubu mu nso a wabubu. Saa nsemmeone yi, mmofra pa ara na wotaa di. Saa prae korε yi ara, εbomu a, obrane ohoodenfoε mpo ntumi mmu baako mpo mu. Nti wode prae aye nnyinahoma sedee mmofra beka won ho abom na ahooden wo won dodoo ye no mu kyen se wobegyina ankorankore. Asem a wode saa ebe yi ka de to won tirim ne se, bere biara etwa se woma koroyε ne asomdwoee tena won ntam. Bere biara a wobema won ho kwan ama basabasaeε aba won ntam na woabo ahwete no, na won ahweaseε ne won fambo na worehwehwe.

Wonam saa asem yi so san de to mmofra tirim se, womma obiara kwan mma womfa nsem a εbetete won ntam mmewura won mu. Saa ara nso so na mma won ankasa nso mfa won suban bone bi mfa mpaapaemu mma won mu, na ama won atumi agyina se nnipakuo baako de ako de apre oman no nkosoε ne ne yiedie bere a

**70.. Obaako were aduro a egu**

**71. Dua korε gye mframa a εbu**

Onyankopon de tumi adura nnua ho ne nhahama mu a wode sa nyarewa ahodoɔ. Wofa dua baako a, efiri ne hini so de kosi n'aba so no, baabi ara tumi sa yarewa bi. Eduru bere bi na se dua no abena no mu na aduru no wo a, etwa se wo werewere aduro no firi dua no ho. Mpen pii no, esiane se wowerewere a, mframa tumi bo aduru no hwete ma dee oredi saa dwuma no beregu. Saa adwuma yi se nnipa baanu anaase baasa na wodiie a, nka mframa mmɔ ngu mma nipa no mmere ngu.

Wode baakofoɔ a orewere aduro a mframa ho aduro no ma no see kwa yi agyina ho ma onipa wogyae no kontekorɔ ma no ye biribi sedee obere fa. Wode saa asem yi kyere sedee tumi ne ahoden wo dodoɔ ne nkabom mu. Se nnipa dodoɔ ka bom di dwuma a entaa nsee.

### **Esu ahodoɔ a Akanfoɔ kasa tia**


Sedee Kovecses (2002) aka afa sinto a ewo saa tiori yi ho a eye mapping no saa ofa yi a maduru so yi, eye den se metumi de tiori no adi dwuma esiane se eduru baabi a wonhunu dee eregyinahɔ ama ofoforo. Akanfoɔ abebuo mu no, sedee wodeda esu ahodoɔ ne nneema papa a wope se won mmofra sua na eboa won abrabɔ mu no, saa ara nso na wowo esu binom nso a, wonsoso so koraa a wɔbu no animtia a wokasa tia nnipa a woda saa suban no adi. Saa esu bi na edidi so yi sedee epue wo abebuo mu:

## **Asisie**

### **72. Worewe efoɔ nsa a, na woahwe wo nsa**

Efoɔ ye nwuram aboa bi a efiri adoe abusua mu. N’anim se nipa kakra na ne nsa te se onipa dee perepere. Nti wohunu efoɔ nsa na wode toto nipa nsa ho a, wobehunu se eye perepere. Aadwene a Akanfoɔ wo fa ofoɔ nsa ho no na wode ye nnyinahoma ma adebone a nipa de ye ne yonko a onwene ne ho se ote se ono ara. Yei kyere se dee nipa ye tia ne nua no etwa se onya tema ma no na ohunu se ebetumi aye ono ankasa. Nti se woressi obi a, daakye saa asisie korɔ no ara, obi nso besisi wo bi. Ne saa nti dee wodereye wo nua biara no dwene ho mmienu na hunu se wo ankasa na woreye wo ho.

Dee Akanfoɔ de hye mmofra ne won atiefɔɔ tirim ne se, onipa dee wobeye biara no, dwene ho hunu se eye wo anka ebeye wo de anaase wobetumi agyina ano anaa? Wode kasa tia asisie na wompe se won mmofra besua saa suban bone yi.



### **73. W’ani te bebree a woma apɔnkye akye**

Apɔnkye nye aboa papa. Oye aboa bi a n’aso ye den yie a wodi ne ho agorɔ a obema woatumi ahyia nkwanhyia wuo anaase woanya amanne. Wode apɔnkye regyina ho ama onipa a onye, adee a ne nsunsuansoɔ no nwie yie. Nti se Akanfoɔ ka saa asem yi a, na ekyerere se, woma w’adwene ye wo se, wonim nyansa na wode wo nyansa no besisi nnipa a, wode w’asem befoforo otirimuɔdenfoɔ bi anaa kotweberɛfoɔ bi a, wobenu wo ho. Obi a asisie nti wobeye w’adwene se yei dee nka merebu no seesei ara na nka makɔ no, wobeko akoto onipa bi a, ono dee omfa asem nkye, onnyae asem mu mma no nka. Saa onipa no

worentumi nsisi no nkɔ mfa wo ho tɔtɔrɔtɔ. Obi wɔ ho a ɔmfa nkyɛ, ɔtumi bɔ wo dua wɔ asisie a wo asisi no ho.

Adwene pa ara a wɔde hyɛ mmɔfra yi tirim ne sɛ, wɔnnyɛ wɔn adwene sɛ wɔbetumi asisi obiara atwi afa ne so akɔ a, ɔbenya ne ho tɔtɔrɔtɔ a saa onipa no behwe no hann. Wɔbetumi asisi nnipa nyinaa nanso nye obiara na wɔbema wo ho adi.

#### **74. *Nsuo taa aponkyerɛni a, ɔgye wɔɔ***

Aponkyerɛni yɛ aboa a ɔtumi tena nsuo mu ne asase so, na mmom ne tenabea pa ara ne nsuom. Sɛ nsuo no nya nyiriɛ a ɔpɛ, sɛ nsuo no dɔɔso mpo na sɛ ɔtumi da mu pagya ne ti a, ɔpɛ. Nanso nsuo no beyiri boro so a ɔnya baabi ntumi mpagya ne ho mfiri nsuo no mu kakra a ɛgye wɔɔ, afei na ɛreyɛ dede. Ne titire pa ara ne nsuɔ bere a nsuwa nsuwa ayeyɛ ma. Kyere sɛ baabi a ɔda no ɔmpɛ. ɔda nsuom deɛ, nanso aboro so, ɔmpɛ no saa. Saa aponkyerɛni yi yɛ nnyinahɔma ma nipa a ɔwɔ tebea bi a ɛnye mu nanso ɛnha no, na mmom ɛboro so deɛ ɔkeka ne ho. Nipa biara ne ne yɔnko nipa na tena, nipa ntumi ne aboa ntena saa, nti ayɔnkofa a ɛda nnipa binom ntam. Ne saa nti da biara nka wɔrehwehwe sɛ ayɔnkofa mu no, pɛpɛpɛyɛ beba. Sɛ amma no saa a, na dabiara wosisi no a, ɛɛboro so ma no, ɛba saa a, ɔbekasa mu.

Deɛ wɔreka ne sɛ, nipa na ɔne nipa betena. Na mmom, asisie a wode resisi no a ɛyɛ wo sɛ w'ani ate kyɛn no no, ɛɛduru mmere bi a, ɛɛmɛɛ no, aboro ne so ama no akasa mu. Ne saa nti adeɛ a wode ayɛ wo nua bi a n'ani nnye ho no, ntɔ nkɔ so mfa nye no na ne bo befu wo dakoro. Bio, nnipa no sɛ wosisi no na ɔnkasa a ɛno nkyere sɛ ɔnhunu sɛ

woresisi no, se woannyaɛ a, ɛbere bi beduru a, ɔbɛkɛka ne ho ama wo ahunu se ɔnye gyimini.

**75. Wopam ohufɔɔ a, woto no barima**

Ohufɔɔ ye onipa bi a, obi fom no a, ɛha no nanso ɔsuro se ɔbɛka ho asem akyere nipa korɔ no. Ɔye onipa bi a, suro ahyɛ ne ma. Ɔreyɛ biribi a, na ɔredwene nsunsuansoɔ bone bi a ɛbetumi asi akyire ho. Ɔkanni ka se barima a, na ɔye onipa kokooɔdurufɔɔ. Ɔye obi a ɔnsuro adeɛ, na adeɛ biara a ɔreyɛ no, ɔmfa ho ne nsuansuansoɔ a ɛɛfirim aba, wayɛ krado se ɔbɛgyina ano.

Yei nso kere se wosisi nipa no ara dakoro ɔbɛkasa mu. Ɔbɛma wo ahunu se ɔnsuro wo, ɔnye ohufɔɔ se ɔbɛma wo ahunu se wore sisi no. Asisie a woressi no a, ɔnkaa ho asem no nkyere se wagyimi na ɛberebi beduru a ɛɛfono no ama woahunu ne barima a ɛwo ne mu. Ɔye ohufɔɔ a ɔmpɛ se ɔne ayɔnkofa a ɛda ɔne nipa no ntam besɛɛ, nanso asisie no to ko so a akokoɔduro bi wo ne mu a, ɔbɛkyere ne mmarimasem wo wo so da bi.

Deɛ wode hyɛ mmɔfra adwene mu ne se, abrabɔ mu no, woreye obi biribi na ɔmfii wo a, ɛno nkyere se ɔntumi nye biribi mfa ntia wo, ɔbetumi nanso ebi a, na ɔbu ayɔnkofa a ɛda mo ntam. Da biara woressi no no, ɔnnyimii, da koro bi ɔbeyi ne suban bi akyere wo a, wobenu wo ho se woyɛɛ no saa.

**76. Obi nhuhu mma obi nkeka**

Aduane a ɛye hyɛ biara wɔhuhu ansa na wakeka adi. Onipa a wɔhuhu ma no dwo no, ɔno ara na ɔkɛka n'adeɛ di. Wɔkyereɛ mu se, obi tumi bere ye adwuma a ɔnya mmoa mfiri onipa biara nkyɛn. Ɔredi akɔneaba nyinaa ɔno nko ara. Saa nipa yi wie na mfasoɔ ba so a,

onhwehwe se obi begye ne nsam. Eba se obi a woammere bi bedi so mfasoo a, na eye asisie ne kwaseabuo. Saa nneyee yi tumi de ohaw beto adofoo ntam. Abusua mu mpo etumi de ntawantawa ba.

Saa asem koroo yi ara wosan kyere mu se, abrafo mu no, abofra no amma n'ani anye den a, onipa besisi no abu no kwasea a oberebera ama obi asisi no adi so mfasoo. Yei nti dee Akanfoo ka de hye won mmofra tirim ne se, ewiase yi mu obi mmere mma obi nni no kwa. Ne saa nti wope se wodidi a, wope se wogyee w'ani wo abrafo mu ma wo ho to wo a, bere wo mmogya ani siam mfifire pe wo dee.

### **Anidaho ne Ahweyie**

Adee baako a ewoo nnipa binom ho a se wo ne won hyia na woamma w'ani anna ho a wobetumi de aye wo ne kwaseabuo ne asisie. Saa adwene yi na Akanfoo mpe se mmofra beto sini wo mu nti wode wura won mu se woamma won ani nna ho wo akwannuasa nyinaa mu. Woda saa adwene yi adi wo abebuo mu, ebi na edidi soo yi;

### **77. Kwaterekwa se obema wo ntoma a, tie ne din**

Kwaterekwa ne obi a onni bi a oda adagya. Onni ntoma mpo de kata n'adagya so, nti n'adagya da ho da bi ara. Onni ne ho hwee. Yei nti obi a onni hwee de kata ono ankasa n'adagya so, na oreka akyere wo se obema wo ntoma, etwa se wohwe no yie esiane se ne din kwaterekwa no koraa kyere dee oye. Adwene a etae saa kwaterekwa yi ho ne se, obi a oda adagya a ose obema wo ntoma akata w'adagya so no dwene ho mmieniu.

Saa adwene yin a Akanfoɔ de gyina so ka kyere wɔn mmɔfra adwene mu sɛ, obi se ɔbeyɛ biribi ama no a, esɛ sɛ ɔma n'ani da ho yie pa ara. Obi ka sɛ ɔbema wɔn biribi anaasɛ ɔbeyɛ biribi ama wɔn a, wɔnhwe yie na wɔmfa wɔn ani nto fam na wɔn hwɛ nipa no abrabo sɛ ete ɔman no mu. So emmoa no a ɔreka no nipa no betumi aye anaa? Yei na nnipa bebree fa so de daadaa nipa. Nti etwa sɛ wɔma wɔn ani da ho wɔ biribi ara onipa no aka ho nye saa a ebewie akyire yi na wɔn adepa bi ahwere wɔn. Esiane sɛ biribi a ewɔ wo nsam na ɔrepe agye afiri ne nsam. Nti etwa sɛ mmɔfra nyinaa ye ahweyie na wɔma wɔn ani da ho wɔ wɔn asetena mu na wɔmma wɔn adwene ye adwuma ntem nye saa bere biara obi bebɔ wɔn kwasea.

**78. *Kontomponi se ɔnne wo beforo dua a, ma no nni kan***

Kontomponi ne onipa a ɔnka nokwerɛ, na ɔnni nokere wɔ ne dwumadie mu akwannuasa nyinaa mu. Saa onipa yi se ɔne wo beforo dua a, esɛ sɛ wohunu sɛɛ mnaadaa na ɔredaadaa wo. Ne saa nti ma no nni woanim kan na ɔmforo, se ɔforo na eye yie a, won so woaforo bi. Dua a ɔne wo reforo no nso ne sɛ, ɔde wo refiri tebea bi mu ako tebea foforo mu a ede anigyɛɛ bebɛre wo.

Saa adwene yi na wɔda no adi se, obi se ɔne wo betu anamɔn a, ma no nni kan. Saa onipa yi ɔdaadaafɔɔ a ɔse ɔde wo refiri fam ako soro, ɔde wo refiri tebea bi a enye mu ako tebea a eye mu. saa onipa yi ye ɔdaadaafɔɔ a wahunu biribi papa bi wɔ wo ho a n'ani gye ho a ɔpɛsɛ ɔgye na ɔde saa bohye yi ama wo nanso ɔboa, ɔntumi mmoa wo.

Akannie a worema kontomponi adi kan no ne sɛ, ɔse ɔbetumi aboa wo a, ɔnhyeaseɛ mmoa ɔno ara ne ho, na abrabo ntumpɔn mma no, ansa na woagye no adi se ampa ɔbetumi agye wo adi. Na deɛ Akanfoɔ dekyere mmɔfra ne sɛ, abrabo mu no, obi se




ɔbetumi ama wɔn anya biribi papa bi wɔ abrabɔ mu a, wɔmma saa nipa no mfa n'abrabɔ nni adanseɛ ansa na wɔn agye no adi. Anyɛ saa a, wɔn ani beba wɔn ho so no na wahwere nnepa a ekura wɔn.

**79. *Ti nyinaa sɛ na emu nsem nye pɛ***

Tiri biara yɛ tire, ebi deɛ sua, ebi nso so. Ebi atikɔ ware na ebi nso moma na ɛso. Etire no bi abembam na ebi nso ayɛ kurukuruwa kama. Ne nyinaa ka bɔ mu a, ɛyɛ etire nanso emu nsem nyinaa ntumi nye pɛ.

Wosusu sɛ woahunu wo nua nti asem biara a ɛbɛfiri ne tirim aba biara te sɛ wo tirim asem a, wo boa, ɔbedaadaa wo. Nti na mpanin sɛ etuo mu yɛ sum. Nti deɛ etiri bi resusu kyere wɔn nne no, wɔn ani anna hɔ, na wɔhunu no sɛ wɔn tirim yɛ fann nti obiara nso tirim te sɛ saa, wɔbeyɛ mfomsoɔ. Ne nsusueɛ a ɛwɔ ne tirim no nko, wɔdwene sɛ ɛyɛ pɛ a, ɛbewie aseɛ no na wadaadaa wɔn, ɔbebu wɔn a, wɔn ani nna wɔn ho so.



Yei nti deɛ Akanfoɔ de hyɛ mmɔfra yi tirim ne sɛ wɔamma wɔn ani anna hɔ a, obi bebu wɔn afa so. Nipa na wɔsisi ne yɔnko nipa, obiara nso bedi saa bone yi a, ɔdwene ho wɔ ne tirim ansa na wayɛ.

**80. *Etire ntesɛ borɔfrɛ na yapae mu ahwɛ***

Te sɛ deɛ yeadi kan aka yi ara, borɔfrɛ yapae mu a, yɛhunu deɛ ɛwɔ mu, mma dodoɔ a ɛwɔ mu mpo yetumi kan ma ɛyɛ yie nanso etire deɛ ente saa. Etire yɛ kurukuruwa te sɛ borɔfrɛ deɛ nanso sɛ yapae mu no nye pɛ. Borɔfrɛ bi wɔ hɔ a, wɔpae mu a, apɔpɔ nko ara

na sisim, ebi nso wo ho a aba mpo nnim, yei ma wohunu sedee borofre no tee se ebeye de anaase asem foforo. Nanso etire dee ente saa.

Yei kyere se asem a ewo obi tirim no wontumi hunu gye se oda no adi. Bere a obetumi ada no adi akyere no, na wasisi wo awie ko. Nti ewo se woma won adwene ye adwuma ohare so na won ani da ho.

#### **4.2.7.3 Anibere**

Esu baako a ede nnipa ko osese mu ne anibere. Etumi ye sika anibere, adee bi a obi wo a onno nni bi, ne dee ekeka ho. Yei nti, Akanfo nam abebuo ahodo bi so twe mmofra adwene de si so se womma saa suban yi mmetena won mu. Yei nom bi ne;

##### **81. *Sikanibere da owuo afa***

Saa ebe yi tra mu de ye befa no sika a se obi n'ani bere di akyire pii a, ebetumi de no akowie owuo mu. Yeka se obi ani bere sika a, kyere se baabi ara sika panpan firi ba biara ode ne tiri bewura ho akope bi. Yei na wose saa anibere yi da owuo afa. Tumi biara a yetumi de gye biribi firi obi nkyen anaase adee biara a ema adee bi bedi wo nsam biara ye sika. Saa nneema yi nso na wobere ansa na woanya. Wokyere mu se, kane tete no woka sika a, na eye sika kokoo, sedee mpo nkyene nso ka ho, esiane se na esommo pa ara na wotumi de sesa nnipa mpo.

Ohaw a ewo ha ne se, obira a orepe sika no, nsesa no fam kwa. Obere wo mmogya ani na wanya. Na adwuma biara nso woye adwene se wobere saa sika no, emfa ho ne dee wobefa mu a, anhwe yie a, woko a wontumi nsan won akyiri mma won tebea anka na eye

papa no mu bio. Yei nti dee wɔreka ne sɛ, nyɛ adwuma biara na ɛtwa sɛ nnipa de n'ani di akyire bebree sɛ wɔbɛpɛ ɛho sika adi na anhwɛ yie a, na ɛde animguasɛɛ, ɛkabɔ abusua ntetemu ne nneɛma a ɛmfata na ɛreba.

Wɔn a mene wɔtwetwee nkɔmmɔ no bi kyere mu sɛ, nyɛ sika nko ara na saa asem yi gyina ho ma na mmom, tumi. Wɔkyere adeɛ a ɛbetwe wo ama woani abere sɛ kwan biara so ɛsɛ sɛ wo nsa ka biara ye sika a anhwɛ a, ɛde wɔbɛkɔ ɔsɛɛ mu. Nipa bi tumi nya tumi a ɛsiane sɛ ayɛ no de nti, ɔkɔ so pɛ bi ka ho a, ɔnnwene kwan a ɔbɛfa so ama tumi no abɛka ne sa ho. ne dee ara ne sɛ tumi no na n'ani di akyire, na ɛtumi de no kɔpue ɔsɛɛ mu.

Nti dee Akanfoɔ de kyere mmɔfra yi ne sɛ, wɔmmere mpe sika, tumi, dee ɛbɛma wɔn ho ato wɔn wɔ abrabɔ mu na wɔn abrabɔ no atumpon nanso wɔmma wɔn ani mmere pii sɛ kyenkyenaa ɛtwa sɛ wɔn ns aka nyɛ saa ɛnwie wɔn yie. ɛsiane sɛ wɔma wɔn ani bere saa adeɛ no sene wɔn nkwa a, see na wɔbɛsee wɔn abrabɔ. Nti mmɔfra nsusu ma wɔn ani mmere adeɛ.

## **82. Nyɛ dee ɛhyeren nyinaa na ɛye sika kɔkɔ**

Sika kɔkɔ bere, nti obiara hunu a, ɛma n'ani bere sɛ ɔnya a ɔpɛ. Sika kɔkɔ fag yam ansa na abere ayɛ hyenn ama obiara a ɔbɛhununu no ani agye ho sɛ ɔnyaɛɛ a anka ɔpɛ. Nneema bi wɔ ho a wɔhununu a ɛbere a mma wɔnyɛ adwene sɛ ɛbere no dee ɛye sika kɔkɔ ɛsiane sɛ ɛbia na ɛntumi mfa gya mu, ɛbɛsee ne bɔbea- anhye a, ɛbɛnane. Ne kɔkɔ, ne bereɛ ne ne hyenhyen a ɛye no nkyere sɛ afa gya mu na aduru saa tebea no mu, ɛbia na kwan foforo bi a ɛda fam a ɛtumi ma biribi duru saa tebea no mu na ɔfaɛɛ. Nti wontumi mfa ntoto sika

kɔkɔ ho mma no nye yie. Ekyere se abrabɔ mu no, nnipa nyinaa ntumi nye pɛ, obi ahonya a w'ani di akyire no, ebia na enye sika pa, ɔkwan a ɔfaa so dii yie no asem wɔ ho.

Dee wɔde to mmɔfra adwene mu ne se, dee wɔkura mu no wɔnhwe no yie na wɔmma no nsommo mma wɔn na obi dee wɔde wɔn ani bedi akyire no, ebi mpo a na wɔn dee no na eyɛ. Kenken kwa hwee ntuum.

**83. Woma w'ani bere adeɛ a abere pii a, woyi dee aporo**

Aduaba biara a porɔ, na se ebeporo a gye se abere ansa. Ebere boro so a, na asi porɔee kwan mu ara ne sa. Esi saa tebea yi mu a na etumi porɔ. Ne saa nti se obi reyi bi na se ɔma n'ani bere se kyenkyenaa dee aɛ aye sonn na ɔpe a wanhwe yie a, na dee aporo anaa asi porɔ kwan so na ɔrekoyi.

Abrabɔ mu no, eduru bere bi na etwa se nipa si gyinaee bi a, na ato nkyere ho, etumi ye adwuma pɛ mu, awaree mu, adekye mu ne dee ekeka ho. Onya yei a ɔmpɛ, ɔpe foforo, ɔnya eno nso a, ɔmpɛ ase wei beye oo, afei n'ani mmera ne ho so no, na wakɔhyia dee emmoa no wɔ n'asetena mu koraa. Se abayewa bi si so a, ɔtumi di sika akyiri saa danedane mmarima a anka wobɛtumi aware wɔn, nanso ebewie akyire no, dee ɔbefa no, ɔwɔ sika dee, nanso ɔnhwe yere. Nti se ne sika nti na ɔkwaree ɔbarima no a, watu dee abere aporo.

Yei nti dee wɔka kyere mmɔfra ne se mma wɔmfa wɔn ani ntoto nnipa bi yiedie ne wɔnkɔsɔ so na wɔnye mfomsoɔ wɔ agyinasie mu. Dee wɔn nsa kura mu no, eyɛ ma wɔn a, wɔnhwe so yie na biribi papa bi betumi afiri mu aba.

**84. Woamma wo yɔnko antwa ankɔ a, wo nso wontwa nnu**

Woretwa kwan akɔ baabi a, ɛkyere se woretu anamɔn akɔ w'ananim. Saa ɔkwan korɔ yi ara wo yɔnko bi nso te baabi a ɔno nso afa adwene se ɔpe se ɔkɔ hɔ bi nsti ɔno nso ahyɛ aseɛ retu anamɔn. Se wo ye w'adwene se wobegyegye no adi no aborɔ a, wɔn nso wonnya kwan nkɔ. Esiane se, eberɛ a anka wode behwe so atutu w'anamɔn akɔ anim no, saa bere yi ara na woresɛe no wo yɔnko anamɔntuo hɔ a woresi no kwan no. Yei nti, bere a wompe se wonko bekɔ n'ananim no, wo nso wontwa nnuru beaɛe a wo pe se wo kɔ no. Esiane se mo baanu no nyinaa da so gyina kwan mu enam aborɔ a woredi wo yɔnko no nti. Nti se woma wo yɔnko twa kɔ a, na wɔn so woatumi atwa akɔduru hɔ bi. Ebetumi mpo aba se wobɛduru agya no.

Ne nyinaa ne se, woreboa obi ama no atumi akɔ n'ananim no, na ɔno nso atumi abeboa wo daakye a wonni ahɔden a wode beyɛ biribi. Ebia abusua mu no na biribi kakra wɔ wo nsem nne, aborɔ nti, a wompe se obiara ne wobeyɛ pe nti wommoa obiara. Abusua agyapadeɛ a ɛse se abusua panin de hwe wɔn a wɔnni bi wɔ abusua mu no, na ɔde rehwe ne yere ne ne mma. Mpen pii no ne mma no mpo mmeye yie wɔ abrabɔ mu.

Ekwan baako nso ne se obi reko ko n'anim no na ne nua bi nso retwe no san wo abrabo mu esiane aniberɛ nti. Nti dee Akanfoɔ ka de kyere mmɔfra na wode tete won ne se, wonyi aniberɛ, ahooɣea ne aboro akwa. Na wommoa won ho won ho, na won dee nso aye yie ama won. Se wodi won ho aboro a, abrabo no nko yie mma won. Se obi reko so na se wowo ho ahoden se wɔboa no a, wommo no, na wonhwehwe yiedie mma no. Eba saa na se oko n'anim a, ebetumi aboa ama daakye ne so aba mfasoɔ ama obiaa.

### **Adefudepe**

Adefodepe mu no, onipa a okura saa esu yi no, ofom adee a ope se dodoo no ara bedi ne nkyen. Eba saa onnwene dee ebeto ne nua wo suban a wada no adi no ho. Okwan a obefa so ama ne nsa aka adedodoo no nso nye no asem. Bere biara na ofom adee, na orekamekame nneema. Saa esu yi na Akanfoɔ mpe se won mmɔfra besua na wode aseɛ won ho nti wode mme binom kasatia;

### **85. *Ekom de wo sen mpo a, womfa wo nsa mmienu nnidi***

Obodeɛ nhyehyeeɛ mu no, mmoa de won ano fa aduane wo fam na wodie na onipa nso de ne nsa didi firi ayowa mu. Onipa nsa wo nsa mmienu nanso baako pe na otumi de didie. Akanfoɔ mfa won nsa benkum nnidi, onipa no ye abenkuma mpo a, ode nifa na bedidi. Dee yafunu gye ara ne omee, onipa biara hwehwe aduane akyiri kwan ko n'ano bere a okom de no. Emfa ho ne sedee okom no adosa no afa, ode ne nsa baako na ebetidi. Wontumi nhwe kom a ede wo no so na womfa wo nsa no mmienu nyinaa nnidi. Nti sedee okom no tee biara a woanya aduane no nkyere se won nsa mmienu no a wode behyehye mu no na ebema okom no ako. Aduane no koraa betumi atwi wo ama no afa wo bone. Bio, nsa mmienu no mpo, baako ho nte mma okanni se ode befa aduane ako n'ano.

Okom no betumi aye adee bi a abehia onipa bi wo abrabo mu na wabere a ne nsa aka bi. Ekoba saa, nye se woabere anya bi nti worefom a wonnwene wo nnuanom a wonn aka ho. Nti biribi a onipa benya no onto ne boase wo ho anye saa awiee no nkowie yie mma no nsunsuansoo papa.

Saa asem yi si wo abusua mu, nnamfonom ntam, adwuma mu ne mmeeee ahodo pii a nnipa hunu won ho wo ho. Nnipa fom pe nneema a nka one afororo bekye ma ne fom no mu no, won mu binom tumi hwere adee a esom bo ma won. Adekoroo no a worefom no kora ebi tumi see kwa ma no hwere won, eba saa na bere a wobere wo ho no mpo mfasoo biara amma so. Saa suban yi nso Akanfooo kasa tia wonsosoo so koraa, se abofra bi da bi adi a, wotwi n'anim sedee ebeye na onsan nkoye bio.

**86. *Wo nko wodidi a wo nko wo ne***

Madi kan akyere saa ebe yi ase dada, adefudepe mu no, saa ebe yi san da ne ho adi wo ha. Ade ba efie na wo nko ara wokame fom ne nyinaa ba wo afa a, nsunsuansoo bone biara a ebese akyire no, obiara mma mme ye wo mmoa. Wo nko ara na wobesoa eso asotwe. Obi pere efie agyapadee nnyinaa ma ne mma, a onnwene dee ebeto nwisiaa ne nnyanka a wowo abusua no mu a, ne wuo akyi no abusua no tumi yi mmofra no baako ma won. Se mmofra yin so anahunu won ho so hwe a, wotumi bobo asesa ma agyapadee a wofom gyaa won no nyinaa hwere won. Ekoba saa na mfasoo biara amma dee woyeee no so.

Nti se abofra bi fa saa esu yi a, dee ebe no reka ne se esiane se wafom a wannwene ne nuanom ho nti, dee ebefiri mu aba biara papa oo, bone oo ono nko ara na obesoa.

## **Akwadworɔ**

Nnipa pii abrabɔ agyigya a da biara wɔde soboɔ bɔ nnipa binom sɛ wɔn na wɔn ayeyɛ yie nso wɔmfii wɔn esiane akwadworɔ nti. Akwadworɔ nti nnipa binom abrabɔ aka akyire na nnepa ne akwanya papa bi a wɔnyenyaeɛ ahwere wɔn. Saa suban ne nneyɛɛɛ yi ka suban bɔnee a Akanfoɔ yi no akwa a wɔmpɛ sɛ mmɔfra besua bi koraa. Mmɛ bi a wctumi de kyere sɛ wɔnsosɔ so no bi nie;

### **87. *Anomaa antu a, ɔbuada***

Anomaa nyini duru baabi a, ne ni mpɛ aduane mma no bio. Ɔno ara na ɔpɛ n'aduane obi mpɛ mma no bio. Ne saa nti da biara ɛtwa sɛ ɔtu anyɛ saa a, ɔnya aduane nni, ɛbedɔ kɔm. Anomaa nso ye aboa bi a, ɔmfɔ aduane nsie nti da biara ɔkyini kɔpɛ aduane.

Yede ba abrabɔ mu ne onipa asetena mu a, onipa nyini duru tipɛn bi a, awofoɔ nhwe no bio. Ɔno ankasa bere ne mogya ani ye adwuma de hwe ne ho. Esiane sɛ wɔaduru sɛ awofoɔ nhwe no bio no nti, sɛ ɔye akwadworɔ na wampɛ adwuma ɛkɔm na ɛdosa no, na ɛno nso na ɛma nnipa pii de wɔn ho wura abrabɔ bɔne ahodoɔ mu no- korɔno, baasibera, awudie, ntɔkwa basabasa ne atutrasem mu no.


Akanfoɔ de saa ɛbɛ yi kyere mmɔfra sɛ, abrabɔ mu no, wɔmfɔ wɔn ani nto obi so. ɛtwa sɛ mmɔfra no ankasa yere wɔn ho na wɔbɔ wɔn ho so na dee ɛbɛboa wɔn ama wɔn nsa ako wɔn ano no wɔmmɔ ho mmɔden na wɔnyɛ. Esiane sɛ wɔn ankasa wɔnakɔ a, obiara mmere mma wɔn mmɛdi, na ɛde ohia nso na ɛbɛbere wɔn. Akwadworɔ nti, nneema pii ho behia wɔn.



Bio, mmɔfra mfa wɔn ani nto obiara so wɔ abrabɔ mu, wɔnyere wɔn ho nye adwuma den. Sɛ wɔpɛ sɛ wɔkɔ so a, wɔnyɛ adwuma den na wɔn mɛfifire mu na wɔn nsa beko wɔn ano na na wɔn ne ohia ne ahokyere ntam kwan aware.

**88. Wosum anihafidie a, woyi agyawaadwo**

Sɛ obiara resum afidie a ɛsɛ sɛ ɔsum no kamakama ɛfiri sɛ aboa no tworonoo no ɔnim so yie nti deɛ ɔresum afidie no, ɛtwa sɛ ɔsum no yie a ɔma aboa no nya ho mpopoɛɛ biara sɛ biribi asi wɔ ne kwan no so. Anaasɛ, sɛdeɛ ɔbesum afidie no nso, nni kwan sɛ ɔma no hwa fom aboa no. Wɔkyere mu sɛ aboa bi wɔ ho a, n'afidisum no, gyese wotu amena wɔ ne kwan no mu, na wowie a woasan abubu nhahama de akata so kamakama wɔnhunu sɛ amena da kwan no mu mma no mfa nkyɛn. Bio, mmoa no bi nso wɔ ho a, woansum ne fidie no yie a, ɔbetia so nso enyi no, ɔbeko. Aboa bi nso wɔ ho a, fidie no beyi no nso ɔbeyi ne ho afirim ako.



Saa nsem yi nyinaa kyere sɛ afidisum hia, adaagyee, mmere, nyansa ne nimdee, ansa na atumi ama wo deɛ wɔrehwehwe a eye aboa no. Saa adwene yi kyere sɛ woyɛ akwadwoɔ na woansum no yie na wosum no biarabiara wonu wo ho nanso na bere no atwam. Obi wɔ ho a kontunu no a ɔde resum afidie no koraa nye papa, aboa no betia so ako a wonya mfasoɔ biara. Nti deɛ wɔnam saa ɛbe yi so ka de kyere mmɔfra ne sɛ, ɔbra ne woara woabo, nti wɔnto wɔn boase, mpe nimdee, na wɔnyere wɔn ho nye adwuma. Adwuma biara a woyɛ no nso wɔnyɛ no yie na ɛnsɔ aba pa mma wɔn. deɛ woyɛ biara no wɔnyɛ no hɔgyahaya anyɛ saa daakye bi no ankɔsi yie amma wɔn a wɔbɛka sɛ mehunuie anka nanso na ɛbere ne nneema pii ahwere wɔn a mfasoɔ biara amma so amma wɔn abrabɔ.

Bio, adwuma biara a woye no, wonyi akwadworɔ ne aniha mfiri mu na wonye no sedee eɛ na efata na wanya biribi papa bi afiri mu. Adwuma mu na wowɔ na woantene won ho anye amma no ankoyie a, adwuma wura no tumi yi won adi ma won ano aduane bo won.

**89. Wote faako a, wote woadeɛ so**

Biribi ara wode mmere na eye, yei nti wohunu no se anka wosore koyee adwuma a, adepa bi wo ho a nka wo nsa beka nanso woankko no a womaa akwadworɔ hyee wo so no saa adee no aka ho a woantumi anye. Nti adee biara a, wokoyee adwuma no a anka wobonya no, esiane se akwadworɔ nti wonsore ntuu eho anamon no nti, wote saa adee no so a mfasoo biara mmaa bere no so mmaa wo. Mfasoo no a ebeba so ama wo no, eno ne adee no a wote so no, ebetumi aye sika, agyapadee, afutuo bi a opanin bi de bema wo, nhyira bi a, esiane wosompa bi a wode somm opanin bi nti ode behyira wo ne ade.


Nnipa bebre wo ho a, woresore akeka won ho akoye biribi a, eye a na won to ye duru, wotwetwe ne ho, omfa mmere nye adwuma nti adee a ese se nka ne ns aka wo ne bere mu no, ne nsa nka esiane ntwetwe ho ne akwadworɔ a ebaa ne mu a woankko ye saa adee no nti na n'adepa bi ahwere no.

Akanfoɔ hwe se mmofra beyi aniha ne akwadworɔ afiri won asetena mu na wode bere aye adwuma na won adepa bi anhwere won. Ne saa nti, mpen pii no dee awofoo ne ahwefoɔ ye ne se, wosoma abofra bi a, wotumi te ntasuo gu fam ka kyere no se, okye a obeba na ne furuma aporo. Woye yei sedee ebema abofra no akeka ne ho na ode bere aye adwuma.

### 4.3 Ofa yi Muabo

Saa ofa yi mu no, yeahunu mpensempensemu ahodoɔ pii afa adwene a Akanfoɔ wo fa mmɔfra ho a eno nti wɔgyina so de ntetee papa ma wɔn. Saa adwene yi daa ne ho adi wo mme ahodoɔ bi a wɔdi di dwuma wo wɔn kasa mu. Afei saa ofa yi san maa yehunuu nneema a esom bo ma Akanfoɔ a wɔpe se ewura wɔn mmɔfra tirim na wode ka wɔn su ne wɔn daadaa asetena mu nnetee ho na eboa wɔn wo abrabɔ mu. Bio, ofa yi daa suban ahodoɔ bi a, Akanfoɔ pe se wɔn mmɔfra yi yi no akwa na eboa ma wɔn abrabɔ tu mpon. Saa nneema yi nyinaa wɔda no adi wo wɔn abebuo mu na wode kasa kyere mmɔfra ne mpanin nyinaa.

Megyinaa me tiɔri a ene Conceptual Metaphor Theory (CMT) a mekaa ho asem wo ofa a eto so mmienu no so se mede bedi dwuma no so na mekyerekyere saa adwene yi mu. Saa tiɔri yi ma yehunu se adwene a obi wo fa biribi ho no na wɔgyina so ye n'adee, na saa adwene yi daa ne ho adi wo ofa yi mu.



## ƆFA A ETƆ SO NUM

### MUABƆ, ADWENKYERƆ NE AWIEEE

#### 5.0 Nnianimu

Ɔfa eto so num wo dwumadie yi mu no ye dwumadie no muabɔ. Mpanin se: “kwan tenten biara kowie kurotia”. Saa ɔfa yi mu na nhwehwemu yi nyinaa beba awiee. Menam tofabɔ so de nea epuepuee me nhwehwemu yi mu nyinaa beto dwa. Bio, mede m’adwenkyere ahodoɔ a mewɔ fa dwumadie yi daakye nhwehwemu ho nso beto dwa na aboa ama Akanfoɔ ho adesua ne nnimdee a adesuafoɔ ne afoforo a, wɔrehwehwe kasa no mu suahunu ahodoɔ nso agyina so adi dwuma. Mede saa adwenkyere yi beto dwa wo dwumadie yi awiee.

#### 5.1 Nhwehwemu no nyinaa muabɔ

Ɔfa eto so num yi ye ɔfa a erebo dwumadie yi nyinaa tofa na ede nhwehwemu yi aba awiee. Ɔfa a edi kan no buee nhwehwemu yi ani so maa mekyeree dee ebeko so wo ɔfa biara mu. Ɔfa a edi kan ho no ara mehwee dwumadie no nnyinasoɔ, medaa ɔhaw a maka ho nsem yi adi wo ho. Bio, mekyeree nhwehwemu yi botaeɛ ne eho nsemmissa. Afei dwumadie yi ho mfasoɔ, beaeɛ a dwumadie yi koɔpem, dwumadie no ho akwansidee, dwumadie no nhyehyeeɛ nso daa adi wo ho, ansa na merebo ɔfa no nyinaa mua.

Ɔfa a eto so mmienu no mu no, adwenkyere animdefoɔ binom akyere afa dwumadie yi ho daa adi wo ho. Mehwee ebe asekyere, ebe su, ebe mu kasasu ahodoɔ, Akanfoɔ mme ahodoɔ, ebe dwumadie, dee ema ebe ye adee a yetumi de tete mmofra. Afei mebehwee abaatanye ne mmofra ntetee, awoɔ, subampa a Akanfoɔ de wura won mmofra mu. Me san

kaa adwenemusem a mede dii dwuma yi ho asem, adwenkyere a ewo ho ne sedee mede tiori no dii dwuma ansa na meboɔ no mua.

Afei ofa a eto so mmiensa no nso medaa nhwehwemu kwan a mefaa so yee saa nhwehwemu yi, nhwehwemu no su, beaee a nhwehwemu no koo so, nnipa dodoɔ a mede won dii dwuma, okwan a mefaa so nyaa nsem a mede dii dwuma no, okwan a mefaaso yee mpensempensem no na afei ofa no muabo.

Ofa a eto so nan no nso yee mpensempensem a efa dwumadie yi ho. Saa dwumadie yi fa Akanfoɔ mme a wode tete mmofra ho. Dwumadie yi botae titire pa ara ne se ebekyere mme ahodoɔ a Akanfoɔ de tete mmofra afei esan maa akenkanfoɔ hunuu subampa Akanfoɔ de wura won mmofra mu ma wodi mu wo abrabo mu. Ne saa nti mede nsemmisa mmiensa na dii me dwuma yi; sen na Akanfoɔ ada mmofra adi wo abebuo mu? Subampa ben na Akanfoɔ nam abebuo so de tete won mmofra? Esu ben na Akanfoɔ kasa tia?

Nhwehwemu yi ye nhwehwemu kwan a egyina nkyerekyeremu so. Na okwan a mefaa so nyaa me nsemmoa de dii dwuma yi ye nyiyimu a egyina botae so. Meda mfitiasee nsemmoano ne mmataho nsemmoano na dii dwuma sedee madi kan aka no wo ofa eto so mmiensa no mu no.

Ofa a eto so mmienu no mu no, Nwanko (2015) maa yehunuu se ebe ma yen nhunumu fa oman bi amammere ne nnipakuo nhyehyeee ne won gyidie ho. Saa asem yi a Nwanko aka yi daa adi wo menhwewemu yi mu. Mme ahodoɔ a mede dii dwuma no nyinaa maa

mehunuu adwen a Akanfoɔ wɔ fa mmɔfra ho. Afei nso ɛmaa mehunuu nneɛma a ɛsom bo ma Akanfoɔ a wɔpɛ sɛ wɔn mmɔfra hunu na wɔsua de bɔ wɔn bra. Me dwumadie yi ada no adi ama yahunu sɛ adwene a Akanfoɔ wɔ fa mmɔfra ho no nti wɔtete mmɔfra sɛdɛ wɔyɛ no. ɛmaa yahunu sɛ mmɔfra yɛ asuasua, abɔfra wɔ efie a ne deɛ ne ɔsom, mfomsoɔ wɔ mmɔfra ho nti mpanimfoɔ hia ahweyie wɔ wɔn ntetee mu. Afei ɛsan ma yahunu sɛ, ɛduru baabi a, etwa sɛ mpanimfoɔ dwene ma mmɔfra wɔ abrabɔ mu na wɔma wɔn ntetee.

Bio, mehunuu no me nhwehwemu no mu sɛ, Akanfoɔ yɛ nnipakuo a wɔnnyae mmɔfra ntetee mmɔ awofɔɔ a wɔwoo ba no nko ara so. Mmom ɔmanmu no nyinaa asɛdɛɛ, na ntetee biara a wɔde ma mmɔfra no nye mmɔfra no yiedie nko ara na wɔhwehwe na mmom ɔman no yiedie ne ne nkankɔ. Saa asem yi foa Gyekye (1995) asem a waka sɛ ɔhunu Akanman sɛ eyɛ kwasafɔ dea na nye ankorankore no so. Yei te saa efiri sɛ, men hwehwemu no mu no, mehunuu sɛ, adwene biara a wɔwɔ fa mmɔfra ho a wɔgyina so tete wɔn no, kɔwiewie sɛ abɔfra no nti sini wɔ subampa a Abibiman kuramu na ɛsom bo ma wɔn no mu na aboa ama ɔman no anim aba nyam. Yei nti adeɛ biara a ɛbɛma abɔfra no ato sini na ɛmmaa ɔman no, Akanfoɔ nsosɔ so. Mpanin sɛ: ɛka wo nantin a na aka wo to. Abɔfra no anim gu ase a, ɛka ɔman no, saa ara nso na n'anim ban yam a ɛka ɔman no. yei nti, ɔman no yiedie na wɔhwehwe na ɛno so titire pa ara na wɔgyina so de ntetee papa ma mmɔfra no.

Afei, nhwehwemu yi maa mehunuu sɛ Akanfoɔ nhyɛda nkyɛ mmɔfra ntena ase sɛ wɔrekyɛre wɔn adeɛ na mmom wɔhwe deɛ ereko so na wɔsua. Mpanimfoɔ nso de wɔn ani to fam hwe esu bi a onipa binom da no adi a Akanfoɔ ani nnye ho na wɔnsosɔ so, na

wode mme bi akasa atia de atwa. Ewom se dwumadie no fa mmofra ho dee, nanso mme ahodoɔ no ara nso tumi kasa kyere mpanimfoɔ nso twe won adwene si dee oman ne abusua rehwehwe afiri ne ho.

Dee edi ho no, Akanfoɔ mme no bi da esu ne ban a wohwehwe se obarima beda no adi ne obaa asedee etwa se oye so. Eha dee mehuuie ne se, wode mmarima gyina soro sene mmaa. Ebe bi te se, *Akokɔ bedee nim adekyeee nanso otie fri onini ano* ma yehunu se mpo obaa no wo biribi ye a, onya abotere mma obarima no ntu ho anamon ansa. Saa ebe koro yi ara nso kasa kyere mmarima se dee etwa se woye no, wontu ho anamon ntem ansa na nneema agye nsam. Nanso ne nyinaa mu no, mehunu no se, pɛpɛɛpɛye ne asomdwoe na wohwehwe ma Akanman.

Mme no dwumadie ne n'asekyere wo kasa mu no nnyina asem biako so, na mmom asem a ebesi no na ma wote ebe no ase. Ebe koro no ara wotumi bu no akwan pii mu, nanso asem a asi a nti worebu saa ebe no na wogyina so de te ase wo saa bere no mu.

Adee biako a mehunu wo saa dwumadie yi ho faa mmofra ntete ho ne se, Akanfoɔ nnye nni se mmofra twa ntoro. Wogyi di se abofra dee, ontwa ntoro na mmom asem a wobeka biara ye nokore esiane se onnim nyansa mmom.

Wokyere mu se, mmofra sua ntoro twa firi mpanimfoɔ ne nnipa won atwa won ho ahyia no nkyen. Ewom se Akanfoɔ nsoso ntoro so dee nanso wowo mme ahodoɔ bi a na wode kasa tia saa suban no.

*Wotwa nkontompo ma wo safoa yera a, woda abɔnten.*

*Ɛda aponkyerɛni bewu no, na yebehunu ne tenten.*

Afei, adeɛ titire baako pa ara a ɛdaa adi wɔ saa nhwehwɛmu yi mu ne sɛ, esiane adwene ahodoɔ a Akanfoɔ wɔ fa mmɔfra ho no nti, wotea mmɔfra wɔ suban ahodoɔ a wɔda no adi a, ɔmanfoɔ no nnye ntom ho. Mpen pii no, wɔnhye da nkye mmɔfra ntena ase mma wɔn ntetee, na mmom suban a abɔfra bi da no adi no na wɔgyina so kyere no deɛ ɔman no sɔ mu ne deɛ wɔyi no akwa.

## **5.2 Adwenkyere**

Nokwasem a ɛwom ne sɛ, nhwehwɛmu ahodoɔ pii akɔ so afa Akanfoɔ abɛbuo ho. Esiane sɛ abɛbuo di tintiman wɔ Abibiman kasa mu na wɔnkɔnnya no akyire nti, ɛho nhwehwɛmu ye mpempem a yenwie ɛho dwumadie. Nhwehwɛmu ɛfa abɛbuo ho fa kesee noara fa amammerɛ ne ano kasadwinie ahodoɔ ho. Ebinom ahwe abɛbuo a ɛfa mmoa ho, deɛ ɛfa mmaa ho. Abɛbuo a ɛda mmarima adi wɔ Akanman mu, ɛbɛ mu nsentitire ne deɛ ɛkeka ho. Saa dwumadie ahodoɔ yi aboa ama saa nkorabata yi mu adaho yie. Ama akenkanfoɔ ne adesuafoɔ ahunu sɛdeɛ Akanfoɔ si hunu nneema bi fa a ɛno nti wɔye deɛ wɔye.

Mpen pii no yeka ɛbɛ ho asem a, adwene a ɛtaa ba nnipa tirim ara ne anoteɛ. Wɔtaa hwe sɛdeɛ onipa bi tumi de ɛbɛ kasa di dwuma ma no ye de na ɛye fe ne sɛdeɛ ɛda Akanfoɔ amammerɛ ahodoɔ bi adi. Esiane saa nti ɛrekame aye sɛ kasa no nkorabata bi te sɛ fonɔlogyi, semantese, pragematese ne nkaɛ no nhwehwɛmufɔɔ nhyɛ da nnyinaa abɛbuo



so nyɛɛ nhwehwɛmu mfaa ho. Yei nti, meretwe adwene asi so sɛ, nhwehwɛmufoɔ nhwe fɔnɔlɔgi nhyehyɛɛ a ama yɛanya ɛbɛ nnanemu ahodoɔ bi. Afei nso, ebinom nso betumi ayɛ nhwehwɛmu afa semantese ne pragematese dwumadie wɔ abɛbuo mu. Ne korakora no meresan atwe adwene asi so sɛ afoforoɔ betumi ayɛ nhwehwɛ mu afa sɛdɛɛ Akanfoɔ fa abɛbuo so kasa kyere mmɔfra wɔ wɔn ntetɛɛ mu. Saa dwumadie ahodoɔ yi bɛboa ama nimdɛɛ ahodoɔ a ɛwɔ abɛbuo mu no akɔ nkan.

### 5.3 Awieɛ

Dwumadie yi yɛ nhwehwɛmu a ɛfa adwene a Akanfoɔ wɔfa mmɔfra ho sɛdɛɛ wɔda mmɔfra adi wɔ abɛbuo mu. Dwumadie yi gyinaa mme bi so daa adwene ahodoɔ a Akanfoɔ wɔfa mmɔfra ho adi. Afei ɛsan maa yɛhunu nneɛma a ɛsombo ma Akanfoɔ a wɔpɛ sɛ mmɔfra sua ne nneɛma a wɔnsoso so nti wɔyi no akwa a wɔmpɛ sɛ mmɔfra besua na abɛka wɔn su ne wɔn ban ho. Saa ɛsu ahodoɔ yi nyinaa wɔdaa no adi wɔ abɛbuo mu. Adwuma yi atwe adwene asi senti a Akanfoɔ tete wɔn mmɔfra sɛdɛɛ wɔtete wɔn no.

## NWOMA AHODOO A MENYAA MU MMOA

- Achebe, C. (1986). *Things Fall Apart*. London: Heinemann.
- Aderemi, R.O. (1994). Postproverbial in Yoruba Culture: A Playful Blasphemy. *Research in African Literatures*, 30(1), 74-82.
- Adjandeh, E.A. (2014). *A Study of Proverbs In Things Fall Apart And Sundiata: An Epic Of Old Mali (Sundiata)*. Mphil Thesis
- Agyekum, K. (2010). *Akan Verbal Taboos in the Context of the Ethnography of Communication*: Accra: Ghana University Press
- Agyekum, K. (2011). *Akan Kasadwin*. Accra-Ghana. Dwunfour Doku St.
- Agyekum, K. (2012). Akan proverbs and aphorisms about marriage. *Research Review NS*, 27(2), 1–24.
- Agyekum, K. (2013). The Pragmatics of ‘mouth’ metaphors in Akan. *Ghana Journal of Linguistics* 2.1:1-17
- Agyekum, K. (2017). Proverbs in Akan music: A case study of Alex Konadu’s lyrics, in *Paper Presented at the Second School of Languages Conference*, University of Ghana, Legon.
- Amfo, A. N. A., and Diabah, G. (2017). To dance or not to dance: masculinities in Akan Proverbs and their implications for contemporary societies, in Paper Presented at the *Second School of Languages Conference*, University of Ghana, Legon.
- Anyidoho, K. (1983). *Oral Tradition and the Tradition of Verbal Art in Africa*. Austin: Unpublished Phd. thesis.
- Appiah, P., Appiah, K., & Agyeman-Duah, I. (2007). *Bu me be*. Accra: Ayebia Clarke Publishing Limited.
- Appiah-Sekyere, P. (2018). On Human Life, Traditional Akan Ethical Perspectives. *International Journal of Arts and Social Science*. Vol. 1. Issue 2.
- Awedoba, A.K. (2000). *An Introduction to Kasena Society and Culture Through Their Proverbs*. Lanham: MD: University Press of America.
- Baragas, D. E. (2010). *The Functions of Proverbs in Discourse: The Case of a Mexican Transactional Social Network*. New York: De Gruyter Mouton.
- Boahen, A. (2001). *Comprehensive Notes on Ghanaian Culture (Akan)* Unpublished.

- Brookman-Amisshah, J. (1986). *Akan Proverbs About Death*. *Anthropos*, 81(1/3), 75-85. Retrieved from [www.jstor.org/stable/40462026](http://www.jstor.org/stable/40462026).
- Christaller, J.G. (1964). *Dictionary of Asante and Fante Language called Tshi (Twi)*. Basel: Basel Evangelical Missionary Society.
- Diabah, G. and Amfo A.N.A. (2015). "Caring supporters or daring usurpers? The representation of women in Akan proverbs." *Discourse & Society* 26: 3–28.
- Dickson, A. & Mbosowo, M. (2014). *African Proverbs About Women: Semantic Import And Impact In African Societies. Mediterranean Journal Of Social Sciences*. Rome: Mcser Publishing.
- Dingemanse, M. (2012). Advances In The Cross-linguistic Study Of Idiophones. *Language and Linguistic Compass* 6(10), 654-672
- Dolphyne, F.A. (2006). *The Akan (Twi-Fante) Language: Its sound systems and tonal structure*. Woeli Publishing Services, Accra-Ghana.
- Dzokoto, A.V., Osei-Tutu, A., Kyei, J.J., Twum-Asante, M., Attah, A. D. & Ahorsu, K.D. (2018). *Emotion Norms, Display Rules, And Regulation In Akan Society Of Ghana: An Exploration Using Proverbs*. *Front. Psychol.* 9:1916. doi: 10.3389/fpsyg.2018.01916
- Emeka-Nwobia, N. & Ndimele I.R (2019). Cultural conceptualization of women in Igbo proverbs. *UJAH:Unizik Journal of Arts ans Humanity*,20(1),162-181
- Finnegan, R. (2012). *Oral literature in Africa* (2nd ed.). Cambridge, UK: Open Book Publishers. Finnegan, R. (1970). *Oral Literature In Africa*. Oxford: Oxford University Press.
- Gentner, D. & Bowdle, B. (2006). Psychology of metaphor processing. In *Encyclopedia of Cognitive of Cognitive Science*, Nadel Lynn (ed), 204-2017, Chichester: John Wiley & Sons, Ltd
- Gould, C. & Ward, C (2015). *Positive Parenting In South Africa: Why Supporting Families Is Key to Development And Violence*.
- Graddy, J. (1997). *Foundation of meaning: Primary metaphor and primary scenes*. Unpublished PhD Thesis, Carlifonia, Berkely.
- Gyekye, K. (1995). *An essay on African philosophical thought: The Akan conceptual scheme*, (rev.ed). Philadelphia: Temple University Press.
- Gyekye, K. (1996). *African Cultural Values: An Introduction*. Philadelphia and Accra: Sankofa Publishing Company.

- Gyekye, K. (1997). *Tradition and Mordinity: Philosophical Reflection on the African Experience*. New York: Oxford University Press
- Hernstein, B. S. (1978). *On the Margins of Discourse: The Relation of Literature to Language*. Chicago: The University of Chicago Press.
- Herskovits, M. (1958). *Dahomean Narrative*. Evanston.
- Honneck, R. P (1997). *Proverb in Mind: The Cognitive Science of Proverbial Wit and Wisdom*. London: Lawrence Erlbaum Associates Publishers
- Jenkins, H. (1998). Introduction, In Henry Jenkins (ed.) *The Children's Culture Reader*. New York: New York University Press (pp. 1-37)
- Kaplan, M.S. (2002). *Using Proverbs to Explore Intergenerational relations Across Cultures*. New York: University Press of America, Inc.
- Kincheloe, J. (1998). New Childhood, In Henry Jenkins (Ed.) *The Children's Culture Reader*. (pp. 167-175). New York: New York University Press
- Kovecses, Z. (2002). *Metaphor: A Practical Intriduction*. Oxford: University Press.
- Lakkoff, G. & Johnson, M. (1992). *The Contemporary Theory of Metaphor*. England: Cambridge University Press.
- Lakoff, G. & Johnson, M. (1980). *Metaphors We Live By*. London: Chicago University Press.
- Marfo, C., Many, A.K., Agyeman, O. K. & Aning, J. (2016). *Dominant Voices of Akan Proverbs And Riddles*. Social Science And Humanities Journal Survey Report (pp 212-221). Retrieved on 19/11/2021
- Meider, W. (2004). *Proverbs*. A handbook. Westport: Greenwood Publishing Group.
- Ministry of Gender, Children and Social Protection (2014). *Child and Family Welfare Policy*. <https://bettercarenetwork.org>>Pdf Retrieved on 20/11/2021 3:55GMT
- Mollanazar, H. (2001). *Principles and Methodology of Translation*. Tehran:SAMT
- Nketia, J. H. (1963). *Drumming in Akan Communities of Ghana*. Edinburgh: Thomas Nelson and Sons Limited.
- Norrick, N. R. (1985). *How Proverbs mean*. Semantics Studies in English Proverbs. Berlin: Mouton.
- Nwachukwu-Agbada, J. (1994). *The Proverbs in the Igbo Milieu*. *Anthropos*, 194-200.

- Nwachukwu-Agbada, J. O. J. (2002). *The Igbo Proverbs*. Enugu: John Jacobs Classic Publishers
- Nzembisi, C. L.S.(1954). *Zulu Proverbs*. Johannesburg
- Okpewho, O. (1992). *African Oral literature: Background, Character and Continuity*. Bloomington: Indiana University Press.
- Okumba, M. (1994). *Encounter with Oral Literature*. Nairobi: East African Educational Publishers Limited.
- Onyejekwa, M.C. (2001). Portrayal of women in Igbo proverbs. *Nsuka Journal of African Languages and Linguistics*,2(1),128-134
- Osei, K. (2012). *An Outline of Asante History*, Part two Volume 1, Fourth Edition Kumasi, O. Kwadwo Printing Press
- Owu-Ewie, C. (2019). Proverbs in Marriage: Counselling role and implications. *Legon Journal of the Humanities Vol. 30.1* DOI:<https://dx.doi.org/10.4314/ljh.v30i1.2>
- Owu- Ewie, C. (2017). *Introduction to Traditional Research*. University of Education, Winneba.
- Oyekan, O. (2005). *Yoruba Proverbs*. Lincoln and London: University of Nebraska Press.
- Pragglejaz, G. (2007). MIP: A method for identifying metaphorically used words in discourse. *Metaphor & Symbol*,22(1), 1-39.
- Prempeh, A. (2006). *Akan Amammere*. Accra Unpublished Manuscript.
- Pufall, P. B. & Unsworth, R. P. (2004). *Introduction*, In Peter B. Pufall & Richard P. Unsworth (Eds.) *Rethinking Childhood*. New Jersey: Rutgers University Press. (3)
- Rattray, R. S. (1916). *Ashanti Proverbs*: Oxford: Clarendon Press.
- Samovar, E.L.A., Richard E.P. and Lisa A.S.(2009). *Communication between Cultures*. Edited by Randall Adams. Third ed, *Wadsworth Series in Communication Studies*. Belmont, CA: Wadsworth Publishing.
- Sarpong, P. (1974). *Ghana in Retrospect: Some Aspects of Ghanaian Culture*. Tema: Ghana Publishing Corporation.
- Semino, E. (2008). *Metaphor in Discourse*. Cambridge: Cambridge University Press

## NKEKAHO

Mme dodoo a mede dii dwuma

1. Abofra bo nwa ommoo akyekyedee
2. Abofra twa fufuo a otwa dee ebeko nianom
3. Aserewa mmo tam kesee a etu no hwe
4. Abofra sua adwinie a enye osebo nwoma na ode sua
5. Abofra hunu kotoo ani a, ose hunu kotoo ani a, ose eye abaa
6. Mmofra hunu okodee a nsuo aboro no a, wose eye opete
7. Yetu wo fo na woantie a woko anteade
8. Yensoma abofra wo sumina so, nanso oko na opira a, yemia ma no
9. Sekantia gye ne ho abofra nsam
10. Obi nsoma abofra na onhwe n'ani akyi
11. Abofra ketewa bi te fi kesee mu a, ma no due na wahunu amane
12. Abofra a oye somakoro na odi n'abodwodee
13. Wodi wo nananom amamfo so ni a, wogya wo awunyadee
14. Aduane a woammeto no wo maame bukyia so no wo kyiri
15. Yerewo abofra nyansafo no na opanin kwasea te ho
16. Abofra anse oni a ose ose
17. obaa ko awaree a, ode ne nan a oko
18. Abofra hunu ne nsa hohoro a, one mpanimfo na edidi
19. Abofra nnim adwaree koraa na enye n'afuru so
20. Obi nkyere abofra Nyame
21. Abofra te se borodedwo, woankusa a, ehye
22. Agya adee merefa, ena adee merefa, na wadaene koromfo
23. Abofra a omma ne maame nna no, bentoa mpa ne to da
24. Abofra a oko asuo na obo ahina
25. Wosoma abofra a wo nan mu na edwo won a wo ho dee ennwo wo
26. Obi nsoma abofra mfa ne ho abufuo
27. Ahunu bi pen nti na aserewa regye ne ba agoro a, na wayi n'ani ato nkyen
28. Ohene ba ne dee ne papa te asee



29. Abɔfra sua ɔse ɔye ɔdehyee
30. Wone abɔfra kɔ kɔkɔbɔ wodi kan bɔ bi hye ne nsa ase
31. Abɔfra pe ade kɔkɔ ahwe a, yede damenama ahahan na akyere no
32. Abɔfra su mpaninsu a, yegye no ayiease toɔ
33. Mmɔfra nkɔtu a, woanhunutu; mpanyin nkɔtu a, watiatia so
34. Dɔhɔhɔ ani akeseakese nanso enhunu ɔman no mu nsem, na nea ɔde kuro aniwa  
nketenkete na ɔhu mu nsem
35. Dɔhɔhɔ te se abɔfra
36. Dɔhɔhɔ te se susuansuo
37. Dɔhɔhɔ nto mmara
38. ɔhɔhɔ akyi mpa asem
39. ɔhɔhɔ ama woanya sika ama woanya ka
40. ɔhɔhɔ soee wo fie a, wanna wo biribi a ɔgya wo ka
41. ahɔhoduane ye wo de a, wo animuonyam ye ketewa
42. ekɔm de hɔhɔ a ɔde firi ne kurom
43. Asem a Onyame adi asie no, ɔteasefoɔ ntumi nnane ani
44. Akokɔ beree nim adekyeee nanso ɔtie firi onini ano
45. Dhene nyaa wo a, wose ɔne wo ka
46. ɔbaa to etuo etwere barima dan mu
47. ɔbaa ton nyaadowa na ɔnton atoduro
48. Hu m'ani so ma me nti na atwee mmienu nam
49. Yenam baanu sum afidie a, yenam baanu na ehwe
50. Benkum dwaere nifa na nifa nso adware benkum
51. Obi nnim a obi kyere
52. Benkum dware nifa na nifa nso adware benkum
53. Etua wo yonko ho a, wose etua duam
54. Obi abawuo tuatua obi aso
55. Nsatea nyinaa nye pe
56. Woanya biribi amma w'ase a, wonnyae mmɔ no korɔno
57. Onipa te se akokɔ ɔdidi wie a na ɔde n'ano atwitwiri fam.

58. Magyina nkantankantan so ne sasabonsa adi ako m'ase anyi me ayɛ, nyɛ akokɔ a ɔredi n'aboro a meɛ no soeɛ soeɛ na ɔbɛkamfo me.
59. Yɛma wo ɔkyeame na woanni a, ahenkwaa mpo bɔ wo.
60. Kɔmfo bɔne a watena ɔyarefoɔ ho ama ɔkɔmfo pa abeto no no, wɔnyi ne mu, ebia na ɔnim akyiwadeɛ bi wo baabi
61. ɔbaako nyɛ ɔman
62. Obi mfa ne sa benkum nkyerɛ n'agya amamfo so
63. ɔkɔmfo bɔne se ɔman bebɔ a ɔte mu bi
64. Onipa nua ne nipa
65. Prae wo ho yi, woyi baako a ɛbu, woka bɔmu a ɛmmu
66. Kɔkɔsakyi kasa kyere bonikyerefoɔ a, ɔte no abɛbuom
67. ɔbaako werɛ aduro a egu
68. Woyɛ menkomedi a, wonya ɔsaman nhunuɛ
69. Wonko wodi a, wonko wo ne
70. Worewe ɛfoɔ nsa a, na woahwɛ wo nsa
71. Worebu ɔkɔtɔ kwasea a, Nyame hwɛ wo to
72. W'ani te bebree a, woma aponkye akye
73. Nsuo tae aponkyereni a, ɔgye wɔɔ
74. Wopam ohufoɔ a, woto no barima
75. Obi nhuhu mma obi nkeka
76. Kwaterekwa se ɔbema wo ntoma a, tie ne din
77. Kontomponi se ɔne wo bɛforo dua a, ma no nni kan
78. Ti nyinaa sɛ na emu nsem nyɛ pe
79. Etire ntese borɔfere na yapae mu ahwɛ
80. Sikanibere da owuo afa
81. Woma w'ani bere deɛ abere pii a, woyi deɛ aporo
82. Womma wo yɔnko antwa ankɔ a, wonso wontwa nnu
83. ɛkɔm de wo sɛn mpo a, womfa wo nsa mmienu nnidi
84. Anomaa antu a ɔbuada
85. Wosum anihafidie a woyi agyawaadwo
86. Wote faako a, wote woadeɛ so.